

TRACTATUS
DE IPSA NATURA.

SIVE LIBERA IN RECEPTAM
NATURÆ NOTIONEM
DISQUISITIO
AD AMICUM.

Authore

ROBERTO BOYLE

NOBILI ANGLO, SOCIETATIS REGIÆ SOCIO.

*Audendum est, & Veritas investiganda; quam etiamsi non assequamur, omnino tamen
propius, quàm nunc sumus, ad eam perveniemus. Galenus.*



GENEVÆ,
Apud SAMVELEM DE TOVRNES.

M. DC. LXXXVIII.





TRADUCTORIS PRÆFATIO.

Præcipua hujus Tractatus Capita complexa.



VM Illustrissimo eruditissimi hujuscæ operis Authore mirari satis nequeo, scripsisse hætenus de *Natura* neminem quamvis de ipsis *Natura* operibus non pauca plurimi scripserint: Mirari tamen desino cùm mecum ipse perpendo Peripateticorum principiis, *Materiae* scilicet & *Formæ*, quam *substantialem* dicunt per tot sæcula plerosque è doctioribus etiam inhaerisse, quòd scilicet propositas ab *Aristotele* notiones nescio quo præjudicio conformes vero rati defendere, ac propugnare quasi re ipsa ejusmodi forent, cæca quadam obedientia statuissent. *Naturam* itaque, vulgi Peripateticòque etiam sensu acceptam humanum hætenus genus admisit, sed unius tantùm præjudicii vi quo sæpe fit ut homines multitudini contradicere vel tutum non putent, vel eorum qui inter doctos nomen consecuti sunt, auctoritatem cæca quadam indignaque homine libero Philosopho præsertim veneratione prosecuti, in dubium nunquam eorum pronun-

ciata revocent , quæ quidem præcipua mihi videtur, licet fortè non unica propagationis errorum causa tum in rebus Philosophicis, tum in aliis majoris momenti, atque ad Divinum etiam cultum Religionemque spectantibus : Sed quia de his hîc non agitur ; quod ad dogmata Philosophica attinet , ex ingeniosissima hac, summæque (ut legenti patebit ,) eruditionis lucubratione , vel me tacente colliges receptam *Naturæ* notionem omnibus hætenus Philosophis errandi præbuisse opportunitatem , dum eam incogitantia quadam non examinatam admitterent : Quæ pariter alio nomine , ut hic tractatus insinuat , generi humano plurimum obfuit, quòd scilicet ipsi divinæ in mundi regimine Providentiæ propitia non foret , Medicisque periculoso in re medica errorum occasio extiterit ; cum hi hujusce vulgatæ notionis veritate freti, funesto plurima eventu necessariò præscribant. Sed ne pluribus te morer , ut ex *ungue Leonem* , summa eorum quæ quævis hujus operis Sectio tibi exhibet , capita paucis perstringam.

Per totam itaque *Sectiorem primam* Illustrissimus hic Author ubi quædam de modo quo anima humana res concipit , præmisisset , acutè ingeniosèque more suo geminis obviam it objectionibus : Quarum altera petitur inde quòd oppugnatio *Naturæ* ingrati animi crimen videatur , vitiòque verti debeat ipsius *Naturæ* filio ; altera hinc quòd communi omnium opinioni contradicat.

Secunda Sectio duo præstat, 1. varias hujus vocis *Nat-*

uræ,

PRÆFATIO.

nuræ, acceptionesque vulgares enumerat. 1. *Naturæ* alias, magisque congruas tum voces, tum locutiones substituit.

Sectio tertia, 1. Examinat *Aristotelicam Naturæ* definitionem, accusatque ut obscuram, intricatam, nulliusque in aliis rebus explicandis lucis fontem. 2. Rationes proponit ob quas prænobilis Author hujus vocis *Naturæ* usum frequentiore vitet.

Sectio quarta, 1. Varia circa *Naturam* axiomata examinat, ex quibus vulgari sensu accepta describitur, meliorem Author descriptionem tradit post eruditam de variis loquendi modis ad *Naturam* spectantibus dissertationem: Geminam *Naturam* distinguit generalem, quam *Cosmium Mechanismum* vocat, & particularem quam *Mechanismum individui* appellat. 2. Polytheismi præcipuam originem indicat, *Naturæ*que ab Antiquis Apotheosin.

Sectio quinta Rationes proponit quibus maximè indutus est Author ut receptam *Naturæ* notionem rejiceret, petitas ab insufficiente *Naturæ* vulgariter acceptæ probatione, ab ejusdem superfluitate, obscuritate, periculoque religioni Christianæ, ab ea impendente, à quotidianis Phænomenis, &c.

Sectio sexta diluit argumenta in *Naturæ* defensionem ducta à communi hominum opinione, ab innato corporibus status naturalis appetitu, à distinctione motus in *Naturalem*, & *Violentum*, à morborum crisis, &c.

Sectio Septima, 1. Conformiter nobilissimi Autho-

T R A D U C T O R I S

ris doctrinæ omnia circa Naturam axiomata ; clarissimè , ingeniosissimè , ac magna omnino subtilitate exponit. 2. De Vacuo multa nova ad rem disserit. 3. Hoc axioma , *Natura est morborum medicatrix* , mirabiliter & summo ingenio explanat.

Sectio octava , 1. Subtilissimis argumentis Naturam vulgari sensu acceptam non esse in rerum Natura ostendit. 2. Conformem hujus tractatus scopo sed novam ac peculiarem divinæ Providentiæ hypothesim proponit. 3. Totius operis utilitatem paucis indicat. Ex quibus omnibus nemini non patet quàm profundi , latèque patentis ingenii habeatur meritò ubique terrarum , & reipsa sit Illustrissimus *Boyllus* , utpote qui jampridem tam multa , tam nova summo Reipublicæ literariæ emolumento in lucem ediderit , & nunc de argumento hoc in speciem summè sterili , tam multa , tam nova , tantæque eruditionis dixerit. Hoc igitur opus intueor velut novum novæ cujusdam Philosophiæ systema quod ipsum hætenus omnium de rebus Philosophicis opinionum fundamentum , *Naturam* scilicet , funditus evertat. Suam itaque hinc Peripatetici corrigere Philosophiam possunt , ac debent , cùm *Naturam Aristotelicorum* fictitium quid , omniâque Scholasticorum Philosophorum circa *Naturam* effata falsa esse *Boyllus* probet : Ac saniores , qui deinceps scribent , hypotheses , opinionésque minùs intricatas Orbi erudito proponent , ubi ex hoc tractatu didicerint , *Naturam* ad quam hætenus docti æquè , atque indocti confugerunt , *Vacuum esse vocem* , licèt hucusque una & postrema,

PRÆFATIO.

Strema, quantumvis reipsa nulla, difficultatum omnium solutio *Aristotelicis* præsertim fuerit: Quæ cum ita sint, Reipublicæ literariæ plurimum interest ut diuturnam Illustrissimo *Boyllo* à Deo vitam flagitemus, cum & quotidianis virtutum, summæque integritatis exemplis humano generi serviat, & Orbi erudito annuis ingenii sui monumentis, quorum hoc, quod præ manibus habes, non postremum, sive rei novitatem, sive argumenti difficultatem, seu descriptionis modum spectes, non immeritò existimabis.

D. A. M. D.



S. F.



S. F. Nobilis ANGLÆ in Librum Illustrissimi
BOYLIJ de NATURA Carmen
Encomiasticum

*A Traductore ejusdem Tractatus civitate
Romana donatum.*

Grande opus, & seris posthac memorabile factis,
Natura e rerum Natura pulsa, Thronoque
Fiditum Numen: Mundi Regina, parénsque
Credita cunctarum primæva ab origine rerum,
Qua non imperium pelago, neque terminat astris
Imperio exiit, res int' prima negatur
Esse quid in rebus: Vacuum sine Numine nomen
Naturam ingeminat Naturæ filius ingens
Boylius, & nullo matris communis amore
Comnotum dubiam tenui sine crimine matrem,
Naturæ tamen hic qua motu Phæbe diurno
Tendus ac occiduas constanti tramite metas
Trans Gangem, Euphratem, & septemstua flumina Nil
Hæc lenius interpres quo non oculatior aliter,
Audiit: Errores Veterum seu mente sagaci
Detectos aperis, seu qua sint dogmata falsis
Substituenda docet, quoties aliena refellit.
Seu veras rerum vel Apolline iudice causas
Indicat, & prima qua sint ab origine formæ;
Denique seu vario docet omnia surgere textu,
Continuūque fluens, solidūque, & quicquid ineptæ
Materiæ attribuit ficta, formæque sophista.
Eloquar an silcam: Trutina nam quolibet aqua
Naturæ qui perdit opus nolléque, diésque
Nil egisse ratum quasi inertem damnat ubique

Oria Naturæ, parius licet illius ingens
 Ipse sit, & vario Naturæ munere dives.
 Plurima, ait, frustra facit hæc, nec provida morbos
 Vi medica pellit, variisque ambagibus errat,
 Nec brevior perit subjectum iramite centurum
 Nec via ad objectam qua sit rectissima metam
 Naturæ curæ est, Vacuum Natura nec ullum
 Horret, & intentum quamvis, si credere fas est,
 Expers consilii nihil ipsa intendere possit,
 Perrarè assequitur finem; non optima semper
 Præstat, ut insuetos quoties incauta tumultus
 Excitat, & geminum malesanis motibus urget,
 Magnumque, & parvum nullo discrimine mundum.
 Denique Naturæ quicquid tribuere Parentes
 Hæcenus, & genus humanum modò Boylius ausu
 Intentato aufert, reliquisque erroribus addit
 Humani generis: Iam nusquam altaria fumens
 Naturæ, nulli solvantur Thuris honores:
 Nec Dea vera hæc est, nec veri Numinis usquam.
 Illa vices implet: Deus unus ubique gubernat,
 Et movet, arcana dum dirigit omnia motu.
 Dogma hoc, quo nullum vero conformius extat,
 Theiologus probat, & certis rationibus instat
 Exiguo fructu, populum si fortè tenebit
 Suspicio lucri, propriam quo quilibet artem
 Cogitur ut celebret: Sed certo Boylius iclu,
 Et propius ferit infidos dum nullius ergo
 Vel lucri, vel opum, sed puro concius astu,
 Et veri studio, seu religionis amore
 Esse Deum monstrat qui monstra vel ipsa creavit,
 Et si quæ notis contraria legibus ibunt.
 Sed quæ Divina non sint contraria Legi
 Consiliisque Dei, quæ nostros abdita sensus,
 Et captum effugiunt: Sed nec quos clarius ambit
 Lumen, quique hebetes vasto discrimine mentes
 Exsuperant, superis datur hæc penetrare, profunda
 Nocte latent quacunque præordinat ordinis Author
 Fons, & origo omnis Deus unicus: Omnibus ergo
 Qua frustra fieri, quæ casu lubricus error
 Insinuat, finem is statuit, mihi crede, scopumque
 Quem ceriò seriet quantumvis eminus iclu.

Non igitur molem hanc agitat, , casusque volutat,
Nec quasi mentis inops magno se in corpore versat.
Sed regit, & certo ducit mortalia cursu:
Contra ego, fœminea tanta est dementia mentis,
Sape tenax sensi: Sed jam mihi Boylius omnem
Excussit dubia scrupum, mentemque fideli
Munit infidam clypeo, quo tela repellam
Quacunque adversa torquet gens perfida dextra,
Quæque Deum negat humanis intendere rebus,
Plurimæque in nullos clamat malè condita fines,
Ut monstra, & notis quacunque à legibus errant,
Quicquid & in speciem toti non congruit ipsi,
Aut tantum nocuos natum reputatur in usus.
Boylius hac melius certa ratione profundi
Consilii non sortis opus docet esse, Deumque
Hac, sed ob ignotos nobis decernere fines.
Haud igitur potui, quamvis vel fœmina, tantum
Non laudare virum, indictamve relinquere laudem:
Pro meritis tamen hic nobis indictus abibit,
Quem vir nemo satis laudet, qui fœmina possit?



PRÆFATIO AVTHORIS.



MIRATUS sum sapenumero, cūm tot Viri eruditi liberè admodum, acutèque de Naturæ operibus, ut loquuntur, scripserint, ac de ipsis pariter principiis nonnulli, in neminem me sæculo hoc adeo curioso incidisse, qui hanc sibi provinciam imposuerit ut de ipsa Natura scriberet; quod quidem perinde fortè videri deinceps poterit, ac si quis politicum Regni statum describens, fusè ageret de Iudicibus civilibus, de militaribus officiis, aliisque subordinatis magistratibus, deque peculiaribus inferiorum subditorum ac plebejorum ordinibus, qui interim de ipsa Regis prerogativa methodòque regiminis ne verbum quidem faceret: Aut, ut similitudine utar huic argumento magis congruente, perinde id foret ac si quis peculiariter de pendulo, de rotis, chordis, libramento, indice, aliisque horologii rotati partibus ageret, non examinata interea ipsius elateris his omnibus motum inspirantis Natura, fateor tamen vocem hanc Naturam, in scriptis Physiologorum ubique esse obviam. Quamvis autem voce hac sæpe utantur, non mihi videntur perpendisse attentius, quæ potissimum Rei ipsius notio esse debeat, quam quidem supponunt, mirantur, datæque opportunitate celebrant ac collaudant, sed nunquam aut discutiunt, aut propius explorant, examinantve: Cūm itaque mecum ipse perpenderem quanti momenti futura esset ad omnem Physiologiam, seu practicam, seu speculativam, Naturæ notio seu vera, seu falsa, opera pretium fore putavi si libertate Philosophica recepim vulgò Naturæ notionem sedulo, serioque examinarem; ita enim futurum existimabam, ut, si solidis ea fundamentis, ac rationibus niteretur, id mihi voluptatis non im-

P R A E F A T I O

merito contingeret, quod eidem non prius examinata minimè acquieverim, si autem confusa mihi, ambiguaque videretur, sperabam me huic obviam incommodis ire posse varias vocis acceptiones explicando; si dubiam quoad ipsam veritatem putarem, illud omnino fore credebam ut principio nimium infido non nimis fiderem; si autem errori obnoxia videretur vulgaris Naturæ notio, ita omnino mecum ipse reputabam futurum inde ut nihil ipsi superastruerem, nec aliis quibuscumque fiderem quæ tam instabili, incerto, ac fallaci fundamento niterentur. Quia autem Athei non pauci tantum Naturæ tribuunt, ut supervacuum putent confugere ad Deitatem quo Phænomena Universi explicant, & quia Theistæ, seu Deistæ non pauci receptam vulgò Naturæ notionem ad probandam tam existentiam, tum providentiam Dei, necessariam fore existimant, ego quidem qui ab utrisque disto, ratus nihilominus quemlibet verum sollicitum, ac multo magis quemlibet verum Christianum, multum sollicitum esse debere de iis veritatibus, quarum in Religionem vis tanta foret, illius ergo seu habitæ omnino religionis ratione, ad rem hanc assentiùs considerandum teneri me existimavi.

Cùm tamen Tractatum hunc conscripturus essem tanquam Physiologus, non tanquam Christianus, nullam h'c superastruere merito poteram doctrinam revelationi meræ, quæ ad hanc disquisitionem pertinere minimè videretur. Quia tamen is, ad quem cogitata mea dirigebam, probus omnino Christianus erat, minimè abs re fore judicavi si identidem obvia quedam insinuerem ut aut præpedirem, aut removerem quedam dubia quæ Christiana ipsi religio suggerere posset: Sed obiter hæc tantum & perpaucis.

Quia, ut superius insinuébam, quæ sequentem constanti tractatum, non continuè omnia scripta sunt, sed pluribus annis sæpe interjectis, dignum vixit defectum futurum puto, si totius dissertationis contextus non videatur adeò uniformis, nec partes tam connexæ omnes, quàm si nulla schedarum mearum jactura contigisset, nullumve supplementum accessisset. Novitas haud dubie variarum opinionum ac ratiocinationum sequente in dissertatione proponendarum, stupore quodam multos percutiet, qui audaciorem me, ac paradoxis multum adductum pronuntiaturi sunt; sed cùm alibi, alio in tentamine

tamine mea circa paradoxa in genere cogitata exposuerim, superfedebam jam de eo agere argumento, de iis tantum quæ præsentem spectant propriis tractatum acturus: Paucis itaque sic habere nihil ad opinionis cuiuspiam veritatem, aut falsitatem spectare, quod singularis sit aut vulgo recepta. Quare ut nullam rejicio veritatem quod generatim nota sit, ac recepta, ita opinionem nullam vetam idcirco concludo, quod multi veram eam censuerint, neque opinionem erroneam reor, quod nondum multis nota sit, vel quod contradicis recepta à multis opinioni; de opinionibus enim tanquam de monetis judicare soleo: Minoris longè facio inscriptionem, quam ipsum ex quo moneta fit metallum. Perinde enim mihi est utrum pluribus ab hinc seculis excussa fuerit, an hesterno tantum die ex officina monetaria prodierit: parumque laboro quam paucorum, aut multorum manibus trita fuerit, modo certe mihi aliòve quopiam experimento constet, genuinam eam, ac quotidiano commercio usui esse posse; si enim examinata curiosius moneta, proba reperiatur, non eam idcirco rejiciam quod diu, atque à multis ut talis recepta fuerit; si autem adulteratam comperiam, neque Principis imagine, aut inscriptione, neque temporis distinctitate, seu antiquitate, neque eorum qui de ejusdem bonitate minimè dubitarunt, multitudine ullatenus ad eam recipiendam inducar: Unumque, qui adulteratam eam addiscam, experimentum plus apud me valebit, quam ea omnia, aut quacumque alia in illius commendationem dici possunt.

Hac mea circa paradoxa in genere sententia declaratione futurum omnino existimo, ut nemo prorsus putet à vulgata Naturæ ratione recepsisse me idcirco quod vulgata, ac recepta sit; quod è probabilis fiet ubi exposuero hanc me controversiam non eo consilio transigendam suscepisse ut novæ introductione Doctrina Hæresiarum Philosophicus viderer: Hæc enim dissertatio conscripta fuit sub annum 1666. nec ita diu post cum is cui eam distaveram, clam me insciisque parentibus in Indiam, unde nullus exin de eodem rumor, se subduxisset, commissa schedis dissoluta, non libro, cogitata mea sæi incoherentia sunt relicta quod non pauca necessaria prætermissa forent. Quare, cum non libenter quæ deerant, supplere vellem, hac apud me scripta penitus neglecta, ac quasi oblivioni tradita jacebant, donec ingeniosorum quorundam virorum, qui aliud iis deberi fatum existimabant, curiositate motus, eadem rursus colligenda ac colligenda

PRÆFATIO

ganda existimavi, eaque qua deerant supplenda; revocavi itaque eum in scopum, quantum tot post annos debilitas memoria pateretur, quadam-
 mea hoc de argumento quondam cogitata: Porro cum mecum ipse perpen-
 derem quanti momenti, quamque utilis futura foret tum Philosophiæ,
 tum Medicina practica recta Naturæ notio, quamque parum liberior,
 aquisque rerum estimator in re adeò intricatâ subtilique communi ho-
 minum opinione moveri debeat, liberam ipse, quod nullus adhuc alius id
 fecisset in tam nobile arduumque argumentum faciendam esse disquisi-
 tionem putavi; quo id successu præstiterim aliorum iudicio permitto. At
 nimis me quorundam ni fallas adulatio, quicquid de præcipuo scopo sit,
 quadam hinc inde hac in dissertatione suggerentur qua acriores receptæ
 Naturæ notionis assertores haud dubiè inductura sint ut distinctius im-
 posterum, atque accuratius de rebus ad Naturam spectantibus agant, ac
 loquantur; qua quidem sufficiens futura est laborum meorum compen-
 satio, hujusque tituli, liberæ disquisitionis, aqua omnino ac plena pa-
 riter apologia. Caterùm cum via minimè trita, ac sine duce incedam,
 quid venia potius dignum quàm mirum futurum est, si dum communes
 errores detego, non id mihi felicitatis contingat ut in nullos ipsemet in-
 cidam: Si autem infelicitèr contigerit ut quem injuriam religioni erro-
 rem admiserim, ut nullum mihi ejusmodi proponbam, ita ubi detexero,
 facile dimittam orabòque ne eo alii sedæci se unquam patiantur: Quid reip-
 sa præstiterim, mearum, ut superius insinuavi, partium non est judicare.
 Quod autem ad ipsam spectat intentionem, ausim dicere, eò me collimasse ne
 divini rerum Authoris Gloria usurparetur à creaturis, neque ejusdem opera
 à Philosophicis eorumdem contemplatoribus penitus intelligerentur; non
 asseram, neque id necessarium est, quodvis argumentum inferius propo-
 nendum, maximè seorsim consideratum vim demonstrationis obtinere: De-
 monstraciones enim ipsi tentaminis mei titulo non congruerent. Si enim
 demonstrationibus assensum necessariò extorquentibus vulgarem Naturæ
 notionem impugnarem, dissertatio hac non libera disquisitio in recep-
 tam Naturæ notionem, sed ejusdem confutatio dici deberet; argumenta-
 que merè probabilia dubiam reddere poterant ejus opinionis veritatem,
 quam aperitè falsam demonstrare nequeunt: Quare si quis partes minùs pri-
 marias, minùsque necessarias hujusce tractatus oppugnare voluerit, illius
 foris dicta negligam. Atque signis etiam dissertationem ipsam totam editis
 contra

contra argumentis oppugnarit, cum aetate jam proventus sim, viribusque infirmis, nec Theologiam unquam, Philosophiam, aut artem medicam professus fuerim, verosimile non est futurum ut eodem ipsi modo respondeam; quandoquidem ut desiderare non debeo errorum meorum si quos hoc tentamen contineat, propagationem, ita, si qua hic doceo pleraque, & praecipua veritati conformia fuerint, non dubito quin curioso hoc seculo haud pauci reperendi sint generosioris indolis quam ut magni momenti veritates opprimi sinant, licet earum auctores aut contentionis odio, aut per otium, valetudinemque eas defendere ipsimet non possent. Quod hoc loco non omittendum putavi, ne veritas, si eam forte feliciter affecutus sum meo silentio pateretur, neve Lector existimaret nullum libro a me dari responsum posse cui re ipsa nullum dedissem. Sed hoc, praecipuum tentaminis nostri scopum spectat, non ordinem ipsum, partiumque dispositionem; quam si quis minus idoneam dixerit, non multum repugnabo.

Cum enim mecum ipse perpendo quam praepostero ordine haec scheda in manus meas venerint, quamque multa locis minus idoneis collocata sint, non tantum non egre feram, sed omnino velim hanc dissolutarum schedarum Rhapsodiam haberi tantum apparatus ad dissertationem omnibus numeris absolutam: Dicam tamen, ne pluribus te morer, ita me omnino mecum reputasse modicam etiam lucem argumento adeo obscuro, tantique momenti si conciliarem, tentamen hoc minime inutile futurum, defectumque demonstrationis veniam dignum fore ea praesertim in dissertatione, qua non dogmata imponat, sed liberam tantum, ingenuamque recepta Naturae notionis disquisitionem offerat.

Sept. 29.

1682.

TRA-



TRACTATUS
DE
IPSA NATURA,
SIVE
LIBERA IN RECEPTAM NATURÆ
NOTIONEM DISQUISITIO.

SECTIO PRIMA.



ESCO equidem utrū quzdam sit, nec-ne, Animæ rationalis Prærogativa, ut, sicut verum ipsa positivūque Ens est, ita cætera omnia vera quoque Entia putet, atque positiva; sive autem hæc ad ejusmodi Ideas estingendas propensio quandam supponat Excellentiam, sive secus; vereor omnino, ne quzdam Erroris occasio sit, inducârque nos ut cogitemus ac loquamur de quibusdam rebus tanquam de Entibus positivis, quæ Chimææ tantū sunt, aut Negationes meræ, seu Privationes, putâ Mors, Ignorantia, Cæcitas, &c.

Plurimum itaque refert, ut omnino caveamus perquam diligenter, ne ejusmodi innata inobservatâque tentatione in errorem paulatim inducamur: Quare non abs re fuerit examinare, utrū hæcce propensio, quæ licet imper-

DE IPSA NATURA.

Ac primò quidem, Diminutio quædam honoris magni Mundi Reſtoris ac Condiſtoris videtur, quòd Homines pleraque Mirabiliũ in eo obviũ, non ipſi aſcribant, ſed cuiſpiam *Naturæ*, quam ipſimet non bene norint. Multi quidem, ſcio, concedunt hanc *Naturam* ab Ipſo eſſe ſtabilitam Ipſique ſubordinatam; ſed quævis id fateantur multi rogati, Utrum id velint nec neſciunt quia tamen multi ræd aut nunquam altioreĩ ullam Cauſam conſiderarunt, qui animadverterint quo res modo *Naturæ* aſcribant, facilè obſervant quicquid aliquando dicant, ipſam Dei Influentiam perſapum ab ipſis conſiderari, & de ea vix ipſos cogitare: Utur ſit, non parum Divini Regiminis excellentiam obſcuro, quòd quoties mirum quid faciendum aut deſcribendum eſt, homines toties ad *Naturam* conſugiant, ejusque extraordinarium, ut res fiant, requiri concurſum putent: Cũ Divina multò magis illuſtretur Sapientia, quòd ita res primum ordinari, ut rarò aut nunquam extraordinarium Divinæ Potentiæ concurſum requirant. Ut enim ingeniòſi Machinatoris pericia magis inde eluſceſcit, quòd Machinam eã induſtriã confeſcerit, ut nihil aliud intentum ad finem conſequendum poſtulet, quàm partes quædam intellectu privas; magis, inquam, Machinatoris hinc Ars emicat, quàm ſi opus foret ut prudentior quidam Servus Machinæ operationes moderaretur, aut qui Machinæ ſemper, ne aberraret, intentus foret: Ita planè magis eluſceſcit Sapientia Dei in Fabrica Univerſi, quòd efficere poſſit ut tam vaſta Machina, ea omnia quæ ſibi propoſuerat, præſter opus brutæ tantũ inanimatæque Materiæ, ſecundũ certas Motus Localis leges directæ, generalique tantũ concursu ſuſtinetur; magis, inquam, illius, quàm ſi Intelligentiam quampiã operi præſtiteret, cujuſmodi *Naturam* conſpiciunt, ut illud regularet, juvaret, Partiãque motus determinaret. Quòd ut conſirmetur, recordari poteris poſteriores Poëtæ priores meritò inſcitæ ac imperitiæ accuſaſſe, in condendis Tragædiis ac Comædiis, quòd eò ſæpe res redigi paterentur, ut *Deitatem* quandam in Theatrum (Θεὸν αὐτὸν παρῶν) introducere cogerentur, quæ eas extricaret ac enòdaret.

Nec Deus interſit, niſi dignũ Vindice, &c.

Hic autem monendus es, licet aſſerere noli, intendiſſe *Ariſtolelem* illatum ab *Ariſtotelica* doctrina damnum, ea tamen me eſſe in mente, magnum Divinæ Gloriæ *Inimicum*, *Ariſtotelis* Authoritate ac Erroribus uſum eſſe, ut ipſam imminueret.

Ut enim *Ariſtoteles* ea circa Mundi Eternitatem Opinione, cujuſ primum ſe Inventorem proſtitur, apertè, juxta omnium ſerè hominum ſententiam, Deo productionem Mundi denegar, ita imputatis *Naturæ* mirabilibus Dei Operibus, tacitè eidem Mundi regimen non concedit: Quam ſuſpicionem ſi ſuperiorem paulo iudices, in alio te per otium Tractatu docebo quam poſſidimũ ob cauſam *Ariſtotelicam* circa Religionem opiniones, minũ eidem

genuinas Ordinis à se in Mundo stabiliti sequelas : Cujus Legibus magna *Univerſi* Agentia determinabantur ad agendum conformiter propriis quæque receptivæ à Deo Naturis : Sux autem res *Naturæ* permittiebantur , licet inde fieret, ut quædam *Anomalie* contingerent, multæque bono diversarum particularium Univerſi Portionum repugnantia. Majorem, inquam, hac Notione Divinæ Providentiæ conciliati Venerationem reor, quàm si opinemur, ut vulgo opinamur, substituisse sibi Deum potentem quandam Intelligentiam quasi *Vicarium*, quam *Naturam* dicimus, quæ bono Univerſi continuè invigilet, singulisque illud componentibus Corporibus, cum interim Ens hoc nec ejus Peritiæ, nec Potentiæ videatur quæ ejusmodi *Anomalias* præpedit, quibus sæpe Animalium Gregeſ reeunt, aliæque pereunt nobilissimæ Creaturæ, ut sæviente Peste, &c. Hæ quoque *Anomalie* majoribus interdum Univerſi Portionibus noxiæ sunt; quod testantur Terræ-Morus latius propagati, Luminarium Eclipses, magnæ stabilisque in Sole Maculæ, Eruptiones *Vulcani*, magni Cometæ, aut novæ Stellæ, quæ ab una Cœli regione ad aliam tranſeunt. Eoque difficilius ejusmodi Divinæ Providentiæ Vicarium admitto, qualem *Naturam* esse ſingunt, quod Exempla quædam inferius propoſiturus ſim, è quibus eluceſcit, ſi quid tale reipſa exiſteret, eam *Naturam* loquor, & debili & cæco impetu agere, dum commiſſo ſibi munere fungitur.

Inſuper addo, eam quam propono Doctrinam longè meliùſi conſentire iis, quæ Religio docet de ordinario extraordinariòque *Divina Providentiæ* concurſu, quàm oppoſita conſentiat. Cum enim Deo viſum fuerit, ſtabilitas in Mundo Leges Omnipotentia ſua evertere; quod ita contigerit, faciliùſi obſervarint, agnoſcerint Miraculum ii, qui nihil in ordinaria Reſum Corporearum conſtitutione præter Materiam & motum admittunt, de quorum potentiis faciliè homines judicent, quàm ii qui quandam præterea *Semi-Deitatem* ſingunt, quam *Naturam* dicunt, cujus peritiæ potentiæque permagna eſſe fatentur quidem, qui tamen quantæ reipſa ſint, ac quàm latè pateant, definire nequeant. Monendus porro hic loci eſt, Miracula Chriſti Servatoris atque Apoſtolorum, quæ Chriſtiani, Religionis nomine, ſibi vindicabant, diverſo valde ſub vultu conſiderata fuiſſe ab *Epicureis*, aliſque *Corpſcularianis* Infidelibus, necnon ab aliis ejusdem ſætinæ, qui Animam Mundi admittebant, aut in Sideribus Spiritus, vel qui Mundum ab Entibus Intelligentibus à Deo diſtinctis gubernari credebant. Infideles enim hi poſtremi, ipſa quæ Chriſtiani admittimus Miracula sæpe admiſerunt, quæ tamen Aſtrorum opere ſolvere conabantur, aliſque modis non hic commemorandis: Cum *Epicurei* Chriſtianis hoſtes ipſa neganda omnino ſibi Miracula exiſtimarint, quòd animadverterint Miraculum, quod affirmabatur, Mechanicas Materiæ & Morus Potentiæ excedere, (prout id ab Authoribus perficiebatur) quare neceſſè omnino fuit, ut vel factum ipſum negarent, vel Miraculum eſſe agnoſcerent. Sed offerret ſeſe aliàs Occaſio *, & confirmandi quæ hætenus

* Vido 3. & 4. & ultimam Sectionem hujus Tractatus.

dicta sunt, & alia insuper addendi, quibus Theologicis quibusdam nostram circa Hypothesin scrupulis fiat satis.

Superius insinuavi, non Divinæ tantum Gloriæ, prout ea oritur ab ejusdem Sapientia, Potentia, Bonitatēque in Mando expressis, suspicatum me esse *Naturæ*, quam examino. Notionem fuisse noxiam, sed ipsi etiam Operum ipsius divulgationi, ac quasi revelationi. Quod credideris persacile, si observaris, dum homines generalem, faciliēque aded de rebus difficilibus reddendi Rationem, ut eas *Naturæ* ascribant, amplectuntur, eos ad severiorem in Rema Causas inquisitionem, nullo pudore esse cogendos, quos ad scrutinium hoc & ipsa Curiositas languidiū tum impulerit: Cujus rei insigne prorsus exemplum est, Aquarum in Anliis ascensus, aliæque ejusmodi *Phænomena*, quorum veræ physicæ Causæ repetæ non fuissent, si Recentiores Antiquos imitati, ficticiæ huic Causæ acquievisent, quodd scilicet *Eni quoddam*, quod *Naturam* dicebant, Mundo invigilaret, eūque regeat, quodque *Natura* hæc à vacuo abhorreret, semp̄que foret quasi in procinctu, ut id agat quod Vacuum præpedire possit: Neque est cur speremus, veras effectuum Naturalium causas propiū nos inspecturos, quamdiu particulares & immediatas earum causas non attingimus.

Non tamen propterea nego, non esse plurima, quorum è numero sunt situs Astrorum, figuræ magnitudinēque Animalium, De quibus etiam Philosophus interrogatus, nihil aliud respondere possit, quàm quodd Authori *Naturæ* visum fuerit, has Creaturas hoc vel illo modo condere: Cum autem in genere hunc in modum respondemus, Particulæres ac Physicæ rerum Rationes non proponimus, quas reipsa ignorare nos fateamur. Huc accedit, quodd exhibita ab hominibus *Natura* Veneratio hominis in inferiores Dei Creaturas Imperio, Dominiōque obex fuerit. Neque enim tantum hoc se imperium obrinere non possē homines existimant, sed impium quid ac nefas crediderunt, assumere sibi ut præscriptos à *Natura* Effectibus Naturalibus limites submoverent. Cūque eam tanquàm *Venerabile adeo quid* considerant, Religioni quidam ducunt quodvis ejus Opus eo Consilio æmulari, ut illud transcendant.

Tamdiu jam submovendo Dubio priori superius hoc contra molimen proposito immoratus sum, ut ne tædio sum, ad alterum etiam penitus tollendum accedendum mihi purem, illud autem ita se habebat, Quodd scilicet communi omnium hominum Opinioni contrairem. At ita omnino censeo, non decere *Naturalistam* aded esse sollicitum quid credatur, aut creditum fuerit, quàm quid reipsa credendum sit: Alibi porro docui, quàm parum quibusdam in Questionibus communi hominum Opinione commoveri debeamus: Directiū autem in præsentiarum respondebo, minime mirum videri debere, quodd homines ea *Naturæ* Notione, quam examinaturus sum, præoccupati sint, eū à teneris ea unguiculis, in Scholis, imbuti sint; quam & ubique receptam adulti jam reperiunt, nec à plerisque tantum, sed à doctissimis etiam

Scripto.

Scriptoribus usurpam; adde, quòd nullam de ea Controversiam unquam inaudierunt, quæ insuper mirè congruit innata in nobis propensione, ut & videamur aliis, & cogitemus ipsi plura nos scire, quàm reipsa scimus. *Naturam* enim seu Causam assignare cuilibet in promptu est, quoties illius quis gnarus haberi voluerit, cujus veram reddere rationem nullam possit.

Hic præterea subjungam, quòd plerique hominum de re quapiam tantquam reali ac Ente positivo loquantur, eique magna ascribant, exigui admodum apud me ponderis esse, cum mecum ipse perpendo, licet *Fortuna* Physicum nihil sit, sed indeterminata tantum quædam incertumque Norio, quam recentiores Metaphysici non *Entium* Classi annumerarent, eam tamen non *Generes* tantum *Apotheosi* consecrassè;

Nos se facimus, Fortuna, Deam, Calòque locamus;

quam eorum non pauci reipsa coluerunt, sed celeberrimos etiam Scriptores, tum Prosa, tum Versu, & Ethnicos & Christianos, veteres & recentiores, omnesque communi in colloquio homines, de eadem seridè loqui, tantquam de *Anipapa* quodam, qui præcipuas in Mundi Reginine partes sibi assumplisset, cui non minùs quàm *Natura* ascriberent. Porro ut præteream quæ Poëtæ, Ethnici, Theologique docent nos, de viciis Ignorantiæ ac Peccati, quæ morales tantum Defectus sunt: Perpendamus paululum, quæ non ab his tantum, sed à plerisque Mortalium seridè omnino *Mortis* attribuntur; cui tantum adeoque funestum Imperium assignant; porro, si consideremus etiam Mortem, quæ tot torque mira præstare dicitur, nec esse Substantiam, nec Ens positivum, sed Privationem meram, eò, opinor, difficilius crediderimus, operibus *Naturæ* ascriptis concludi meritis posse, quòd reipsa Physicum Agens ejusmodi existat.

Cum itaque præsentem Dissertationem iis liberarim præjudiciis, quibus fortè contigisset, ut non examinata, censura graviore noraretur; Argumentum ipsum jam aggrediar, circa quod paucis, quantum per otium mihi licet, sex omnino hæc præstare conabor. Paucis *Primò*, Ambiguitatem hujus Vocis, *Naturæ*, proponam, Ambiguitatem, inquam, à variis, ejusdem acceptationibus ortam. *Secundo*, ostendam Definitionem *Naturæ* ab *Aristotele* traditam nec claram esse, nec eam qua cuiquam fiat satis. *Tertiò*, Variis è rebus quæ de *Naturæ* vel affirmantur, vel eidem attribui solent, receptam *Naturæ* Notionem desumam, quæ ab ipso Nomine summam ejusdem ob Ambiguitatem aptè desumi nequit. *Quarò*, Quasdam rationes proponam, quibus ab admittenda hac *Naturæ* Notione prohibeor. *Quinò*, Præcipua seorsum diluere conabor, quæ maximè homines impulerunt, ut hanc *Naturæ* Ideam, quam non probo, cuderent. *Sextò*, Præcipua quædam Effata aut Axiomata proponam, quæ *Naturæ* generatim applicantur; quo porro maximè sensu hæc ipsemet admittere possum, declarabo.

Hic autem loci non abs re fuerit, tum ut quædam Erroris occasiones

præ-

præoccupentur, tum ac proponendi Series Argumenti interrumpatur, duce triavi præmonere.

1. Quoties alicubi hoc in Tractatu, de Opinionibus *Aristotelis*, ac *Peripateticis* loquor; ut ipsi nolim imputare omnes eorum Sententias qui ipsius Asseclæ videri volunt, quorum nonnulli ejus mentem minùs apprehendisse mihi videntur, ita quoque non existimo teneri me, vi scopi mihi propositi, verum ipsius Sensum Opiniónemque anxie explorare, siue de Origine *Vniuersi* (an scilicet & æternus foret, & à seipso existeret;) siue de rebus minoris momenti: Cum, præterquam quoddam obscure admodum, ambigüequè sese exprimit, quæque variis in locis tradit non admodum sibi coherent, sat omnino mihi fuerit, qui vulgares Notiones examinaturus eram, si eas examinarem Opiniones quas Doctores plerique *Aristotelici* putant; quæ fortè si illius reipsa non fuerint, culpa Commentatorum ejus ac Asseclarum, eas ipsi tribuentium, futura est.

2. Anima rationalis, aut Mens humana, prout ab Anima sensitiva distincta, cum Spiritus sit, Heteroclita adeò Substantia est, si comparatio ejusdem instituitur cum rebus tantum ab ipsa discrepantibus, quantum mera discrepant Corpora, ut cum nulla facta ipsi injuria, nec promiscuè unà cum corporis Dei Operibus de ea agere possem, nec dignè de ea loqui, Dissertatione hac non sæpius interrupta variis Excepcionibus, quibus aut videretur intricatior, aut Lectori molestior, omnino existimavi, ut & illius & meo labori parcerem, prætermittenda esse hoc in Tractatu, quæ ad eam specialius spectant; eoque libentiùs ea prætermitto, quoddam cum omnes aliæ *Vniuersi* partes juxta receptam Opiniónem *Natura* opera sint, non defutura nobis sint plurima, quæ examinemus, Argumenta. Quamquam Mundum hic contemplaturus sim solummodo tanquam magnum Rerum Corporearum Systema; ut quondam reipsa erat sub extremum sexti Diei Creationis, cum Deus corporata omnia Opera sua, creato nondum Homine, finiisset.

SECTIO II.

Qui Res attentius considerant, facillè suspicari fuerint plerisque Hominum imperfectas tantùm confusâsque *Natura* hactenus fuisse Notiones; si præsertim animadvertant, hoc eos Nomen variis rebus applicare usque etiam quarum nonnullæ vix invicem coherent, aut vix à se invicem ullatenus muruò pendent. Memini portò, me legere in *Aristotelis Metaphysicis* Caput integrum eo consilio conscriptum, ut variæ Græcæ Vocis *ἑνός*, *Natura*, enumerarentur Acceptiones; quarum sex, ni fallor, hic afferuntur. Non pauciores quoque, aut plures potius Anglicas Vocis hujusce Acceptiones habemus:

Interdum

DE IPSA NATURA.

Interdum enim Vocem hanc, *Naturam*, adhibemus, ut *Natura Aethera*, quem *Naturam Naturantem* Scholastici ruditer dicunt, significemus: ut cum dicimus *Naturam* fecisse Hominem, partim Corporeum, partim Spiritualem.

2. Per *Naturam* Rei aliquando indicamus Essentiam, aut quod Scholastici *Quidditatem* vocant, Attributa scilicet ea, vi quorum habet ut sit id quod seipsa est, sive ceteroquin corporea res sit, sive secus; ut cum conamur definire *Naturam* Angeli, aut Trianguli, aut Corporis fluidi, quæ fluidi.

3. Confundimus non raro, seu non distinguimus quod Homo habet à *Natura* ab eo quod idem trahit ab Ortu, seu ipsa à Nativitate; ut cum dicimus, quempiam *Naturâ* nobilem, aut Puerum *naturaliter* pertinacem, morbidum, aut timidum.

4. Accipimus interdum *Naturam* pro interno Motus principio; ut, cum dicimus, Lapidem in Aëre prolapsum *Naturâ* ferri versum Centrum Terræ; aut contra, Flamman ferri *naturaliter* versum Cælum.

5. Aliquando *Natura* nomine intelligimus stabilitum rerum Ordinem; ut, cum dicimus, *Naturâ* succedere Diem Nocti: *Naturâ* Respirationem conservandæ Hominis vitæ esse necessariam.

6. Interdum usurpamus *Naturam* pro aggregato Potentiarum ad Corpus vitæ præditum pertinentium; ut, cum Medici dicunt, *Naturam* esse validam, consumptam, debilem.

7. *Naturam* nonnunquam adhibemus ut indicemus ipsum *Universum*, seu Corporeorum Dei Operum Systema; ut, cum de *Phænice* aut *Chimæra* dicitur, nihil ejusmodi in rerum *Natura* existere, hoc est, in Mundo.

8. Nec raro *Natura* nomine indicare volumus *Semi-Deitatem*, aut mirum quodpiam Ens aliud, quale illud est, cujus hæc Dissertatio Notionem examinat. Præter autem absolutas hæc Vocis hujus *Nature* Acceptiones, si ita loqui liceat, varias adhuc patitur magis Relativas, prout *Natura* opponitur aut aliis à rebus contradistringitur; ut, cum dicimus Lapidem labi deorsum *Motu Naturali*; sursum projici *Motu Violento*. Ita Chymici Vitriolum distinguunt in *Naturale* & *Fallivium*, hoc est, quod Arte fit, humanæque industriae, peritiæque interpositu: ita dicimus Aquam fustoria in Antlia suspensam non esse in loco *Naturali*, in quo ea est, quæ in puteo stagnat: Dicimus quoque Homines improbos adhuc esse in statu *Naturâ*, Regeneratos in statu *Gravæ*. Curationesque Morborum, ope Medicamentorum factas, esse *Naturales*; easque quæ factæ sunt à Christo & Apostolis fuisse *Supernaturales*. Nec ex tantum Formulæ loquendi sunt, quas Collector accuratior afferre possit, ut Ambiguitatem hujus Vocis, *Natura*, manifestam faceret, plurimis variisque quibus applicatur rebus, quibusque significandis adhibetur; licet forte commemoratarum quædam Acceptionum coincidere videantur. Apud

Latinos Autores tot Vocis hujusce Acceptiones offendi, ut vel unus Author quatuordecim, aut quindecim enumeret. Ex his omnibus liquidò constat, quàm facilè Hominum plerique, ne Scriptoribus quidem ipsis rerum *Naturalium* exceptis, tum sibi tum aliis imponere queant, dum Voce utuntur quæ alienum in sensum tam facilè detorqueri queat.

Monendus omnino hîc loci es, illud mihi Infortunium quoddam semper visum esse, ac tum Philosophiæ, tum Medicinæ noxium, quòd Vox *Natura* frequenter aded ac imperitè usurpata sit tum in Libris tum in familiari Sermone, ab omni Hominum genere, à Doctis æquè atque Indoctis. Multipliciter enim hujus Vocis Ambiguitate, promiscuòque ejus apud Homines usu, varijs ejusdem Significationibus non sat distinctis, fieri solet, ut non pauca, in quibus eam adhibent, Propositiones, ritè quidem ut ipsi putant, & verè, aut intelligi nequeant, aut sint minùs propriæ, aut non veræ: Quod licet minùs observatum hætenus fuerit, non ægrè tamen probari poterit; quia præsertim Vox *Natura* toties usurpatur, ut vix in quempiam incidas, qui, si aliquamdiu de *Naturalibus* aut *Medicis* Argumentis disseruerit, ad inopiam angustiasque non redigendus sit, ni Verbo hoc *Natura* uti ipsi liceret, aut Locutionibus quarum pars præcipua est. Atque ex animo equidem oprarem, ut Philosophi aliique Viri eruditi, quos alii paulatim imitarentur, communi, quamvis fortè tacito, consensu significantiorem quampiam ac minùs ambiguam Vocem introducerent, substituendam, *Natura* latos nimiam in sensus detortæ; aut ejus saltem usum, quantum convenienter fieri posset, declinarent. Ubi autem Vocem hanc adhibendam necessariò censent, ut adderent quidpiam quo clarum fiat, quo maximè sensu eam usurpent: Nisi enim quid simile fiat, vix unquam fiet ut Homines aut res ipsas, aut semetiplos rectè intelligant; alioquin enim Logomachia seu Disputationes de Nomine, si non multiplicentur in dies, vigeunt certè semper, magnòque calore, nullo licet fructu, atque omni absque necessitate lis de Voce fervebit.

Atque liceat mihi hîc, per modum Apologiæ nonnihil conqueri de insuperabili penè *libera Inquisitionis* difficultate: Difficilius enim multò est, quàm inexperti sibi fingant (ac nescio equidem, an quis hætenus id sit expertus) diutius de Corporeis Dei Operibus disserere, ac maximè de *Operationibus* ac *Phænomenis* *Natura* ascriptis, ac simul eam vitare Vocem, Formulæque loquendi, quarum præcipua pars est, nisi quis frequentiores tædiòque magis obnoxias Circumlocutiones adhibeat, quàm jam, ne tibi molestus sim, adhibendas judicem: Quare excusatum me spero habiturus es, si partim ut has evitarem, partim ne iisdem, aut affinis nimiam verbis uterer, ac partim etiam quòd nollem Vulgares adhibere Voces quæ Vulgaribus Erroribus faverent; Paraphrases sæpe Modòsque loquendi vulgò receptis longiores adhibuerim: Atque interdum ob harum Rationum aliquam vel Inadvertentiam, non evitarim Voces usurpatas ab iis qui admittunt applauduntque receptæ vulgò Notioni *Natura*: quos, moneo, hanc par-

tim ob causam, partim brevitatis studio, *Naturalistas* deinceps appellabo, potius quàm *Naturalistas*; quia plurimi eorum etiam Eruditi, ut Logici, Oratores, Causidici, Arithmetici, &c. Physiologi minimè sunt.

Si autem hîc loci scire quis desideret, quid expedire magis judicarem, si quidpiam hac super re proponere vellem, ne Ambigua hæc Vox, *Natura*, adhiberetur, ei primò suggererem cum jam dixerim difficile admodum mihi videri in Dissertationibus Physiologicis ab hujusce Vocis usu abstinere; non eam à me expectandam esse responſionem quæ faciat omnino satis. Tum adderem, ne nihil hac super re dicere velle videar, tentandum esse num commemoratum incommodum vitari non posset, aut minui certè, examinatis octo superiùs relatis hujus Vocis, *Natura*, significationibus, ut aliis loquendi Formulis exprimere eas conemur.

1. Voci itaque, *Natura*, primo sensu acceptæ pro *Natura Naturante*, substituere possumus Vocem quam supplet, nempe, *Deus*; atque ita hunc loquendi modum omnino proſcribemus, utpote non barbarum tantùm & inutilem, tantùmque in Scholis ulitatum, sed nec debitæ à nobis Deo Reverentiæ sat congruum, cum non sat discriminis innuere videatur Deum inter & Ens creatum, ne dicam, imaginarium ac fictitiu.

2. Voci huic, *Natura*, secundo sensu acceptæ [pro eo, ratione cujus quidpiam vocatur, & est, id quod est,] Vocem hanc *Essentiam* substituere licet, ipsi admodum affinem, sin minùs adequatam: Interdum etiam usurpare possumus Vocem hanc, *Quidditatem*, quæ quidem Vox, barbara licèt, sæpe usurpatur intelligiturque sat in Scholis, & quod magis huc spectat, latissimè absque ambiguitate patet.

3. Quod intelligitur Voce, *Natura*, tertio sensu sumpta [pro eo quod pertinet ad Creaturam viventem ipsa in Nativitate; aut quod ipsi ipsa Nativitate quasi accrescit,] interdum exprimi poterit hunc in modum, hic Homo, aut hoc Animal ita natum est; interdum sic, Res quæpiam talis generata est hoc interdum modo; Res hæc ejusmodi est ab ipso primogenio Temperamento ac Constitutione.

4. Voci, *Natura*, sensu quarto acceptæ [pro interno Principio Motus Localis,] substituere quid vetat hunc loquendi modum; Corpus hoc aut illud videtur sponſe quasi utròque moveri sursum, deorsum, &c. aut hoc aut illo modo moveretur aut determinatur ad hanc, illamve Actionem, ab his aliisque Causis propriis concurrentibus.

5. *Natura* enim quinto sensu acceptæ [pro stabilitate rerum corporearum scilicet] facile substituerimus id quod ipsa innuit; *stabilitatem scilicet Ordinem*, aut, *stabilem Rerum Cursum*.

6. *Natura* sexto sensu acceptæ [pro aggregato potentiarum ad corpus, maxime vivens, pertinentium,] substituere licebit Constitutionem, Temperamentum, aut Mechanismum, aut Complexum ex essentialibus Proprietatibus, aut Qualitatibus; atque interdum Conditionem, Texturam, aut Structuram

Corporis. Et si loquamur de majoribus Mundi Portionibus, hi aut similes loquendi modi usui esse poterunt, *Fabrica Mundi*, *Systema Universi*, *Mechanismus Cosmicus*, &c.

7. *Natura* ab hominibus vulgò usurpatæ septimo sensu [pro *Universo*, aut *Systemate Corporeorum Dei Operum*,] facile atque æquè breviter substitueretur *Mundus* aut *Universum*; *Naturaque Phenomenis* substitueretur *Phænomena Universi*, aut *Mundi*.

8. Vocem autem, *Natura*, ultimo sensu acceptam [aut pro *Dea*, ut à quibusdam Ethnicis vocabatur, aut pro quadam *Semi-Deitate*,] expedit ita nunquam accipere, aut saltem quàm rarissimè, ob rationes varias sæpe suo loco hoc in Tentamine obvias.

Licet autem longè plures dari possint Voces Phrasésque ejusmodi, ex parte tamen tantùm hic obviam itur incommodis ex confusa Vocis, *Natura*, Acceptione Phrasibûsque inde petitis. Nam præter Verba Synonyma, Interpretationésque magis literales recens propositas, ingeniolus Author eam variis suis loquendi Formulis tribuere Formam poterit, qua necessitatem usurpandæ Vocis, *Natura*, vitet, atque breviores etiam Formulas ipsi jam substitutas. His omnibus subjungam, licet una alterâve octo Phrasium superiùs commemoratarum, cujusmodi sunt *Quidditas*, & *Mechanismus Cosmicus*, barbarum quid sonet, nec brevior sit Voce ipsa, *Natura*; è re Philosophica tamen magis esse, retinere Barbaram hanc Vocem tandiu determinato in sensu in Scholis receptam, & quasdam Periphrases, quàm non vitare Amphibologiam, iis, quæ hæctenus proposuimus ac proponi deinceps poterunt, incommodis obnoxiam.

Sunt quidem, fateor, Viri quidam docti, qui mirati fortè quòd de *Natura* vulgò homines loquentes audiant, tanquam de *Deitate* quadam, cujuslibet rei *Naturam* nihil aliud esse velint quàm receptam à Creatore Legem, cui semper congruenter conformitèrque agit. Quæ quidem Opinio affinis admodum, sin minùs eadem viderur cum Opinione Celebrissimi *Helmontii*, qui rejecta meritò *Aristotelica* de Contrarietate ac Hostilitate Elementorum sententiâ, quodlibet vult Corpus, nulla habita ejusmodi oppositionis ratione, agere quod ipsi imperatum est ut agat. Atque hæc quidem de *Natura* Opinio, licet nec clara, nec sat latè patens, non improbabiler explicari posse viderur: Estque sæpe quædam similitudo regulares inanimatorum Corporum Morus inter Actionésque Agentium, quæ, quod agunt, Legibus conformiter agunt. Atque ipsemet de Legibus Motus & Quietis, à Deo res inter Corporeas stabilitis loquor interdum, quas identidem cæterorum hominum more *Natura Leges* voco, cum suo loco exposuerim quo sensu accipiam intelligamque ejusmodi loquendi modos.

Sed ut accuratiùs exactiùsque loquamur, ut Philosophos in re tanti momenti decet, si dixerimus *Naturam* hujus aut illius Corporis esse Divinam tantùm Legem eidem præscriptam, impropria tantùm ac figurata futura Locutio

cutio est. Præterquam enim, quod hinc imperfecta admodum *Natura* Idea ingeritur, cum prætermittat generalem Mundi Fabricam, ac particularium Corporum Modificationes, quæ non minùs necessariæ sunt, quàm ipse Localis Motus, ad particularium Effectuum productionem; præter hoc, inquam, aliàsque hujuscæ Notionis *Natura* imperfectiones, quibus hic non inhærebo, notandum omnino est, si propriè loqui velimus, cum Lex *Notionalis* tantùm sit agendi Regula secundùm declaratam Superioris voluntatem, patet, nihil nisi Ens Intellectu præditum capax esse propriè recipiendæ Legis, agendique conformiter Legi. Si enim non intelligit, Voluntatem Legislatoris nolle nequit; neque ullam ejus complendæ habere Intentionem, neque comparatè ad eandem agere poterit, neque scire utrùm eidem, nec-ne, congruenter agat. Porro intelligere satis quoque quò Deus primum determinatos partibus Materiæ Motus impresserit rexitque, prout ipsi videbatur requirere Primordialis rerum Constitutio, quique ab eo tempore ordinario generalique Concursum potentias eas conservet ac tueatur; Potentias, inquam, ab ipso partibus Materiæ inditas, vi quarum Motus suos ad alias partes propagent. Concipere autem nequeo, quò Corpus intellectu sensuque propriè dictis destitutum moderati posset ac determinare proprios Motus, ita præsertim ut conformes eos faciat Legibus, quarum noticiam nullam habet. Ac quò Corpora Inanimata, quantumvis strictè *Naturalia* dicta, agant propriè vi legum, inde effici nequit quoddam regulariter interdum agane, atque ut homines opinantur, determinatos ad fines: Cum in Arte factis varios regulares Motus observemus, ad particulares ac prædesignatos fines manifestè tendentes; in Horologio enim rotato, motus Elateris, Rotarum, aliarumque Partium, ita temperati ac regulati sunt, ut Index in Horologio moveatur magna cum uniformitate, ad indicantem enim Tempus notam ne minuto citius aut tardius æquo, quàm horam indicare debeat, accedit: Ita cum quis Sagittam ad Signum, quod ferit, ejaculatur, licèt moveatur Sagitta versùs Signum, quasi id ferire vellet, nemo tamen Sagittam hanc Lege quadam moveri, sed externo tantùm, licèt ritè directo, Impulsu.

SECTIO III.

Sed Definitio fortè Philosophi iis nos extricabit difficultatibus, quibus ambigux communium Authorum Notiones nos involvunt: Examinandam itaque paulò attentius putavi celeberrimam *Natura* Notionem ab *Aristotele* nobis relictam, quam Latine potius quàm Anglicè reddam, non tantùm quia eo Idiomate Doctioribus vulgò nota est, sed quia adeò difficile

intellektu quiddam complectitur ut *Anglicè* absque circumlocutionibus reddi nequeat : *Natura* itaque, inquit*, *est Principium & Causa Motus & Quies ejus, in quo est, primò per se, & non secundum Accidens.* Quamvis autem, cum animadvertere secundum *Aristotelem*, nihil aliud esse totum Mundum quam Systema Operum *Nature*; existimare Definitionem rei, summi in Philosophia Naturali momenti, dilucidè accuratèque tradendam; mihi tamen celebris hæc Definitio adeò obscura videbatur, ut nihil inde Lucis mihi oboriri posset ad claram, quæque Animum quiescem redderet, *Nature* Notionem. Neque enim sperari fieri posse, ut quod ipse non intelligo, conferat quidpiam ad impetriendam mihi eorum, quæ ipsius ope explicanda sunt, Noticiam. Ubi autem quosdam *Aristotelis* Interpretes contului super genuino hujusce Definitionis sensu, eorum præcipuos adeò eadem implicatos comperi, ut ejus Authorem à Taurologia apertèque Contradictione vindicare potius velle videantur, quam ipsam tueri Definitionem tanquam legitimam, aut quæ claram rei definitæ Notionem præbeat. Porro, quamvis summa ipsorum erga Magistrum suum Veneratio eos extimulet, ut quantum possunt huic Definitioni propitii sint, etiam tunc cum vim Verbis, ut ipsam tueantur, inferunt; quod tamen in genere quilibet defendere ac probare videntur, speciatim ac quasi *per partes* censura afficiunt : Hic enim unam Definitionis partem aggreditur, ille aliam, Objectionibus adeò validis, ne dicam ejusmodi quibus responderi nequeat, ut si mihi alia nulla, quibus eam oppugnarem, argumenta suppetere, ab ipsis Commentatoribus multa fac mutuari possem, quibus, quam non immerito mihi displiceat, patefieret.

Ut sit, offeret sese fortè deinceps Occasio examinandi præcipuas hujus Definitionis partes; interim sat fuerit, si observemus varia sæpe admitti ut pertinentia ad *Ideam* aut *Notionem Nature*, quæ Definitione *Aristotelica* nullo modo manifestè comprehendantur; neque enim docet, utrum Principium, aut Causa, quibus verbis Sensus jam dubius redditur, hic commemorata, sit Substantia an Accidens; aut si Substantia, an Corporea an Immaterialis; neque hac Definitione docemur *Naturam* omnia facere sapientissimè, viisque maximè compendiosis agere, atque à fine nunquam aberrare, ac vigilare ne magno Universi incommodo Vacuum contingat, ut multa alia omitram quæ ipsi sequente in Sectione ascripta reperies.

Ne nimia tertiæ hujus Sectionis brevitatis eam reliquis ex quibus Tractatus hic constat dissimilem reddat, hoc loco licet fortè non maximè proprio quæ eligi posset, ea conabor respectivè remove præjudicia, quæ fortè Theologis quibusdam, aliisque piis viris, Religionis ergò, molestiam creare possint, quod dedita operâ sollicitè adeò frequentem hujus vocis, *Natura*, juxta vulgarem ejusdem notionem usum declinem : Cæterum alia quædam alibi ac commodius referam quæ Theologica spectent Dubia, si qua mihi *liberatio* nostra *Inquisitio* fortè suggerat.

* 2. Phys. c. 1. L. 3.

Hæc autem Ratione Philosophica præcipuè moveor, ut quantum commode possum abstinere ab usu hujus vocis, *Natura*, formulique loquendi ab ea derivatis, quòd scilicet, vox sit, si quæ alia sumè ambigua: Hanc porro ob ambiguitatem, frequenter incautèque usurpata, non paucorum lucubrationes ac scripta densis involvit tenebris: quod autem ipse observavi, nullatenus dubito quin alii quoque observaturi forent, nisi inica penè præjudicia ac consuetudo obstarent.

Neque ea quam Religioni debico veneratione compellor uti voce *Philosophia* adeò incommoda: Neque enim hujusce vocis usum per multa sæcula vulgarem juxta notionem reperio apud *Isrælitæ*; qui soli tum populus Ecclesiæque Dei erant. In tota Creationis Historia, in qua omnino expedit set illius mentionem fieri tanquam causarum secundarum primæ, ne verbum quidem de *Natura* Moyses fecit: Cùm autem Philosophi eam velint Plastica vi sua, atque Arte, Plantas atque Animalia ex universalis fingere materia; sacer Historicus eorum formationem immediato verbo divino, *fiat*, ascribit, *Gen. 1. 5. 11.* Et dixit Deus, *Producat terra herbam virentem, ac semen producentem, arborèque fructiferam ferentem fructus proprium secundum genus. Ver. 14.* Et rursus dixit Deus, *Producat terra creaturam viventem secundum genus suum. Ver. 25.* Et Deus, nulla *Naturæ* facta mentione *bestias terræ formavit secundum proprium genus.* Neque memini me legere in Veteri Testamento vocem ullam quæ propriè *Naturam*, eo saltem, quo eam accipimus sensu, sonet: Neque Anglicani Bibliorum Traductores ullam hujus vocis mentionem faciunt, cùm enim hac super re recentem hand ita pridem *Concordantiæ* consuluissim, hanc vocem, *Naturam* in nullo Veteris Testamenti textu offendi; ita pariter, quamvis *Iobus, David, Salomon* alique *Isrælitici* Scriptores corporea sæpe Dei opera meminere, de *Natura* tamen, quam Philosophi nostri ab ipso his præfectam volunt, nihil prorsus dicunt: Neque fortè abs re fuerit his addere, licet celebris ille recentior Rabbi Menasseh ben Israël varia conscripserit Emblemata de Creatione; non meminitamen ullibi adhiberi ab eo vocem *Naturam*, juxta receptam notionem, ut rationem reddat mundanorum Dei operum: Cùm autem Paulus ipse, qui *Ethnicorum* dogmatum gnarus erat, scribens ad Corinthios, (*1. Cor. 15. 37. 38.*) qui Græci erant, loquitur de productione Tritici è semine seminato, productum corpus *Naturæ* non attribuit; sed ubi loquutus fuerat de grano tritici, aliòve semine terræ commisso, addidit Deum ipsi tale dare corpus quale ipsi visum fuerit, ac cuius semini corpus suum, hoc est corpus proprii sui generis. Mâjor autem Divo Paulo, *Matth. 6. 28. 29. 30.* agens de Liliorum, aut ut quidam volunt Tuliparum pulchritudine, ita se enunciat, Si Deus ita vestit gramin camporum, &c. Encomia *Davidis, Iobi*, aliorumque sanctorum *Hebræorum* in Veteri Testamento commemoratorum, ob mira Dei quæ in Universo contemplabantur opera, ad Deum ipsum diriguntur, nulla *Naturæ* mentione facta, cujus rei varia

proferre exempla possem, sed hic brevitatís causâ sat habuero pauca quædam afferre ex libro Psalmorum; Psalmi centesimi Scriptor hanc exhortationis materiam, quòd *Deus nos fecerit*, præbet, ut iniremus januas ejus cum gratiarum actione, & gratia ejus cum laude, atque alibi, *Cæli & Terra laudent Deum*, hoc est, hominibus occasionem materiæque laudandi illius præbeant: His conformiter, Propheta Regius alibi magno Universi Creatori dicit, *Psalm. 145. 10. Omnia opera tua laudabunt te Domine, & Sancti tui benedicent tibi*. Atque alibi idem Creatori suo dicit, *Psalm. 139. 13. 14. Conspexisti me in utero Matris meæ, laudabo te, timidi & mirabundus factus sum, mirabilia sunt opera tua, quod anima mea novit optimè*.

Dubitavi aliquando utrùm hic loci addendum non foret, siquid quis Deo in regimine hujus Universi substituere vellet, sacris Scripturis convenientius fore, si Angelis potius quàm *Natura* hanc provinciam is imponeret: Quoad cœlestem enim Universi partem, ejus sublunaris decies fortè milleesima pars non est, tum *Aristotelici* Ethnici, tum Christiani Philosophi docent Cœlestes Orbes ab Intelligentiis moveri: Quod autem ad inferiorem, ac sublunarem orbem spectat, præterquam quòd sacri Codices tradant Angelos sæpenumero à Deo Regnorum ac privatorum etiam hominum regimini præfectos, ut patet è libro *Danielis*, gloriosorum eorum Spirituum quispiam disertis verbis *Angelum* aquarum dicitur, *Rev. 16. 5*. Quem ipsi titulum idcirco datum non pauci docti Interpretes existimant quòd ipse constitutus sit aquarum rector ac præservator: Memini porro eodem in libro mentionem fieri Angeli, *Rev. 14. 18*. habentis potestatem, autoritatem, ac jurisdictionem, *in terra* super ignem; licet autem doctissimus *Grotius* aliter de titulo huic Angelo aquarum dato opinetur, suis tamen in versum 7. notis docet, constitutum fuisse Angelum qui animas præservaret sub Altari illic commemorato servatas. Si autem Angelum aquarum pro earum custode ac conservatore accipimus, fortè ut *Romani*, sub quibus *Johannes* scripsit, varios, aquæductibus atque aquis præficiabant: non inutile fuerit obiter observasse eum introduci collaudantem suum, sociosque spiritus magni Creatoris: Qui religionis actus est, quem quantum quidem sciam, neque *Naturalistæ*, neque *Pagani*, aut etiam *Christiani Natura* ascripserunt.

Dixerit fortè hic quispiam, subordinata non pugnare, *Naturæque* opera eùm ea Dei sit vicaria, reipsa ipsius esse. At quòd nulla ejusmodi existat Dei vicaria hic præcipuè probare nitimur; quæ dum existere probetur, & quamvis reipsa probatum foret, licebit spero mihi cum *Mose*, *Iobo*, *Davide* creaturas quas visibili in mundo miror, opera Dei vocare, non *Naturas*; ipsiunque potius quàm ipsam ob manifestam ejusdem in iisdem sapientem ac bonitatem collaudare. Cum apud *Isrælitas*, donec ab Idololâtris corrumperentur, alium per multa sæcula de *Natura* silentium foret. Ac tutius longè puto aptiusque, loqui quemadmodum ii qui ramdiu peculiaris Dei populus

populus erant, loquebantur, quàm quemadmodum loquebantur Ethnici Philosophi, ac Poëtæ, qui ipsius facilè ac suis etiam interdum creaturis Deitatem ascribebant.

Hæc commemoro non eo consilio ut controversiæ de authoritate usûque Scripturæ Physicis in speculationibus me immisceam, sed ut aut præoccupem aut removeam præjudicium, quo quis, ut superius insinuavi, religionis ergò præoccupari posset, quòd voce *Natura* vulgari sensu infrequentius utatur. Ut præjudicium inquam illud removeam dum ostendo sive Scripturæ constitutæ sunt, ut nobiliores veritates, quàm quæ corpora spectant, patefaciant, sive secus, tum ipsius locutiones tum silentium nostræ magis quàm *Naturalistarum* favere Hypothesi.

SECTION IV.

Cum ostenderim Definitionem *Natura* ab *Aristotele* quantumvis Logice perito traditam, ne ejusdem quidem Interpretibus Discipulisque placuisse, vel eo nomine quòd inde illius de *Natura* Ideam intelligere non possent, parum omnino ad rem fuerit, vel tibi, vel mihi metipsum molestiam creare, facta in definitiones dissertationesve aliorum Peripateticorum circa argumentum adeò pèrplexum disquisitione. Cum præsertim hoc in Tractatu curiosius examinandum non susceperim, quid *Aristoteles Naturam* crediderit, sed quid de recepta vulgò *Natura* notione sentiendum sit: Cujus quidem licèt Scholastici præcipui propagatores extiterint, quam propterea ob causam *Aristotelis* eorum Magistri definitio in examen vocanda erat, non aliam tamen meliùs receptam vulgò *Natura* notionem methodo examinandam putem, quàm si observemus, quæ potissimum Axiomata seu Effata ad eam pertineant, quæque ipsi Epitheta unanimi tum Philosophorum aliorumque Scriptorum, tum plerorumque hominum ubi de ea, ejusque operationibus disserunt, consensu concedantur.

Horum Axiomatum & Epithetorum videntur præcipua quæ sequuntur.

Natura est sapientissima, adeoque opus Natura est opus Intelligentiæ.

Natura nihil facit frustra.

Natura sine suo nunquam excidit.

Natura semper facit quod optimum est.

Natura semper agit per vias brevissimas.

Natura neque redundat in superfluis, neque deficit in necessariis.

Omnis Natura est conservatrix sui.

Natura est morborum medicatrix.

Natura semper in vigilat conservationi Vniversi.

Natura vacuum horret.

Ex his omnibus simul collectis satis superque elucescit vulgarem *Naturæ* Notionem hac vel simili Descriptione exprimi posse.

Natura est ens sapientissimum quod nihil facit frustra, quod sine suo non excidit, quod facit optimum semper inter ea quæ fieri ab ipsa queunt, idque præstat per vias maximè rectas & brevissimas, neque redundans in superfluis, neque deficiens in necessariis, unicuique operum suorum sui conservandi inclinationem ingenerat, utque in Microcosmo, Homine scilicet, morborum ipsa curatrix est, sic in Macrocosmo Mundo nempe ejusdem conservandi gratiâ abhorret à Vacuo, quo efficit horrore ut quædam corpora privatas contra inclinationes bonumque, boni publici causâ agant.

Quid de iis sentiam ex quibus Panegyrica hæc *Naturæ* descriptio constat, suo, annuente Deo, loco dicetur, cum id mihi tantum impræsentiarum propositum sit, ut quàm maxima perspicuitate oculis tuis subijciam quid re ipsa homines, si quid velint, sat intelligunt, *Natura* nomine aut concipiant, aut admissis à se Axiomatis, & vulgò usurpatis conformiter concipere eos necesse sit.

Haud absimiliter vero aliquam hinc à me quæ mea sit, *Naturæ* Definitionem expectas aut experis: At ut quidquam nunc hac super re dogmaticè pronunciare supersedeam, dubius hæreo num hinc loci fateri nec-ne debeam, hoc interdum mecum me Paradoxum agitalle, aut potius eò usque inter meditandum extravagatum esse, atque à trita orbita declinasse, ut seriò dubitarim, quod superius insinuavi, sit-ne *Natura* res quæpiam, an nomen tantum, utrum, inquam, sit ens reale re ipsa in *Natura* existens, an notionalis tantum entitas quædam, aliquatenus fictitiis iis vocibus cognata, quas excogitavêre homines ut res simul multiplices unius vocis quasi compendio exprimerent: Ut exempli gratiâ, cum de *concoctiva* animalium *facultate* loquimur; qui perpendunt attentèque considerant quid dicant, nullam concipiunt distinctam ab humano corpore entitatem, ab humano inquam corpore, quatenus machinâ est summa arte conflata ex fixis fluidisque partibus: Sed cum actuatam quandam facultatem, aptitudinèque observassent in dentibus, lingua, sputo, fibrisque gulæ ac stomachi, calore Naturali, aut menstruo etiam aliisque quibusdam agentibus, ad præparanda cooperatione alimentata atque in chylum transmutanda, cum hanc inquam aptitudinem observassent, brevitatis studio has simul omnes causas, earumque actiones compendiosa *concoquentis facultatis* appellatione exprimendas judicaverunt.

Dum huic indulgerem speculationi, subiit animum *Naturalistas* inquirere posse, quo demum modo, eorum neglecta notione usitatas illas loquendi formulas explicarem, quibus utuntur homines cum dicunt *Naturam* hoc aut illud facere, aut quidpiam tale à *Natura* fieri, aut secundum *Naturam*, aut contra *Naturam*. Quæ quidem quæstio eo dignior responso, quod hæ Phrasæ aded frequenter à doctis etiam atque indoctis usurpentur, ut propterea non commodè tantum, sed & necessariè judicata sint; quibus omnino loquendi

loquendi formulis factum puto ut *vulgaris Natura notio* ab omnibus recepta sit.

Hoc itaque loco non abs re fuerit addere, non Phrases tantum ejuscemodi, puta, quoddam *Natura* hoc vel illud agat, seu *Facultas*, seu *Suñtio*, adhiberi ab hominibus ut *rem notionalem* exprimant, sive ut id rei *notionali seu ideali* ascribant, quod entia realia faciunt: Ut cum dicimus legem homicidii mortem statuere, protegere insoues, debitores solutis debitis pacatisque Justitiæ Ministris carceribus liberare: Tum enim, similique quovis in casu, meritò dicere possumus, manifestum esse legem ipsam, cum mortua tantum litera sit, idealis tantum regulæ loco habendam, neque Physicè proinde hæc ullatenus agere, re ipsa enim fiunt à Judicibus, Ministris, Apparitoribus, aliisque hanc secundum regulam agentibus. Ita cum dicimus consuetudine hoc vel illud fieri, intelligere tantum debemus ejuscemodi propriis ab agentibus fieri, quæ agunt iis in casibus conformiter consuetudini; ut autem appositum adhuc magis afferatur exemplum, perpende tantisper quàm multi fortunæ seu casui ascribantur eventus, quæ tamen fortuna re ipsa nullius rei causa Physica est: Qua fortè de causa antiquiores *Aristotele* Naturalistæ, ut ipsemet insinuat, nullam illius mentionem faciunt, potiùs de naturalibus causis agunt. Cum igitur fortunæ quidpiam ascribimus, nihil aliud inuimus quàm effectus huic ascriptos à veris propriisque agentibus productos fuisse præter aut etiam contra eorundem intentionem; ut cum quis sagittam emittit in cervum, quæ tacto leviter animali fortè ulteriùs progressa hominem inconspicuum à sagittario lædit, patet sagittam Physicum esse agens, quoddam agat vi virtutis, fabricæque ac motus, ipsius in utroque hoc casu: Solenne tamen hominibus est dicere, inflictum leve cervo vulnus conformiter *Natura* contigisse, animalis enim mortem sagittarius designabat, at lethale vulnus inflictum homini casu contigit, quia neque is, neque alius quivis propositus ei in scopum erat: Cum autem veterum Atomistarum non pauci, & immeritò & impiè rerum originem explicantes absque confugio ad Deitatem Mundum affirmarint interdum à *Natura* factum, interdum à fortuna, promiscuo harum vocum usu, id ni fallor affirmarunt, quoddam existimari neutra propriam veramque causam Physicam denotari, sed quasdam potiùs hominum ideas de modo agendi verorum agentium proprio. Quocirca cum Epicurei docuerunt Mundum casu fuisse factum, seu à fortuna, fieri omnino potest ut fortunam non fuerint contemplati tanquam veram & Architectonicam Systematis Mundani causam, sed crediderint omnia ex atomis facta fuisse quatenus earum conventiones ac concreciones in Solem, Stellas, Terram, aliæque corpora factæ sunt, nullo prævio harum corporum constituentium consilio.

Dum eudendis adhuc paradoxis mens quasi inhiaret, èd progredi ausus sum ut in dubium vocarim, utrùm ex dictis colligi non posset, nullum aliud ab eo quod homines *Naturam* vocant redundare ad Philosophum emolumentum, quàm quoddam inde sermonis atque enunciationis compen-

dium oritur; quandoquidem mecum ipse cogitabam, si res propius, & non vulgi more minus attentè intueamur, cum quis mihi dicit *Naturam* tale quiddam agere, non me reipsa juvat, ut intelligam explicemve quid res fiat. Sat enim manifestum videtur, quicquid sit in mundo saltem ubi rationalis anima non intervenit, verè effici à corporeis causis & agentibus, quæ agunt in Mundo hunc in modum constituto conformiter legibus motus ab omniscio rerum Authore constituti.

Cum quis rotarilis horologii artificium cognoscit ex inspectione variarum ejusdem partium, dum scilicet considerat, quæ, si aptis inter se modis coherent, elater aut pondus unam impellat rotarum, hæc rursus aliam, donec consequentibus sese harum aliarumque partium moribus index denique veram diem horam indicet. Is inquam si vir sapiens sit, sat sibi complacuerit in hac effectus propositi notitia, parum cæteroquin sollicitus, utrum *Naturalis Philosophus* instrumentum hoc Chronometricum, *ens per se*, an *ens per accidens* esse dixerit, aut utrum moveatur vi principii interni, cujusmodi elater esse debet, aut externi quale quis appensum pondus existimavit? Utque is qui ope mechanicarum affectionum partium universalis materiæ Phænomenon quoddam explicare nequit, non faciliè effectus producti modum inde intelliget, quod quis dixerit à *Natura* eum esse productum: Ita, si rem Mechanicè explicare possit, non magis necesse est ut dicat, *Naturam* effectum hunc produxisse, quam necesse est ut is qui horologii rotati motus observavit, dicat horam non ipsius Machinæ beneficio, sed artis ope indicari; cum interim neglecta generali hac, quæque nihil sonat, appellatione sat superèque intelligat, quæ partes ex quibus Machina constat ipso suo situ, textura, serièque moruum, ad effectum producendum determinentur.

Cum extremum inferius arundinis demersum est, exempli gratià, in lacte aut aqua, qui illam sustinet, extremum superius labiis circumambit, ductæque halitum, ac liquor tum mox in os fluit: Cum hoc inquam contingit, à *Natura* id fieri asseritur ut impediatur vacuum, hic porro modus liquores attrahendi *Suctio* vocatur; quod cum dicitur, vox *Natura* brevi tantum nobis compendio variarum concursuum causarum explicat, aliisque in casibus nihil aliud præstat, quam quod vox *Suctio* in præsentia præstat. Neutra enim vox quidquam confert ut intelligamus, quæ spontanea hæc in speciem gravis liquoris ascensio efficiatur, quod ii faciliè, qui norunt Aërem externum fluidum esse ponderosum premerèque magis alias liquoris partes, quam Aër in arundine contentus inclusas superficiæ partes premit, faciliè inquam conceperint; nescire enim non poterunt, minorem pressionem à majore esse superandam: Aër itaque internus ascensioni liquoris non obstat, qui Aëris externi validiore pressione in fistulam primum tumque in os impellitur, ut alibi, inter alia, manifestum feci. Quapropter huic conformiter Doctrinæ, absque ullo ad *Naturam* quæ Vacuum præpediat, confugio, qui nunquam de *Natura* notionibus Peripateticis inaudisset commemoratum

raturum mox Phænomenon sat intelligeret. Si autem postea receptas opiniones formâque loquendi hoc in casu usurpatas audiret, *Natura* hunc ascribere effectum supervacaneum putaret, aut etiam erroneum, communemque *Sæclionis* Theoriam nihil sibi suppeditare aliud posse, quàm vocem quandam quæ compendio enunciet agentium aquam sursum impellentium concursum.

Quouisque fœdera hæc ratiocinia admitti debeant, colligere poteris ex dicendis inferiùs de eodem argumento in VII. Sectione hujus dissertationis. Ut igitur eò revertatur oratio, unde hæc orta est digressio, non absimiliter vero rejecto à me vulgari notione *Natura* aliam à me speras substituendam, aut definitionem, aut descriptionem quæ reipsa mea sit: Futurum opinor, ut memineris vulgare *Natura* notionis examen, huic tractatui fuisse propositum in scopum, minime verò novæ *Notionis* introductionem. Ipsa enim vocis ambiguitas tanta est, atque à doctis etiam ipsa ad res tam varias significandas adhibetur, ut minime tutum futurum esset non enumeratis distinctisque variis ejusdem acceptionibus, illius tradere definitionem, quæ verius tradi omnino nequirit, aut certè ejusmodi nequirit quæ censuræ obnoxia non foret; non mihi itaque assumam ut definiam id cuius nulla certa adhuc statâque apud homines notio est. Ut tuis tamen quantum ausim votis paream, scias velim si qua mihi quavis hæctenus data aptior *Natura* definitio proponenda foret, quæque præcipua *Natura* notio habenda esset, universalem particularemque rerum *Naturam* distinguerem, universalis autem *Natura* proponenda à me notio hujuscemodi quæpiam foret. *Natura est aggregatum quodpiam è corporibus Mundi formam constituentibus, consideratum ut principium cuius vi agunt patiunturque, conformiter legibus motus ab Autore Naturæ præscriptis. Quæ quidem Descriptio hunc ferè in modum exponi poterit. Natura, in genere, est effectus quidem materia universalis, aut substantiæ corporeæ Universalis, prædata ut in præsentem Mundi structuram et constitutionem efformata, quæ omnia, ex quibus constat, corpora apta fiant quæ agant in se mutuo, patianturque à se invicem juxta statas motus leges.*

Hæc Descriptio prolixior paulò videri poterit, ac paulò vehementiorem requirere attentionem, ab eo qui eam propiùs intueri voluerit: Sed intricatum ad eò arduumque ac tanti momenti argumentum non putavi paucioribus esse proponendum: Quare tuæ potiùs fidere applicationi volui, quàm non conari tanti rei momenti ita enunciare ut intelligi posset, eaque, quæ requirebatur, cautela; hæc autem Descriptio viam ad aliam huic subordinatam notionem, cui & subnecti debet, parabit, cum particularis corporis individui *Natura* posita sit in generali *Natura* applicata distinctæ Universi portioni, aut potiùs, si ponamus eam ut reipsa est in mundo instar nostri constituto à Deo: *Est conventio quadam mechanicarum affectionum, Molis, putâ, Figuræ, Ordinis, Situs, Texturæ, motus localis, mechanicarum inquam affectionum partium sive sensibilium sive insensibilium, quibus particulare quod constant cor-*

pus in particulari specie, aut denominatione constituitur, quatenus harum omnium affectionum concursus consideratur ut principium motus & quietis, mutationisque eo in corpore.

Si vis ut geminas hæc notiones brevius exprimam, jam ex dictis mox nō fallor quid velim sat intelligis; generalem itaque *Naturam*, *Cosmicam* voco *Mechanismum*, hoc est complexiōem omnium mechanicarum affectionum, Figuræ, Molis, Motus, &c. ad materiam magni Mundi Sylltematis pertinentiū. Atque *Naturam* hujus aut illius particularis corporis denotem, eam dicam privatum, particularem, aut si inavis, individuum *corporis Mechanismi*, aut brevitatis gratiā, *corporis Mechanismi*, hoc est *essentialem Modificationem*, si ita loqui liceat, quo nomine complexiōem omnium mechanicarum affectionum in particulari inquam corpore collectarum intelligo, particulari inquam corpore, considerato ut determinatē locato in Mundo instar nostri constituto.

Mirum fortē tibi visum fuerit quodd in hac Descriptione præsentem Mundi Fabricam, quasi partem esse velim notionis *Naturæ* à me traditæ, licet Philosophorum plerique æquē ac alii omnes loquantur de ea ut plastico omnium corporum mundanorum principio, quasi scilicet corpora hæc ab ipsa fierent, quæ propterea *Naturæ* Opera vulgò dicuntur, mutationesque in illis observatæ, Phænomena *Naturæ*. At quod ad me atinet, nihil causæ subesse video cur ullum ens Architectonicum, si à Deo discederis Mundi formationi prævium agnoscamus.

Peripatetici, quorum scholæ aut excogitarunt receptam notionem *Naturæ*, aut certē propagarunt, cū non materiam tantū, sed & mundum æternum velint, eum intueri poterunt, ut Provinciam, non ut opus *Naturæ*, quæ conformiter ipsorum Hypothesi, ejusdem Custos est, non Fabricatrix.

Ipsi etiam *Epicurei*, qui quæcunque in Mundo fiunt, ad *Naturam* referri volunt, nequeunt sua juxta principia, id quod nunc *Naturam* vocant constitutere tanquam prævium quidd præsentis Mundi formationi. Conformiter enim ipsorum Hypothesi, dum infinitæ Atomī vagantur per infinitum Vacuum, nihil proprium aliud exhibebant, quā Molem, Figuram, Motum: Hæc autem Atomorum coalitiōe genitus est Mundus. Quare juxta eos non *Naturæ* sed casus Mundum fecit; quamvis postea Originalis hæc Fabrica rerum, vi Structuræ, innatæque quæque deperdi nequit motivæ facultatis Atomorum, eodem res in statu conservet: Hic autem rerum status casu actus, nullōque certo consilio continuatus, juxta eorum Hypothesin *Naturæ* dici debet.

Ut autem mera me ratio non docet teneri me ad eam agnoscam *Naturam*, quam contra disputo, Mundi Origine priorem, ita neque comperio ulla Revelatione in Sacris Scripturis contenta, tale quoddam ens existisse. In ipsa enim Creationis Historia disertis verbis dicitur, Deum fecisse Cælum & Terram, neque in iis quæ *Moses* de Creationis progressu narrat, ulla sit mentio

mentio actionis *Natura*; cùmque Deus introducitur sub finem omnes Universi partes quasi revivens, dicitur * vidisse omnia quæ fecerat, brevique post additur, † benedixisse eum, & sanctificasse diem septimum, quia eo die, aut potius proximo ante eum, ut particula Hebræa alibi usurpata sonat, quieverat ab omnibus operibus quæ creaverat, ac fecerat. Licet autem in libro *Iob* locus quidam sit*, quo sat verosimiliter probatur Angelos filios Dei illic dictos extitisse sub initium operum primi diei, aut aliquo tempore ante, illic tamen ne insinuat quidem eos Creatori in Mundi creatione cooperatos fuisse, cujus quidem exhibentur tanquam spectatores ac collaudatores, nequaquam tamen quasi instrumenta. Sed cùm Revelationem, quantumcunque ipsam venerer, extraneum quid fateor Philosophicæ huic disquisitioni de ea hic nihil dicam, tibi interea dicturus cùm rationis tantum lumen considero, facile induci me ut credam hoc simili quopiam modo Mundum esse factum.

Vero non absimile puto, magnum sapientemque rerum Authorem, licet nihil de tam arduo argumento decidere velim, cùm primum Universalem indigestamque materiam creavit, varium ipsius partibus motum impressisse, quo necessario in innumeras portiones diversæ Figuræ, Molis, situs, comparatæ ad se invicem dividebantur. Harum autem partium motum sub primordia rerum infinita sua sapientia, ac potestate ita direxit, ut tandem, (sive breviori tempore, sive longiore, ratio definire nequit) in speciosam hanc ordinatamque Mundi formam coalescerent: Cujus è partibus quadam eo erant artificio contextæ, ut semina, seu spermatica plantarum atque Animalium principia fierent. Eas præterea motus localis leges regulasque partes inter Universalis materiæ constituit, ut concursu ordinario diversæ Universi partes hunc in modum confectæ magnum mundanorum corporum Systema Oeconomiamque tuerentur ac conservarent, Animaliumque species propagarent. Quocirca huic conformiter hypothesi, nullam aliam à Deo ipso Universi causam effectricem agnosco, cujus omnipotentia infinitæ ejusdem sapientiæ juncta corporeum primum Mundum Divinis conformem ideis fecit, quibus creaturas non minus liberè, quàm sapienter conformandas putavit. Errare enim nos omnino exiliis, cùm aut opinamur, ut opinari solemus, id quod *Naturam* hujus vel illius corporis vocamus, esse in propriatorum materia comprehensum, propriamque non dico substantiali, sed essentiali forma quasi ab hac aut illa tantum omnes existere operationes debeant. Cùm enim corpus individuum Mundi tantum pars sit, circumscinctumque aliis magni illius *Automati* partibus, aliorum eget concursu, opæque corporum quæ extrinseca agentia sunt, ut non paucas ex operationibus suis peragat, variæque exhibeat Phænomena, quæ ad ipsum spectant. Hoc illico manifestum fiet, si Animal, exempli gratiâ, aut Herba in ultramundana Scholarum spatia transferri posset, aut *Epicuri* intermundia, vacuæ quæ excogitavit, varios inter Mundos, loca. Quæcunque enim viventium illa-

* Gen. 1. 31. † Gen. 2. 3. 4. Iob. 38. 4. 6. 7.

rum machinarum structura sit, non magis sua obire munia possent absque externorum agentium, Solis purâ, Ætheris, Aëris concursu, &c. quam ingençia, quibus utimur, molendina sine vento, sine aqua triticum commovere valerent. Quod èd faciliùs quis crediderit, si perpenderit, mera Aëris licèt non luminis, aut Magneticorum Terræ effluviis, &c. in antlia aëria exclusionè, corpora in capaci admodum vitro constituta in diversum adeò statum redigenda citò esse, ut calida in ea Animalia vivere nequeant, neque flamma licèt puri Spiritus Vini ardere, neque Syringes aquam attrahere, neque Apes insectâve ejusmodi alata volare, aut Convolvuli serpere; imò neque siccata pulveris grana in flammam excutere queant: Quæ omnia propriâ doctus sum experienciâ. Huic conformiter Hypothesi magnam Mundi prægnantiamque, ut ita loquar, Automatum incueor, tanquam ejuscemodi machinam, quæ instar mulieris utero geminos habentes, aut navis antlia tormentis bellicis, &c. instructa, varias alias minores in se complectatur Machinas. Compositam autem hanc Machinam unâ cum legibus motus libere in Mundo stabiliti, ac conservati ipsius inter partes à Deo, tanquam complexum principium intueor, unde status ordo, cursusque rerum corporearum existat. Quòdque hac ab origine ortum haber, generatim loquendo, secundum *Naturam* contingere, aut à *Natura* fieri, dici poterit, quod verò huic ordini repugnat præter aut contra *Naturam* dici nihil verat. Quidquid enim homines de *Natura* garriant, quodcumque res inter inanimatas sit, quæ faciliè maxima. Universi pars sunt, verè sit à particularibus corporibus in se invicem agentibus vi motus localis modificari aliis affectionibus *agentis, patientis*, eorundemque aliorum corporum quæ ad effectum aut Phenomenon productum necessariò concurrunt.

N. B. Qui parum curant opiniones jurâque antiquorum *Indaorum* atque *Ethnicorum* transgredi poterunt ad proximam, hoc est quartam Sectionem, prætermittit tota sequente digressionem duas inter paratheses comprehensa quæ quamvis & utilis sit, & ad scopum hujus Tractatus spectet, omnino tamen necessaria non est.

In præcedente (III.) Sectione hujus Tractatus, sat ni fallor superque indicavi cur ab usu frequente hujus vocis *Natura* adeò abhorruerim, jam autem in hac quarta scilicet cum ostenderim eam Dei cujusdam, aut certè Semi-Dei loco ab ejusdem cultoribus haberi, non abs re fuerit hic indicare quibus maxime de causis, ipsa mihi notio seu res ipsa non minus displiceat, quam frequentior nominis usus, atque cur à plurimis dissideam, qui illud à nobis usurpari volunt tanquam Religioni ipsi peramicum.

His autem rationes èd libentiùs proponam, quod non tantum plerique è Doctioribus, ut modò dicebam, sed ex ipsis etiam Theologis, vel quia hac super re nemo quidpiam ipsis suggessit, vel alia quapiam de causa tanti rem momenti non examinavit.

Urgitur manifestum fiat, quantum hætenus nocuerit, ac nocere proinde deinceps Religioni possit vulgaris hæc *Natura* notio, ea primùm præmit-

tenda

tenda cenſeo, quibus maximè erroribus Ethnici ſeduc̃ti fuerint, ipſique etiam Philoſophi non minùs quàm alii plurimi. Niſi enim mea me fallat opinio, ex hoc præcipuè fonte tum Polytheiſmus, tum Idololatria emanarunt, quodd Gentes res corporeas ac ſæpe etiam inanitates contemplatæ ſint, tanquam ſenſu intellectuque præditas, Naturæque, atque aliis entibus ſive veris ſive fictitiis ea attribuerint quæ ſoli Deo conveniunt.

Antiquiſſima ferè Idololatria, voce hac latius accepta, videtur fuiſſe Cœleſtium Luminum cultus, Solis præſertim, Lunæ: Quod hoc genus *Abodæzara*, ut Judaici Scriptores inſolitos aut falſos cultus vocant, Naturale maximè ſit; cujus ſcilicet objectum ſint corpora Glorioſa, immortalia, regulariter ſemper mota, hominibùſque benefica. Extat locus quidam ſacris in Codicibus apud *Iobum*, qui *Moſi* ad minimum cœvus reputatur, quo probari videtur hunc duorum magnorum Luminarium cultum ſub ea tempora in uſu fuiſſe, adèh ut homini religioſo crimini verteretur, atque ut Anglica noſtra Verſio *Hebraicas* voces reddit, pœna à civili Magiſtratu inſtigenda dignum foret, ſi, ut inquit *Iobus*, * *Solem intuerer dum luceret, aut Lunam ambulantiem in ſplendore. Còrque meum ſecretò ſeduc̃tum fuerit, oſve meum oſculatum fuerit manum meam*, &c. quodd autem hæc Idololatria exercita etiam fuerit tempore *Moſis*, ex hoc *Deuteronomii* loco colligi poterit. † *Ne tol- las oculos tuos ad calum, & quando intueris Solem & Lunam & Stellas, omneſque etiam exercitus cœli impellaris ad adorandos eos, eiſque ſervien- dum*, &c.

Sabai, vel ut à Criticis vocantur *Zabiani*, à doctis quibuſdam omnium Idololatrarum primi exiſtimati ſunt, ac Rabbīnorum Judaicorum peritiſſimi: Hos adèh antiquos eſſe vult *Maimonides* *, ut *Abrahamus* contra eos diſputarit. Quorum ſuperſtitio, tempore *Moſis*, Orientem tam latè occuparat, ut optimè *Maimonides* obſervarit non paucas legum Ceremonialium *Judeis* traditarum, inſtitutas fuiſſe adverſùs opiniones Idololatricas, ritus magicos, aliàſque iſtorum *Zabianorum* opiniones. Cujus rei, unà cum celebri noſtro *Seldeno*, varia ſubminiſtrat exempla, quibus nonnulla à docto *Hottīngero* † adjecta ſunt. Sed hæc obiter tantùm, cùm mihi præcipuè propoſitum fuerit, dum horum *Zabianorum* mentionem facio, ut tibi indicem, planetas ab iſis eſſe habitos Solem præcipuè ac Lunam Numinum inſtar, quos proinde cultu divino proſecuti fuerint; quodd entia intelligentià prædita crediderint maximèque concurrentià ad Mundi regimen.

Hoc autem probari poterit ex Orientalibus quibuſdam Scriptoribus, ex *Maimonide* præſertim qui alicubi aſſerit * *Zabianos* adoràſſe Solem & Lunam, Cœlique exercitum, ut Scriptura Lumina Cœleſtia vocat, tanquam veros Deos. Quod eò minùs mirum nobis videtur ſi alium ejuſdem eruditī Authoris locum (2. Chron. 33. 3.) conſulamus, ubi docet auditores, eos Idololatræ

* Job. 31. 26. 27. † Deut. 4. 19. * *Morè Nevuch* lib. 3. cap. 30. † *Hiſtor. Orientalis* lib. 1. c. 8.

* Lib. 3. cap. 36. 2. King. 17. 16.

(*Zabianor* aut *Chaldaos*) confasse statuas ex argenteo & auro, * has Soli, illas Lunæ, quæ quibusdam ceremoniis ritibûlque consecratæ invitarent, ac quasi attraherent hæc in monumenta Spiritus Stellarum: Ex quibus suos alloquerentur cultores, utriusque ipsis admonerent ac futura etiam prædicerent, è quarundam autem hujusmodi loquentium imaginum numero docti quidam Critici *Teraphim*, ut textus Originalis loquitur, fuisse putant, *Teraphim* inquam quos *Laban* † tanti fecit ut Deos suos vocaret; quos *Rachel* suffurata Patri dicitur, ne hos consulens quæ ipsa, maritus, familiæque tota fugissent, disceret. Idem autem doctus *Rabbinus* cum admonuisset Lectores, varios se vidisse libros *Zabiana* Superstitionis, unum alterumve alicubi commemorat tractatum de *Imaginibus loquentibus*: Atque à *Zabianis* forè istis, eorumve Discipulis *Zeno* Stoicæ Sectæ fundator edoctus, ut *Stobæum* tradit, nos docet, Solem, Lunam, reliquasque Stellas præditas esse intellectu ac prudentia. Ac *Seneca* * etiam rigidæ hujus Sectæ magnus Assertor *Epicurum* & *Anaxagoram* reprehendit quem hac in opinione sequebatur, quod Solem ardentem esse lapidem vellent; aut quoddam ex ignibus fortuitis aggregatum aliudve demum quodvis quàm Deum:

Egrè sanè molestæque fero, quodd credere compellar magnum *Hippocratem* in eundem de quo loquimur collapsum esse errorem, cum in Libro ipsius de *Principiis aut carnibus* sub initium, hunc locum offendam: *Et videtur sanè mihi id, quod (Θεὸν) calidum vocamus, immortale esse, & cuncta intelligere & videre, & audire & scire omnia, tum præsentia tum futura*. Er huic conformem Hypothesi nascentis Mundi paucis verbis Descriptionem tradere nititur; reliquumque Librum insumit peculiari partium humani corporis descriptioni, ostenditque qua maximè ratione constare factæque fuerint: Quæ quidem in re conatum licet in genere laudem, quodd facultatibus quibusdam acquiescendum non rarus, intelligibili & peculiari methodo doceat qui res fiant & producantur; hoc ejus tamen opus non possum non intueri tanquam exemplum insignis hujusce veritatis quodd absque necessario illo ad verum Deum recursum, nulla, quæ cuiuspiam satisfiat, originalis, aut primigeniæ productionis majoris minorisque Mundi ratio afferri possit; cum insignis ille *Naturalista Hippocrates*, ope Idoli sui quod Θεὸν dicebat, nullam horum operum afferre descriptionem potuerit, cui paulò attentior quis sagaciôrque acquiescat. Atque ipse *Galenus*, cui non ignota *Mosis* Scripta erant, vixitque ibi unde Christiana Religio propagata est per plurimas Mundi plagas, *Galenus* inquam, etiam in mirabili illo tractatu de *usu Partium* †, ubi optime detegit celebratque sapientissimum rerum Authorem, eò usque abreptus est communi aliorum Philosophorum Ethnicorum errore, ut existimarit Terræ ipsi, de ea licet quodam cum contemptu loquatur, inditam esse animam aut mentem à

* Mor. Nevoch. lib. 3. cap. 25. † Gen. 31. & 19. v. 30. * Sen. de Benef. l. 7. c. 21.

† Galenus de usu Partium, l. 17. apud Lacunam in Epitome Oper. Galeni.

corporibus superioribus, quam ait ad eam esse conspicuam primò in Sole, tum in Luna, ac aliis postea in Stellis, ut harum pulchritudine inducendus sit spectator, ut rationi conformiter existimet, quò purior est Cœlestis illarum substantia in ea residere animam eò meliorem ac perfectiorem anima corporum Terrestrium. Cùmque loquutus fuisset de *Natura* ratiocinante *Platonis*, *Aristotelis*, *Hipparchi*, *Archimedis*, &c. hunc in modum concludit: Si igitur in tanta colluvie (quo enim alio nomine quis appelleret quod ex carne, sanguine, pituita ac bile utraque est conflatum) mens signatur ad eam eximia & excellens, quantum ejusdem putandum est esse excellentiam in Sole, Luna, aliisque etiam Sideribus? (quibus subjungit) *Mihi* quidem dum hæc mecum voluto, non exigua quadam mens talis, per ipsum etiam nos Aërem ambientem, esse extensa videtur. Fieri enim non potest, quum lucis ipsius Solis sit particeps, quin vim etiam ab ipso assumat.

Sed hæc obiter. Neque hæc de cœlestium corporum divinitate cum *Zabianis*, *Græcisque* Philosophis opinio perit; accepi enim à quopiam, qui cùm multos annos in Regno *Sinensi* vixisset, variisque aliis Regnis finitimis illarum gentium Linguas eò usque didicerat, ut cum indigenis colloqui posset, accepi, inquam, ab eo in solempni quodam cum præcipuis *Chinensis* Religionis professoribus, eos ingenuè confessos esse, corpora cœlestia existimari à se verè divina, atque adoranda; hancque speciatim ob causam, quòd multa hominibus impertiantur bona, lumen putà, calorem, pluviam, &c. & quæcunque ex istis existunt. Hancque suam doctrinam seu fidem rationi magis consentaneam fide *Europæorum* credebant: Qui Deum colunt cujus nec figuram, nec colorem, nec motum, neque hæc in sublunaria influxum intueri ullatenus poterant. Hæc autem fides antiquorum *Græcorum* opinioni optime consonat, qui, ut refert *Origenes*, Solem & Lunam vocabant *ἡμῶν θεοὶ* & *ἀνδρῶν*, conspicuos sensibilisque Deos. Docemurque ab *Ensebio*, antiquos *Ægyptios* Theologos, quorum Religio Religioni *Chaldaicæ* affinis erat, aut fortè etiam ab ea desumpta, Solem & Lunam qui ipsi erant *Osiris* & *Isis*, non habuisse tantùm tanquam Deos præcipuos sed tanquam factores Universi penè totius.

Damascius vita *Isidori* apud *Photium*: Colunt præ cæteris Diis *Ægyptii* *Osirin* & *Isin* (i. e. Solem & Lunam) illum omnia condere, & figuris numerisque materiam adornare arbitrari.

Non examinabo hic loci utrùm veteres isti Ethnici Philosophi præter Stellas, aliæque entia quæ ceu Deos adorabant, unicum tantùm Numen, aut supremum Deum crediderint. Sed in propositum mihi hic scopum sat fuerit, quòd manifestum videtur, ascripisse eos Entibus sensibilibus attributa vero Deo peculiaria, huncque errorem inde esse natum, quòd intellectu ea prædicta, regiminique præesse existimarent, entiaque ista inferiora longè magis fuisse obvia & familiaria argumenta Sermonis apud ipsos, culturique objecta,

eoque, ut cum Apostolo loquar *, coluisse creaturam præter, aut magis, Græcum enim *παρὰ* utrumque æquè sonat, quàm Creatorem, qui per *Mosē*, Prophetas, Apostolique disertis verbis declarat quàm hic ipsi cultus displiceat etiam speciosior ille magisque in speciem veniæ dignus, qui Decem inter Tribus invaluerat, quæ professæ sunt ac fortè crediderunt cultum suum ad Supremum Deum esse directum eumque verum Deum *Israël*. Sed hæc rursus obiter.

Opinio hæc de Mundo animato variisque itidem ejusdem partibus animatis, intelligentiæque præditis, ut Sole, Luna, Stellis, &c. ita pervaserat hominum animos, ut non tantum in causa præcipuè fuerit cur Imperator *Julianus* † à Christianismo ad Atheismum defecere, gratiasque solemnes Soli ob concessum sibi Imperium *Romanum* egerit, ut admodum etiam doctos tum inter Judæos, tum inter Christianos infecerit, è prioribus duos tantum commemorabo, celeberrimum ac doctissimum *Rabbinorum Maimonidem* apud quem miratus omnino sum in hanc me incidisse assertionem Solem Stellisque animata esse Entia, intellectuque ac voluntate prædita: Alterumque præcipuum doctissimumque recentiorum * *Menasseh* scilicet *Ben Israël* cum quo *Amstelodami* familiariter egi: Qui in suis de Creatione Mundi problematis insignem hunc locum habet: *Quod de Intelligentiis tradunt, id verò mera Fabula est; nam Cæli secundum Rabbi Mosē, & rei veritatem, habent animas proprias rationali vita præditas, sicut alibi à me demonstrabitur.* Major autem *Maimonide*, *Origenes* ipse † inter Christianos non uno tantum loco audeat dicere: *Siquidem etiam Cælestes Stella Animalia sunt Rationalia, virtute prædita, illustrata Cognitionis Lumine, à Sapientia illa qua est Splendor æterni Luminis.* Alibi autem eò usque procedit, ut, quod mirari satis non potui, asserat: * *Christianos canere Hymnos Deo Domino omnium & Domino Mundi, non aliter quàm Sol, & Luna, & Stella canant, omnisque Cæli exercitus; cum hæc omnes Creatura unum constantes Chorum, cum justis celebrent unum Deum, Filiumque ejus unigenitum.* Improbabilium horumce Paradoxorum eò me minùs terret temeritas, cum mecum ipse perpendo quòd per varia Secula à Scholasticis Philosophis, atque *Aristotele* præsertim traditum est, peculiare scilicet Stellis assistere Intelligentias, hoc est rationalia, immortalia, potentia, activæque Entia. Malignitatem fateor erroris in Judæis, ac Christianis corrigebant superabantque sana orthodoxaque quæ simul amplectebantur, principia, sed periculosum semper est, iis maxime qui ei fidi esse volunt, qui Zelorem se Deum dicit †, adoptare sibi, atque amplecti præmissas,

* Rom. 1. 25. † Sed nec illam quam ejusdem Numinis (Solis) beneficio adeptus sum, sortem conditionemque parvifacio; quod ex eo genere, penes quod Terrarum Dominatus atque Imperium est, temporibus nostris ortum acceperim. *Julian.* ad Regem Solem. * *More Nevochim* l. 3. c. 29. ni fallor. P. M. 98. † *Origen.* contra *Celsum* l. 5.

* *Origen.* contra *Celsum* l. 8. † *Exod.* 10.

quæ tantos Viros seducere potuerint, & à quibus tam multi celebres Philosophi conclusiones Religionis veræ admodum in speciem repugnantes duxerunt, quineriam periculum etiam aliquod est ne ipsi Christiani seducantur Atheisticis istis notionibus circa Mundum intelligentiâ præditum. Ut enim Imperatorem Apostatam silentio præteream, orta est hæc temporibus quædam hominum Secta & Christianissimum & Philosophiam profitentium, qui si eorum rectè accepero doctrinam, veteribus Ethnicis simillimi sunt: De Deo siquidem multum licet loquantur, hoc nomine nihil aliud intelligi volunt quàm animatum intelligentemque Mundum, multum omnino à vero quem nos Christiani adoramus & credimus Deo diversum; quamvis autem hujus Sectæ antesignani ingeniosiores à quibusdam reputentur quàm doctiores, quòd inaudita scilicet in Naturali Philosophia & Physicis mysteria revelent, ipsorum tamen Hypothesis nequaquam mihi nova videtur, maximè cùm præter locos antiquorum hoc in tractatu citatos, alii nonnulli eodem spectantes mihi occurrant è quibus est hic *Lucani*.

*Estque Dei sedes, ubi Terra, & Ponsus & Aër,
Et Cælum, & Virtus: Superos quid quarimus ultra?
Jupiter est quodcunque vides, Jovis omnia plena.*

Summa affinitas inter animam Mundi tam celebrem apud Philosophos Ethnicos idque quod homines *Naturam* dicunt non ineptè mihi hæc suggesserit *imaginaria* hujusce animæ in Gentilium Religionem influxum. Quòd Antiquorum Philosophorum non pauci Mundum animatum existimant, à multis Viris doctis observatum fuit: Sed quod ad rem præsentem præcipuè facit, iidem veteres sapientes plerique crediderunt *animam Mundanam* non fuisse Ens vitâ tantum præditum, sed & summè intelligens, agensque sapientissimum: Quod facile is animadverterit qui attentius vitas Philosophorum *Dio-genis Laërtii*, ac *Zenonis* præsertim legerit; sed impræsentiarum utar potius Authore, qui licet perraro ex eo Historiæ Philosophicæ citetur, in istdem tamen optinè versatus videtur. Hic autem Scriptor est acutus ille Scepticus, *Sextus Empiricus*, qui circa *Plutarchi* tempora floruisse putatur, cujus juxta aliquos nepos fuit; longam sat hic *Xenophonis* ratiocinationem narrat, quæ si non firmis admodum nititur fundamentis, ingeniosa certè & speciosa est, sed prolixior quàm ut hic transcribi debeat; sat fuerit ipsam hæc conclusionem innuisse: *Est ergo Mundus mente præditus & Intelligens*, &c. quam assertionem ita *Sextus* ipse pro eo proponit: *Si non esset aliqua Mens in Mundo, neque ulla Mens in se esset. Est autem in se Mens aliqua; ergo est etiam in Mundo. Et ideo Mundus est Mente & Intelligentia præditus*. Scepticus idem introducit *Zenonem Citiensem* hunc in modum ratiocinantem: *Quod emittit sonum ejus quod est particeps rationis, est ipsum quoque rationis particeps. Mun-*

• *Sextus Empiric. adversus Mathematicos. l. 2.*

du autem emittit semen ejus quod est particeps rationis; est ergo *Mundus* rationis particeps. Quibus Testimoniis alia ex eodem Authore non pauca addere possem, qui ibidem ait Stoicos existimasse Mundum esse Animal. At opinio antiquiorum Philosophorum de quibus mox, de Intelligentia animaque Mundi illustrior clariorque mox futura est ex iis quæ nunc sum in medium adducturus, quibus parebit, qui eadem seducti sunt in cultum alterius, quam veri Dei.

Sextus Empiricus in ratiocinatione mox commemorata *Xenophontis*, ex eo quòd *Mundus* sit Ens Intelligens, insert, divinum quoque esse; proposita enim mox conclusioni, *Est ergo Mundus mente pradius & intelligens*, statim subjungit hanc aliam, * *Et ideo Deus*. Ac paulò pòst, reperto eorum discursu quo hanc *Xenophontis* argumentationem contra objectionem quandam defendebant, horum ratiocinationem hunc in modum concludit, *Ideo Mundus est Mente & Intelligentia pradius*: Cum sit autem *Mente & Intelligentia pradius*, est etiam Deus. Quemadmodum (inquit etiam *Plurnnius Philosophus*) nos animâ gubernamur, sic & *Mundus* animam habet, quæ vindicet illum ab interitu, & hæc vocatur *Jupiter*. Quò illud Academicarum questionum *Ciceronis* spectat; *Mundum esse sapientem, & habere mentem, quæ seipsam fabricata sit, & omnia moderatur, regat*. Eòdem quoque apertè petinet *Stoicorum* apud *S. Augustinum* ratiocinatio; *Dicunt*, inquit ille †, (loquens de illius Sectæ cultoribus) *omnia sidera partes Jovis esse, & omnia vivere atque rationales animas habere, & ideo sine controversia Deos esse*. Quin etiam *Socrates* inducitur ab *Aristophane* invocans *Aërem* simul *Ætheremque* in suis verbis:

*O Rex, O Imperator, Aër vaste, qui Terram continens suspensam,
Nec non splendide Æther.*

Quod revocat mihi in memoriam candidam illam *Anilii Poëtæ* confessionem:

*Quæ pateat Mundum divino Numine verti,
Atque ipsum esse Deum.*

Iis omnibus addam iusignem clarumque locum *Senioris Plinii* *; *Mundum & hoc quod alio nomine Cælum appellare libuit, cuius circumflexu reguntur omnia, Numen esse credi par est, æternum, immensum, neque gentium, neque interituum unquam. Sacer est, æternus, immensus, totus in toto, imò vero ipse totum, finitus & infinito similis, extra, intra, cuncta complexus in se, idemque Natura opus, & rerum ipsa Natura.*

Si quis objecerit locos à me ex *Ethnicis Philosophis* citatos spectare animam *Mundi*, non *Naturam*, respondeo tantam esse utriusque affinitatem,

* P. M. 326. † *August. de Civit. Dei, lib. 7. c. 2.* * *Natural. Hist. l. 2. c. 1.*

ut plurimi ex antiquis sapientibus utrumque indiscriminatim habuerint; neque aliam agnoverint *Naturam*, quam Mundi animam. Ut sit, magni perniciosique errores in quos inde seducti sunt quod Universum ipsum nobilioreque ipsius partes præter homines & vivere, & intelligere, & rebus providere crediderint, merito Christianos deterruit à fide ejusmodi Entis, quod homines sub nomine *Natura* venerentur: Cum eidem tot mirabiles facultates ac prærogativas ascribant quot Idololatæ adoratæ à se animæ Mundanæ ascripserunt. Sed aliud adhuc objectioni superiori responsum dabo, ubi ostendero quàm sacrilegè abusi sint ente hoc de quo loquimur, tam sub nomine *Natura*, quàm animæ Mundi.

Subit itaque animum inexpectatus apud *Senecam* locus *, qui loquens de Ethnicis opinionibus circa Tonitru, *Non Jovem, ait qualem in Capitolio colimus, fulmina mittere, sed custodem rectorémque Universi animam ac Spiritum Mundani hujus Operis Dominum & Artificem, cui nomen omne convenit. Quibus paucos post versus hæc addit, Vis illam Naturam vocare? non peccabis, est enim ex quo nata sunt omnia, cujus Spiritu vivimus. Vis illam vocare Mundum? non falleris, ipse enim est totum quid, totus suis partibus inditus & se sustinens visus.* Idemque Auctor alibi †, *Natura, inquit, nihil sine Deo est, nec Deus sine Natura, sed idem est uterque.* Atque apud alium Sapientem Romanum hunc habemus locum; *Natura est igitur qua continet Mundum omnem, eumque tuetur, & quidem non sine sensu ac ratione.* Opinioque non privati Philolophi, sed Sectæ Philosophorum Stoïcorum hunc in modum traditur à *Lactantio**, *Si una Natura nomine res diversissimas comprehenderunt, Deum & Mundum, Artificem & Opus, dicuntque alterum sine altero nihil posse, tanquam Natura sit Deus Mundo permixtus. Nam interdum sic confundunt, ut sit Deus ipsa mens Mundi, & Mundus sit Corpus Dei; quasi verò simul esse cœperint Mundus & Deus.* Atque ut ostendam me non absque ratione in hac libera nostra Inquisitione, *Naturam* interdum vocare *Semi-Deam*, interdum *Deam*, aut eam asserere à quibusdam in Idolum quod adorerent, erectam: Hic subnectam partem Hymni *Orphei* ad *Naturam* immodiatè directi:

Ἦ ποὺ καμμένησα θεῶ, &c:

Quos versus ipsius Interpres hunc in modum Latine reddit:

O *Natura* omnium Mater Dea, artificiosa admodum Dea,
Suscitatrix honorabilis, multa creans, Divina Regina,
Omnidomans, indomita Gubernatrix, ubique splendens.

Et paucos post versus;

Aetheria, Terrestris, & Marina Regina, &c.

Aristoteles scio, ejusque Sectatores, non tam aperta *Naturam* Apotheosi consecrarunt, quàm *Orpheus*, aut quicumque Hymnos ipsi ascriptos composuerit:

* *Natur. Quest. l. 4. c. 45.* † *De Benef. l. 4. c. 7.* ‡ *Lib. 7. Cap. 1.*

Plus

Plus tamen, vereor, dicunt, quàm probare queant, quoties asserunt *Naturam* esse sapientissimam, *Opus Naturæ* esse opus Intelligentiæ, *Naturam sine suo nunquam excidere*, *Naturam semper quod optimum est facere*. Quibus alia ejusmodi addi poterunt Axiomata: Idem dico cum plerumque vocant opera *Natura*, opera Dei, Deumque & Naturam simul commemorant, non tanquam Creatorem & Creaturam, sed tanquam duos coordinatos Gubernatores duorum *Romanorum* Consulium instar: Ut cum dicunt, absque omni serupulo, Deum & *Naturam* nihil facere frustra: Cui quidem loquendi modo illud *Ovidii* de *Chao* non ineptè congruerit, dum corpora dissoluta simul promiscuè jacerent, & necdum compacta forent.

Hanc Deum & melior litem Natura diremit.

Narrationi irreligiosorum aded errorum veterum Ethnicorum circa Mundi divinitatem ac nonnullarum præcipuarum ejusdem partium, puta Solis, Lunæ, Stellarum, Ætheris, &c. Superaddenda foret eorundem reprehensio, si necessarium putarem hoc loco refellere opiniones quarum quædam sunt omnino præcaræ, aliæ omnino improbabiles. *Græci* ii, Latiniq; Philosophi qui Solem ignem esse volebant, ægrè admodum ejusdem flammæ alimentum invenire poterant. At *Zabiani* isti & *Chaldaei* qui non tantum animam eum præditum credebant, sed & intellectu & voluntate, omnibus rite perpenſis longè difficilius invenissent non tantum alimentum tam vasto corpori, centies supra & quinquagies Globo Terraqueo majori, sed & Organa necessaria ad præparandum digerendumq; illud alimentum, atque ad alias functiones ad nutritionem animale pertinentes. Si autem Hypothesin *Cartesianam* admittamus, ipsa Generatio Solis, Stellarum fixarum & Planetarum sat superque nobis indicavit hæc Creaturas nec intelligentiâ nec vitâ esse præditas.

Atque aliam omnino hic fortè Hypothesin proponere possem circa *Naturam* Solis, alimentumque flammæ ipsius, quam Phænomena quedam experimentaque etiam probent: Quamvis igneum tantum eum, inanimatumque Corpus statuerem cujus flamma alimento reparetur eo propiore, quod in Terra Marive quæreretur. Sed ejusmodi contra opinionem quam oppugno objectiones, consultò prætereo, quæ licet recta ratione, sanæque circa rerum originem Philosophia nitantur, dubiæ cuiuspiam, nisi falsius exposita, videri possent.

Gratis quoque asseritur, Cœlestia Corpora mox commemorata prædita esse intellectu & vitâ, ita præsertim ut nosse queant particulares condiciones transactionesque hominum, atque audire annuerque precibus cultorum suorum. Ipsaque Luna, quæ ipsorum inter Deos præcipua erat, ab illisque, omnibus aliis Planetis, & Stellis, Sole excepto, præposita tam rudis montibusque aded asperum Corpus est, ut mirum sit, homines speculationi deditos qui observabant quàm variæ, quàm nobiles functiones

Q̃uoniam ad animam sensitivam spectarent, persuadere sibi potuisse massam materię adeò inorganicę animatam & gubernatam fuisse ab anima reipsa vivente ac sensitiva. Scio hos Cœlestium Corporum Deificatores, atque Ethnicos etiam *Aristotelis* Discipulos præter non paucas ejus inter Christianos opiniones magna & sublimia referre de Quintessentia Cœlestium Globorum *Natura*, deque consequente eam incorruptibilitate, de motus regularitate, de divina luminis, ipsorum quo splendentur qualitate. Sed opinio hæc de Quintessentia superiorum corporum *Natura* Physica ni fallor alicujus momenti ratione nulla nitebatur, eoque tantum nomine apud ipsos invaluerat quod eorundem de Cœlestium Corporum divinitate sententię congrueret, de qua *Aristoteles* ipse in *Libris de Cælo**, eo modo mentem suam expressit, qui Sectatoribus ipsius istorum corporum conciliarit venerationem, quę nec verę Philosophię faveat, nec Religioni. Tradit ipsemet *Pythagoricos* docuisse, Terram nostram Planetarum numero recenseri †, eamque circa Solem in Mundi mediotulio sitam moveri. Postea autem quā hæc Hypothesis Terrę-motus seculo ultimo Authore *Copernico* revixisset, hanc amplexi sunt Hypothesin non tantum magni illi viri *Keplerus*, *Galileus*, *Gassendus*, sed plerique etiam ex optimis recentiorum Astronomorum; præter *Cartesium* ejusque Sectatores, ac plurimos alios Naturalistas; quę quidem Hypothesis non tantum magis congruit Phænomenis quā doctrina *Aristotelis* qui certissime deceptus est circa ordinem soliditatemque Cœlorum, sed magis etiam quā antiquum & ubique ferè receptum Systema *Ptolomaicum*. Jam si ponamus Globum Terraqueum esse Planetam, is qui animadverterit eam nihil esse aliud quā rotundam massam heterogeneis admodum substantiis referatam (ut patet è diversis partium præcipue constituentium Maris & Terrę Naturis) massam inquam cujus superficies aspera est ac inæqualis, corpusque opacum, nisi quā illuminatur à Sole, Luna, & Stellis, adeoque ineptum inorganicumque vel ad ipsam nutritionem, ut vivum Animal esse nequeat nedum rationale. Is inquam qui hæc secum omnia perpenderit, vix ascripserit intellectum & providentiam, nedum Naturam divinam Stellis purā Lunę, quā ex optimis nostris Telescopiis discimus rupibus esse montibusque admodum asperam, constantemque partibus discrepantis admodum texturę, ut patet è partibus ipsius lucidioribus, fixisque maculis, quę insuper ipsa opaca est, omnisque manifesti expers luminis quod à Sole non derivetur, atque fortè ab ipsa etiam Terra.

Quod autem ad prædicatam tantopere corporum Cœlestium immutabilitatem attinet, præterquam quod probabiliter in dubium revocari ea potest ob Phænomena quorundam, neque enim omnium ausim dicere, Cometarum qui ex parallaxi deprehensi sunt superiores Lunā, adeoque in Cœlesti Mundi plaga. Præter hæc, inquam, incorruptibilitas immutabilitasque Cœlestium

* Vid. lib. 11. cap. 3. † Ibid. lib. 11. cap. 13.

Corporum summa veri specie rejiciuntur ob subitam irregularémque generationem, mutationem, destructionem macularum Solis: Quæ interdum subito adedò pereunt, ut meminerim Anno 1660. *Maii octavo*, cum reliquissemus mane maculam cujus motus optimo Telescopio diu observaramus, hac spe freti ut multos adhuc dies conspiceretur miratos nos admodum fuisse cum iterum operi vespere nos accinximus, eam prorsus evanuisse, licet spissa admodum videretur, institutâque cum Sole comparatione, totius *Europa* aquare amplitudine superficiem.

Quod ad constantem Stellarum motum spectat; si *Terta*, quam nos scimus esse inanimatam, Planeta sit, tam constanter ac regulariter movebatur circa Solem, in orbe suo magno, quàm alii Planetae moventur, aut ipsa etiam Luna circa Terram moveretur. Considerandum autem hic venit, licet supponeremus Globum nostrum esse Planetam, manifestum tamen fore constantémque motum ac regularem satis unius partis ipsius: Quandoquidem, exceptis anomaliis à littoribus, ventis, aliisque rebus extrinsecis ortis ætus quovis die maritimi regulares sunt, vernique etiam ut loquuntur bis quovis mente ætus ingentium aquarum Oceani, qui fortè integrum Lunæ corpus mole æquat.

Denique cum præcipuum divinitatis Stellarum argumentum ab earundem lumige ducatur, licet non negem sensibilibus qualitarum lucem esse nobilissimam, induci tamen nequeo ut credam ex ea rite probari posse aut divinitatem, aut etiam valde excellentem corporum ea illustratorum Naturam, siue Cœlestia ea fuerint, siue secus. Cum enim *Zabiani*, & *Chaldaei* intuerentur & adorarent Planetas, ut Deos præcipuos, ex Telescopiis nostris percipimus, Solem excipio, si Planetâ potiùs quàm fixâ Stellâ sit, alieno tantum eos lumine fulgere: Ita ut *Venus* quantumvis fulgida nudo oculo appareat, videatur interdum, ut ipsemet aliquando vidi cornuta instar Lunæ non diù post Novilunium. Quo sensu quoque ipsa Terra corpus luminosum est à Sole illustratum: Ac fortè ut corpus quadragesies majus, plus reflectit in Lunam lucis quàm ab ea recipiat, ut probabiliter conjicitur ex lumine superficiei Lunæ in quibusdam ejusdem eclipsibus. Et licet per noctem cum tenebræ pupillas oculorum nostrorum dilatarunt, Lunâque splendidissimè coruscat, fulgentissima appareat: opacior tamen fortè fuerit solida Terrestris Globi parte. Plus enim, memini, vice simplice accuratè observavi in occidente Nubeculam, ubi Luna erat, sub Solis occasum, institutâque inter utramque comparatione, videbatur mihi Nubecula, quantumvis opacum solutumque corpus sit, tanta lucem vi reflectere quanta Luna ipsa reflectebat, quæ ab ea non procul in speciem distabat: Utraque enim candidarum instar Nubecularum apparebat, Sole tamen infra horizontem paulatim magis depresso, splendidior in momenta Luna evasit. Atque si de luce indefinitè loquamur, tantum abest ut divinæ in corporibus ea illustratis *Nature* argumentum sit, siue extrinsecus, ut, Planetis adveniat, siue internum rei ut Solis, principium fuerit, ut lapis

Lapis ambusus, putà *Bolonienſis*, habita ratione molis longè majorem mutuatitiam diffuſurus ſit lucem quàm Planetarum quipiàm. Orum autem ab ipſa interna rei conſtitutione lumen reperiri poterit, non in vilibus tantùm creaturis, ut in infectis ſive alatis, ut ſunt *Cucua Hiſpaniola*, aut reptilibus cujuſmodi ſunt vermes noſtri noctiluci, ſed in corporibus etiam inanimatis corruptiſque ut ligno putrido, fœtentibus aſellis minoribus, variſque aliis Piſcibus putrefactis. Non vacat nunc inquirere quì *Zabiani*, aliique ejusmodi Idololatæ explicare poſſent connexionem, ſymmetriam, & ſubordinationem, aut dependentiam variarum partium Mundi conſtantis ex tam diſcrepantibus, remotiſque à ſe invicem entibus non animabus tantùm animalibus præditis, ſed diſtinctis etiam & peculiaribus intellectibus, ac voluntatibus, & quibus pariter non paucis Divina inſeſet *Natura*. Neque nunc examinabo, quàm mirabile Monſtrum potiùs quàm Animal aut Deitas, ſecundùm Ethnicos illos Philoſophos eorumque Sæctatores Univerſum futurum ſit, qui unam Deitatem tantùm tenuerunt, quamvis Paradoxicam illam abſurdamque Opinioneſequerentur, quam ut alibi obſervatum eſt, ingenuè *Stobæus* proficetur, ſub ipſum initium Phyſico. Eclog. 2. dicitur &c. *Jupiter, quod ſem, totum Mundum eſt: Animal ex Animalibus; Numen ex Numinibus compoſitum.*

His inquam aut ſimilibus objectionibus contra Doctrinam Ethnicorum non eſt hoc loco immorandum, quia paulò me longiùs digreſſum animadverto quæ tamen digreſſio non omnino abs re, aut inutilis fuerit; ut igitur unde digreſſa eſt ed revertatur Oratio, hæcque Sæctio, quam facilè augere poteram, finiatur, ea me diſſiſſe hæctenus reor, quibus maniſeſtum ſit quantum periculo alias ab Homine & Angelis creaturas intelligentes crederemus & rationales: Cuicunque eorum aſcriberemus Architectonicam præſertim Providentem Redtriciſque Facultatem. Quamvis autem facilè crediderim nihil ſubeſſe periculi ne Chriſtiani rite edocti quorundam Ethnicorum inſtar adorent *Naturam* tanquam Deam; quæ tamen ſuperiùs adduxi ut oſtenderem quàm minimè tutum ſit amplecti opiniones iis cognatas, quæ Philoſophos etiam non paucos in errorem induxerunt, in cauſa omnino ſunt cur vereor ne nimium multi, nec pauci ex ipſis etiam doctis id quod homines *Naturam* dicunt, ea proſequantur veneratione, quæ ad meram creaturam non pertineat, ſi fortè, ut cum Scriptura loquar *, creaturam non adorent ſupra aut præter Creatorem, qui ſolus verus Deus eſt, qualis nequaquam eſt Mundus, aut Mundi anima. Licet autem concederem recepta *Natura* notione nec ſubverti nec quaſi concentri ullum Religionis articulum: Id tamen in ſcopum eorum *Naturaliſtarum* quibuſcum diſſero ſat non fuerit, cum ii credantur vicio aliis vertere, quòd non tantum *Natura*, quam venerantur, attribuant, quantum ipſimet attribuere ſolent: Suamque *Natura* Notioneſem non ut innocuam tantùm ac utilem ſed & Religioni quaſi neceſſariam proponant.

* Rom. 1. 25.

SECTIO V.

J Am eas, *Eleutheri*, rationes tibi exponam, quibus impulsus, eam, de qua haecenus, *Natura* notionem deserui. Has autem ad sequentes potissimum reducam.

I. Primò itaque ea, de qua loquimur, *Natura* gratis mihi asserta, sufficientique absque probatione videtur: Hæc autem una ratio, si rite exposita, sat opinor, mihi superque fuerit. In Philosophicis enim, ubi sola auctoritas nullius momenti est, nullaque nisi accedente ratione fides adhiberi solet, non immeritò illud rejicitur quod nullo *positivo* argumento probatur, licet peculiaris nulla nobis ratio adversus id suppetat. Quòd si vim obtinere debeat ac valere in rebus minoris momenti, hoc maxime in casu valebit in quo admittimus sumus agens adedò Catholicum, ut cætera omnia subordinata tantum ipsi Instrumenta sint; quod cum dicatur immediatè agere in varia hujusmundi *Phænomena* supponitur haud dubiè, variis eorum demonstrari posse. At in Physica adhuc nulla Argumenta incidi quæ vel ad demonstrationem, vel ad probabilitatem accedant, quibus ejus, quam examinamus *Natura* existentia probetur. Licet autem admitterem eum, quem Theologi quidam admitti Philosophicis in controversiis volunt, Scripturarum usum, mihi tamen, de illius *Naturæ* de qua disputamus existentia minimè constaret. Neque enim memini ullibi in Scriptura nobis indicari tale quidpiam sensu à me proposito existere, quamvis in *Genesi*, aliisque quibusdam in locis, ubi de corporeis Dei operibus disertè agitur, Spirituales licet ad fines non immeritò quis credidisset faciendam mentionem fuisse aliquam Magnæ illius *Vicariæ*, corporibus à Deo in Universo præpositæ, siquam re ipsa præposuisset ejuscemodi. Quidquid autem in causa fuerit, cur hoc super argumento Scriptura nihil dixerit; ob ipsummet ejusdem silentium non immeritò *ratione* liberius examino, quod ipsa me Revelatio credere non jubet. Quod autem ad Physica argumenta attinet quæ in defensionem præpositæ *Naturæ* notionis afferri possunt, brevi præcipuè eorum discutiā, ostendāque nequaquam ejuscemodi esse quæ persuadeant. Quod porro attinet ad argumentum à communi circa *Naturam* opinione ductum, cum populare non Physicum sit, apud vulgus non apud Philosophos valere poterit.

II. Secunda ratio inde ducitur, quòd ea, quæ supponitur, *Natura*, necessaria minimè videatur. Cum enim in id præcipuè veri Philosophi incubuerint ut rerum principia ad quam paucissima reducerent, modò ea sat multa forent, non video cur illud admittamus principium quo minimè indigemus. Si enim communem omnium corporum materiam in partes minutas innume-

ras à sapiente *Natura* Authore divisas supponamus, easque ita fuisse dispositas, ut Mundum ut nunc est constitutum extinguere, ac præsertim si supponamus Universales motus leges inter materiæ partes stabilitas fuisse, variisque particularum conventiones in seminalia variarum rerum principia divisas; quæ omnia effici poterant vi Motus Localis, non sibi relictis sed periculis sub initium rerum directi, si hæc inquam, ac ordinarium, ut merito possuimus, generalèmq; Dei concursum supponamus: Non sat capio cur eadem Phænomena, quæ nunc in Mundo observamus, produci nequeant, ac reipsa producantur absque auxilio ullius ejusmodi potentis intelligentisque entis à Deo distincti, cujusmodi *Naturam* esse volunt. Donec quoddam, quo contrarium probetur, exemplum affegatur, eadem in sententia perseverabo ratus omnino observata à nobis Phænomena à mera Mundi fabrica constitutioneque existere. Ut, si ponamus eum Soli & Lunæ circa terram impressum esse, quem experientia docet, Motum, determinata tum illorum Motuum celeritate, lineisque secundum quos perficiuntur, necessarium fiet, ut Luna sit interdum plena, interdum vix illuminata Terram versùs, cornuta interdum, variisque suas ac Menstruas pro more exhibeat Phases, Trinùmque tamen aliquando ad Solem, Quadratum aliquando aspectum habeat, &c. atque nunc Luna, nunc Sol statis patiantur temporibus Eclipses: Quamvis hæc olim à *Romanis*, aliisque Vèteribus, atque etiamnum ab indoctis, tanquam supernaturale quid existissent; ac quamvis *Aristoteles*, ejusque ex asseclis non pauci putarent, regulares ejusmodi Motus, ni ope *Intelligentiæ*, conservari non potuisse, quam idcirco cuilibet Orbium Cælestium assignarunt. Cur autem vix concipiamus quæ tanta Fabrica, quanta Mundana est integra ordinataque conservari possit, prohiberi que ne antiquum in Chaos rursus prolatabatur, inde existere videretur quòd homines non sat animadvertant, quàm inscrutabilis sit Architecti (*Διμυρῆς* enim Scriptura dicitur *) sapientia, Architecti inquam Mundi, cujus acutissimi oculi *Universum* simul ac semel contemplati, initia finisque temporum attingere potuerunt: Quare cum perfectissime prænoscet rerum omnium eventus, circumstantiasque omnes, in quibus materia divisa motaque secundum ejusmodi leges, atque in *Automato* hoc Mundano constituta, futura foret, contingere nihil poterit, quo rerum curriculum immutetur, constitutio earum varietur aliter quam ipse ab initio prævidisset, ac permittendum judicasset.

Neque omnino mihi constat receptam *Natura* notionem licet non necessariam, explicandis saltem Physicis *Phænomenis* utilem fore. Præterquam enim quod inferius ostendam, varias ejusdem explicationes ubi confugium ad eandem maxime utile videtur, nequaquam esse admittendas: Si non aliam à *Natura* hujus aut illius qualitatibus aut operationibus causam afferamus, non minus rei ipsius quàm prius ignari futuri sunt homines; vel certe his in casibus

facendum erit, Philosophum non meliorem posse rei causam afferre, particularem inquam atque immediatam causam, quam possit ovium Pastor, aut Artifex quivis, qui Naturalem Philosophiam nunquam didicit. Quamvis autem verum sit, ut aliàs insinavi variis in casibus, Philosophos ipsos aliter respondere non posse Quæstionibus sibi propositis, quam confugiendo ad rei *Naturam*; ejusmodi tamen responsiones non patefaciunt propriam obscuri Phenomeni causam, qui enim iis utitur eam adhuc nescit: Hæc proinde indefinita *Naturæ* Notio, cuicunque difficultati resolvendæ æquè applicabilis, ejusmodi non est quæ rem ipsam aperiat, sed quæ vel Quæstionem proponenti illudat, vel respondentis ignorantiam tegat.

III. Tertium Argumentum inde oritur, quod *Natura*, quam examino, obscurum mirumque adeo quid sit, ut non facile quid ei ipsa sit determinare possimus, cum vix ita proponatur ab iis qui magis eidem insistent, ut intelligi possit. Neque enim sat apertè patet, an corpoream esse substantiam, an incorpoream velint, aut quiddam inter utramque medium, cujusmodi non pauci Philosophi formas substantiales esse volunt, ut & *reales qualitates*, quas plurimi Scholastici miraculo saltem ab omni materia separabiles putant. Si merè Corporea sit, fateor non intelligere me qui sapiens adeo sit atque Omniscium ferè Agens, ut eam haberi volunt. Præterea si corpus sit, libenter discerem quod corporis genus sit, & quæ demum ratione cum inter corpora penetratio dimensionum nulla esse possit, corpus hoc intum omnia alia corpora *universi*, ut *Natura* ipsis non dissentibus penetrat, penetrare queat? Huic autem quæstioni alias non paucas superadderem. Quibus non adeo facile responderi posset. Si *Natura* ut à recentioribus quibusdam Scholasticis formæ substantiales & reales qualitates dicuntur, semi-substantia dicatur, ingenuè fateor admittere me Chymicum nullum ejusmodi atque incomprehensibile ens, seu potius ejusmodi entia quæ intelligi nequeant; quibus, precor, applica magnam dissertationis partem alio in tractatu factæ, cui ortu præbuerat Chymico-Physicum tentamen circa Salis-petram, contra suppositam & inexplicabilem formarum substantialium Peripateticarum originem. Reliquum itaque est, ut hæc, de qua loquimur, *Natura* si *possivum* quid sit, immaterialis substantia agnoscat. Si autem ad ejusmodi quid confugiant tanquam ad Physicum quoddam agens, quod non modò determinet, sed Author sit Motuum Corporum, ac præcipuè in familiaribus hiic Phenomenis, ascensu præ aquarum in Anelis, suspensione eundem in vasculis irrigatoriis pro hortis, fluxuque per Syphones, &c. atque ejus *causalitatem* ut loquuntur si explicandam suscipiant, operosi opus laboris hoc compierent: Sed plus non infumam temporis detegendis pluribus hujus Hypothesis incommodis, donec ab iis contra quos ago admittatur, qui, licet, eorum Doctrina ipsi faveat, obscurè potius dubièque de *Natura* loqui velle videntur, quam clara ejusdem definitione, eandem objectionibus quibus non facile respondeatur, exponere; qui sat quoque prævident quam difficile

eile ipsis futurum sit ob ipsam Notionis hujusce incertitudinem, vel scientiam rei præ se ferre, vel ignorantiam dissimulare. *Naturam* si *Aristoteles* immaterialem ejusmodi substantiam existimasset, necesse, meo quidem judicio, non fuisset ut particulares Cælestium Orbium motibus intelligentias præfecisset.

IV. Cum multi è doctissimis Naturistis Christiani sint, nec pauci ex ipsis Theologi, non abs re fuerit, quod aliter abs re fore purarem, addere hoc loco alia adhuc de causa vulgarem notionem aut ideam *Naturæ* mihi displicere, quod Religioni in genere, adeoque & Christianæ immuere ab ea periculum existinem.

Ficticia enim hæc notio Deum variis gratitudinis venerationisque debitis hominibus ob conspicuum hunc Mundum actibus privat, quos ad *imaginarium* hoc ens *Naturam* transfert, cui nullo nomine debentur; dum enim *Naturæ* supponitur res esse intelligens, quæ sapienter benignèque quicquid in corporibus sit, administrat, mirum non est si plerique Philosophi eorumque exemplo alii eam mirentur laudentque ob miram utilitatem quæ in Mundo observant plurima. Et re ipsa licet *Naturæ* sensum mox commemorato accepta nusquam quantum memini in sacris Scripturis reperiatur; nihil tamen frequentius occurrit, pluribûq; commendatur encomiis in libris Philosophorum, quàm *Naturæ*, ejusque effectus. Et si adverramus quicquid quidam pro *Aristotele* dixerint, plerisque tamen *Peripateticos*, à quibus vulgaris *Naturæ* notio præcipuè desumitur, Mundum contituisse æternum, omnèq; corporum in eo contentorum actiones ad *Naturam* reduxisse: Facile inde intelligemus, si omnino Deum non excludant, exiguas illi in prima Mundi formatione partes eos concedere, atq; adeo in ipsa etiam partium ex quibus constat, maxime sublunarium regimine. Quare vero Deo *Deum* nobis quandam sublimierunt, quam *Naturam* dicunt. Quam quia intuentur ceu immediatam aëtricem, atque excellentium operum directricem, ita eandem laudant, etque gloriam attribuunt, utrum tantus in re tanti momenti error ipsam funditus Religionem subvertere nequeat, non immerito suspicari quis poterit: Cum fortissima latissimeque patientia argumenta, quæ Philosophis aliisque hominibus, Deum divinamque Providentiam inculcarunt, conspicuus Mundus subministrat: in quo tam multa eo consilio benignitateque fieri animadvertimus, ut eadem nonnisi sapientiae ac bonitati Dei attribui queant: Qui hæc *Naturæ* tantum ascribunt istius argumenti vim omnino infringunt, ac fortè omnino tollunt agnoscendæ Deitatis necessitatem, dum absque ullo ad eum confugio Mundi regiminis, rerumque inter corporata transactarum rationem reddere se posse ostendunt. Quanquam cum rem ipsam propius inspicimus, mentemque aperitis procedere coguntur, pudet eos fateri Deum & *Naturam* rem esse eandem, actum illius tantum eam supplere vicem ferebuntur, recipi tamen mirantur laudantque frequenter *Naturam*, non Deum: Similiter, licet Sol fons sit luminis, Lu-

naque

naque suam omnem à Sole derivet lucem, Mare tamen ejusque æstus ad Lunam, non ad Solem spectare videntur. Ita plerique hominum quamvis *Naturam* inferiorem subordinatamque Deo agnoscant, videntur tamen eam propius, quam illum intueri.

Ut paucis quod res est dicam, toties ad *Naturam* confugium, tantisque effugerunt eam laudibus Physioløgi, ut nimia illa *Naturæ* veneratio quosdam Philosophos, scilicet *Epicureos*, ad Deum negandum induxerit: Hinc pariter commendum est, ne ex eodem fonte Dei etiam oblitio oriatur, ac suspiciacio: fortè quispiam adderet, nisi alia obstarent principia, ut, scio, obstant apud multos, præcipuòque Christianos *Naturalistas*, futurum ut ficticia *Natura* Idea nimium sepe succuteret ac fortè etiam ipsa Religionis fundamenta subverteret.

V. Quinrum ultimùmque Argumentum hinc petitur, quòd varia observem Phenomena, quæ *Natura* quam examino notioni non congruunt. Si enim re ipsa intelligens ejusmodi potens vigilansque ens existeret cujusmodi Philosophi *Naturam* esse volunt, multa non fierent, quæ experientia fieri docet.

Atque hic semel admonuero, quòd revocari in memoriam sequenti in tractatu, ubi occasio sese offerret, velim, quia inanimata corpora vulgò simpliciora sunt, minùsque composita, leviorisque ac minùs complicata: textura, quam sint Animalia aut Plantæ, visum mihi esse pleraque quæ adhibeo exempla, ex inanimatis potiùs corporibus ducere, quorum faciliotes intellectu qualitates sunt ac structura, paucioribùsque explicabiles, quam è *viventibus Creaturis*, quantum texturæ cum sint organicæ intricatiores multò sunt ac subtiliores.

Quod audacter feci, quòd *Natura* panegyristæ æqualem Mundo provinciam, aut Imperium potiùs ei tribuunt, cujus proinde sollicitudo & jurisdictio, cum ad inanimata, tum ad viventia se extendat corpora; ac proinde conspicua magis quæ proponunt exempla providentiæ ipsius ac potentie desumuntur à corporibus vitæ destitutis, ut cum ajunt ascensionem aquarum *Sustentari in aëre*, atque ejusdem in irrigatoriis hortulanorum vasculis sustentationem contingere *Natura* à vacuo horrore, gravia non impedita in terram secundum lineam normalem labi, quia *Natura* breviori ea vià ad centrum terræ dirigat, bullulæque oritæ ex aqua, flammæque ascendere in aërem quia sic ea corpora *Natura* dirigit ut propriis quæque Elementis rursus sese uniant; ut alia omittam exempla hujusmodi quæ postea commemoraturus sum: Hæc interim sufficiant, ut ostendam non immeritò pleraque me exempla à corporibus inanimatis desumere; quamvis his tantum non immoraturus sim, cum objectiones viventibus à creaturis peritæ diluendæ erunt.

Prævia admonitio viam, spero, ad quintum argumentum postremò propositum paraverit: Quo assero, si quid existeret tale qualis vulgò *Natura* exhibetur.

exhibetur, multa aliter in Universo administranda, quam reipsa, Teste experientia, administrantur; ut particularia enumerem omnia, quibus hoc efficiatur, producenda foret hæc dissertatio longè ultra limites à me eidem quod festinare præscriptos; ut autem paucitatem exemplorum suppleam peculiari quodam exemplorum genere, ea proponam quorum pleraque iis ipsis à rebus desumuntur, quibus sapientia ac vigilantia *Natura* non modica fiducia asseri solent: Quod idcirco facio quodd ejusmodi exemplis viam parem ad dandas compendio responsiones iis, quæ inferius examinaturus sum argumentis.

Cùm itaque curam sollicitudinemque *Natura* ac vigilantiam pro communi Universi bono demonstrare soleant, summa ejus vigilantia in præpediendo, aut replendo quod Mundana fabricæ noxium foret Vacuo, contrarium omnino à Phenomenis circa Vacuum occurrentibus concludo: Cùm enim affirmetur *Naturam* majoribus in Anliis, aliisque calibus non absimilibus, graviusque pondus elevare, nihil prohibente ejusdem in centrum conari, ut Vacuo aut obviam eatur, aut idem impleatur, hortulanique è vasculo, anolyphone inverso alterum ad extremum obstructo, neque aquam, neque mercurium quatuordecies ferè graviorem, deorsum lapsurum, ne vacuum post se relinquat, quæro qui fiat, ut si vitrea fistula unico tantum pede superet triginta quatuor, aut triginta quinque pedes, aut si tubus inversus Mercurio impletus, digiti tantum latitudine triginta pollices excedat, quæro inquam qui fiat ut aqua in ista, & Mercurius in hoc subsidat, licet hinc pes, inde pollex tantum spatii deserti ad apicem vitri relinquatur, quod vacuum vocant: An *Natura*, quæ in anliis tot centena aquæ dolia elevare dicitur, atque si Scholasticis credimus, quamlibet ad altitudinem, ne vacuum contingat, nunc ejus non est potentia earumque virium ut tantum aquæ sustineat quantum pes unus vitreo in tubo mensuraret, aut tantum Mercurii quantum pollex unus tenui in fistula metiretur, quo spatium repleretur, ut aut impediretur, aut plenum redderetur, vacuum à quo tantopere abhorrere dicitur. Sanè, si ita se res habeat, aut modicam certè habet *Natura* vim, aut petexiguam propriæ potentia notitiam: Ita pariter cùm vitrea bullula tenuis sufflata est ad lampadis flammam, hermeticæque, dum vehementius incalcescit, sigillata, hæc redditur causa cur ita facile frangatur cùm frigida sit, quodd scilicet cùm Aër interior prius calore rarefactus jam frigore condensetur, ne spatium ab Aëre contrahente hunc in modum sese desertum, vacuum relinquatur, *Natura* vi vitrum in frustra diffringat. Sed bonâ horum eruditorum veniâ dixerò, si vitrum paulò vehementius solito suffletur licet ad flammam lampadis, bullulam ut sæpius expertus sum, integram perseveraturam nihil prohibente fictitio illo *Natura* à vacuo horrere: Ad quod nulla hoc in casu confugii necessitas; ideo enim tenuis vitrea bullula fracta non est cùm calida foret, fracta autem est cùm frigida, quia in priore statu, agitur calore inclusus Aër adeo Aëris elatorem roboravit, ut vitrum illius ope, Aëris atmosphærici incumbens ponderi resistere possit:

possit: Desinente autem calore debilis Aëris interni elater siebat, unde cum non concurreret ut prius cum vitro ad externi Aëris pressuræ resistendum, vitrum ipsum utpote nimis tenuè incumbentis Aëris pondus ferre nequii. Columna enim atmosphærica bullulæ innitens ducentas & plures pendit libras, ut planè patet experimento à me nuper facto, quod alio in tractatu reperiēs.

Cur autem si ad debitam bullulæ spissitudinem sufflata sit, integra perseverat ubi effixerit, id in causa est, quòd spissitudo ejusdem, quamvis non multùm debilitatus Aëris interni elater adjuvet, sustinendo incumbentis Aëris ponderi par sit: Licet sæpius observarim pressuram Aëris atmosphærici bullulæ renitentis ita casu æqualem fuisse, ut longè minor quàm quis existimaret vis exterior, ut pondo unicum aut etiam minus leniter vitro impositum, tantum Aëri exteriori robur conciliaret, ut vitrum cum strepitu in fistulâ dissiliret. Hic autem loci perpendamus paululum, quàm parum hoc experimentum, ceteraque superius commemorata Phænomena, quæ vitreis in fistulis contingunt, in quibus aqua ac Mercurius subsidunt vulgi de *Natura* opinionini apprehensionique conveniant. Si enim quando impediret ne aqua, aut Mercurius deorsum caderet, nullum ejusmodi produceretur vacuum, quale abhorrere ipsa dicitur, cur ne Mercurius cadat, adeò sollicitè obstat: aut cur triginta, aut triginta ac quatuor pedes aquarum normali in altitudine contra legem gravium sustinet in tubo? aut cur tanto impetu sigillaram tenuiter bullulam in frustra dispescit, qualis erat superior, ut scilicet vacuum impediret, si ea etiam non disrupta vacuum nullum fieret. Porro ni admiserimus ipsius ad impediendum vacuum conatus non fuisse superfluos, adeoque & rationi contrarios, fateri omnino oportebit, ubi conatus hi non succedunt, tale omnino vacuum produci, quale abhorrere ipsa fingitur: Quare ut dicebam, aut imprudens admodum est, utpote quæ vexet sese, transiliatque ordinarias leges suas ut obviam eat periculo minimè metuendo, aut debilis admodum est, cum nec eam implere vacuitatem queat, quàm dimidia aquæ libra aut uncia Mercurii repleret, nec tenuem bullulam vitream discumpere, quàm fortè pondo unicum absque ope corporis adeò levis, quàm levis est incumbens Aër diffingeret.

Alterum sapientis *Natura*, ejusque in Universi bonum vigilantis exemplum peritur ab innato corporum gravium ad centrum Terræ descensu, leviumque ad ascensum versùs Cælum, aut ut quidam volunt versùs Elementum ignis orbi Lunari contiguum. At quod ad positivam levitatem atineat donec clariùs probeatur, quàm hæcenus probata est, ejusmodi nihil corporibus sublunaribus innatum aut implantatum admitto cum præpollens quorundam gravitas relativam aliis gravitatem præbere possit: Quemadmodum particula ligni quercini, aut alterius cujuscunque demissa in aëre sua gravitate ruit, aut potius virtute ejus quæ gravitatem efficit causæ; si autem intra aquam demittatur cujuscunque, molis sit, vi magna ascendet ad superficiem.

perfectiorem aquarum Aëri contiguam, quod nequaquam positiva; nil fallor, levitati ascribetur. Sed ut hoc prætereamus, ut & quàm sapienter *Natura* gravibus ad Centrum Terræ appetitum ingenuerit quod cum punctum tantum sit eorum nullam continere valeat.

Ut hæc inquam omittam, quidpiam tantum maxime familiare gravia inter corpora considerandum tibi proponam: Si enim exempli gratia globulum aut pilam in Terram cadere sinas, magnam fac ad altitudinem ipsi lapsus altitudini proportionatam resiliat, aut minorem priusquam quiescat: Si jam quis quærat cur Globus de manibus demissus ad hanc, illamve partem non cadat, aut cur non sursum moveatur, sed rectè versùs centrum Terræ linea illa brevissima, quam Mechanici lineam directionis vocant, quæ Terræ diameter est ad centrum gravitatis pilæ producta, facile quis responderit, id à gravitate pilæ procedere, hoc est ab innato appetitu quo ad centrum Terræ tendit, via brevissima; sed tum quæro, unde hic resultat, id est, motus sursum? Omnino enim patet id oriri à motu deorsum, crescit enim ac augetur prout motus pilæ deorsum, ipsa maiore altitudine lapsus crescebat: Unde *Natura* quidpiam hic fac mirandum præstare videtur, pilam enim contra gravium corporum *Naturam* ac leges repetitis vicibus sursum pellit, vi ipsiusmet gravitatis, cujus officium est eandem via rectissima deorsum ferre. Ac saltem quantumvis sapiens fingatur, minus sapienter agere videtur, dum pilam deorsum ea violentia movet, qua sæpius à loco, ad quem collimabat, resiliere cogatur: Quasi pila qua puer colludere poterit, ac pro arbitrio dirigere, à *Natura* regi non possit, nisi maiore agatur violentia quàm ipsius scopus requirat.

Quod de pila dicebam, mutatis mutandis, pendulo applicari poterit. Licet enim una omnes voce fateantur qui de eo scripserunt, ad lineam normalem, id vi gravitatis cadere, patet tamen vi ejusdem gravitatis ultra illud perpendicularum ferri, adeoque & ascendere, ac frequentiores diadromos, seu vibrationes conficere, ac ascendere sæpe priusquam in perpendiculari quiescat; quem maxime situm gravitas ejusdem affectat, & in quo primum melius constitutum pendulum fuisset.

Non commemorabo hic magnas illas Anomalias, quæ majoribus etiam Universi corporibus accidunt, Terræ motus pacè, ad centena aliquot miliaria propagatos, diluvia, perniciosas ignium eruptiones, propagatam latius famem, sævientem pestem, Cælestes Cometas, maculas in Sole, quibus ad multos menses obscuratus dicitur, Stellas subito apparentes ac rursus evanescentes & contra, quarum altitudo Stellarum fixarum altitudini æqualis judicabatur. Non inquiram inquam quantum hæc Anomaliæ congruant suppositæ *Natura* sapientiæ ac vigilantia; properandum enim mihi est ad promissa exempla ab iis, quæ animalibus accidunt desumpta.

Objeceris fortè hic, Eleutheri, contra Exempla hic proposita, quæ contra *Naturam* ejusque operandi modum dixi, hisdem à Mundi regimine providentiam ipsam excludi.

At Respondeo, hanc objectionem ad negotiū præsens non spectare; agimus de ea notione quam homines *Natura* tribuunt, non de divina Providentia: Quam, si hæc mihi provincia suscipienda foret, propriis argumentis stabilirem; Cujusmodi sunt infinitæ divinæ *Naturæ* perfectiones, [quibus & res omnes regere tenetur, & regere potest,] Mundi creatio, ac conservatio, exquisita corporum animalium fabrica, [summæ sapientiæ partus,] supernaturales revelationes suiipsius, suæque peculiatissimæ circa Creaturas providentiæ, revelationes inquam suiipsius, per Prophetias, Apparitiones, vera Miracula aliisque multa quæ transcendunt potentiam, aut Physicas saltem leges materiæ, & motus evertunt: His inquam, aliisque idoneis *mediis* divinam Providentiam demonstrarem: Sed cum hanc mihi provinciam imponere jam non debeam, resque hæc majore cum apparatu, nec adeo festinanter peragenda sit, admonebo tantum impræsentiarum, diverso admodum semodo habere Providentiam ac Naturam: Quare objectiones contra hanc propositæ, contra illam minimè valebunt: Atque ut pauca quædam disparitatis exempla tibi proponam; primò, vero simile omnino videtur quoddam divinæ Providentiæ propositum sit ut *Anomalias*, defectusque præmemoratos impediatur; cum *Natura* officium seipsumque eo spectare dicantur, ut Universi ordo conservetur, atque in quovis ejus corpore omnia quàm regulari maximè modo, methodoque fiant. *Natura* deinde Deo conceditur inferior, agensque proinde esse subordinatum tantum: Quare nequit nulla potentia suæ, vigilantiaque aspersa labe, multa permittere, quæ imminuta Dei gloria permitti possunt à Deo, qui non tantum à seipso existit, sed supremus solutusque Dominus est, & ut ita loquar, totius creatationis *proprietary*; qui cum condito Mundo leges moris stabiliri, has materiæ præscripsit non sibi, porro cum nemini quidquam ut superiori, aut benefactori deberet, non tenebatur res corporeas modo ipsis maximè convenienter administrare: Quas inter quæ gratitudinis capaces sunt, laudare eum debent, gratiasque ei persolvere, quod tantum ipsis impertitus fuerit, quantum re ipsa possident, nec meritò, quod plus non acceperint, conqueri possunt: Cum itaque nihil cuiquam operum suorum debeat, de iisdem summo jure decernere poterit; aliis enim gaudet attributis quæ meritò exerceat, & quibus gloriam suam illustrari velit, aliis inquam à sua inferiores erga creaturas bonitare. Ac sapientia fortè ipsius magis inclauverit, cum hominibus, tum ipsis fortè etiam *Angelis*, magis inquam inclauverit, magna operum suorum ac operationum varietate, quàm si perfectissimi omnia generis faceret. Ut umbræ in imaginibus, atque in musica discordia, ex arte intermixtæ, tum pictorem, tum musicam plurimum commendant. Præterea dum quædam legum primò stabilitarum violatio permittitur illato ab ejusmodi anomalis damno ostenditur, quàm bonum se Deus præstiterit dum consultum rerum ordinem stabiliret ac præservaret. Tertio ut maximè absolutum Deus liberumque agens, ita omniscium quoque est: Quare ut supremo suo in omnia opera manuum suarum dominio de iis pro arbitrio ad gloriam suam

suam statuere poterit, ita quod infinite sapiens sit, fines sibi fortè proposuerit scoposque, in iis, quæ Mundo accidunt, anomalis, quos homines penetrare ac discere nequeant; nec minùs fortè suam sapientiam imò ac providentiam exercuerit circa hominem nobilissimum Providentiæ divinx objectum, dum interdum, ut quando miracula patrat, à legibus ut ajunt *Natura* recedit, non minùs inquam providentiam suam fortè exercuerit, quàm tum, cum easdem primum stabiliret. Cum *Natura* ex officio suo tantùm collimet ut generalia, ac particularia Universi corpora quàm optimo possit modo convenientèque, quantum fieri potest, eorum Naturis conservet: Scimus quòd collineet, faciùsque proinde dum aberrat à scopo officioque animadvertimus. Quare considerandum nobis venit, ut independens Deus, liberum, sapiensque agens est, ita justum quoque agens esse; quapropter non immeritò dici poterit varias eum in Mundo anomalias efficere, ut de irregularibus hominum moribus vindictam sumat; quia autem *Natura* nutricia tantùm creaturatum mater est, improbòsque etiam homines non in Morali sed in Phylisco tantùm statu contemplatur, disertis Deus verbis sacris in Codicibus declarat, se Terram Adamo lapsò, maledictione sua damnassee, nullùmque esse in civitate malum pœna quod non feceris Dominus. Non seducitur ut homines de errante *Natura* dicere solent, violentis materiæ motionibus, sed regulares interdum Naturæ motus evertit, ut justitia fiat; quare Pestes, Terræmotus, Inundationes, similésque quæ vastitatem Regnis inferunt calamitates, licet interdum in Natura anomalix sint, ob hanc ipsammet tamen rationem à Deo permittuntur ut improbi, & vitæ, & ejus vitæ bonis quibus indignos sese reddiderunt, priventur: Dum autem hæc commemoro, meminisse me oportebit id mihi propositum fuisse, ut earum rationum aliquor tibi ob oculos ponerem quibus manifestam fiat ea, quæ docerent Naturam communi conformiter hominum ideæ agere, divinx attributa Providentiæ nihil eidem non congruum continere.

Si dissertatio superior cuiquam ansam dederit inquirendi an *Mundus creaturaque eam constantes eam perfecta sine quàm esse possint*. Quæstio hæc ob ambiguitatem terminorum intricatior mihi videtur quàm ut simplici responso resolvì possit: quia tamen problema hoc discuti non solet, estque magni ad Naturalem Theologiam momenti, proponam paucis quæ mihi ea de re cogitanti occurrerunt: Ubi priùs confessus fuero agrè me admodum hoc super argumento quidquam pronunciare, quòd limites divinx potentiæ sapientiæque, si quos habent, mihi ignoti sint.

His præmissis, sensus quæstionis esse potest, utrùm Deus Mundum materiale, corporeasque ex quibus constar, creaturas meliores, perfectioresque facere potuisset, & utrùm peculiaria genera, ordinésque creaturarum in Mundo, majore quàm reipsa habent, perfectione donari potuissent.

Ut quæstioni sensu primùm proposito faciam satis, minimè tutum existi-

mo negare Deum & omnipotentem, & omniscium, possessorémque perfectionum, quæ quoad seimus, pluribus modis gradibusque quàm nos comprehendere possumus participari queunt, easdem non potuissè exerere vel potius adumbrare, creato excellentiori, quàm hic sit, Mundo: & si intueamur immensam ejusdem potestatem inexhaustamque sapientiam non hinc inferemus quia hic Mundus est miri artificii opus, non potuissè eum à divino Architecto meliorem fieri, aut quia præstantius opus conficere potest, hoc propterea systema non esse opus admirandæ artis: Quæstio autem priore sensu accepta tam paucis dilui nequit. Si enim varias visibilibus creaturarum species generalius intuemur nulla habita aut magni systematis Universi ejus partes sunt, aut magis particularium Creatoris consiliorum ratione, manifestum puto, varia creaturarum genera potuissè esse perfectiora quàm reipsa jam sunt, cum multis careant perfectionibus, quibus aliæ creaturæ donatæ sunt; ut Oikra, quæ nec audit, nec videt, nec ambulat, nec natat, nec volat, non tam perfecta creatura est, quàm Elephas, qui & suis sensibus, quibus Oikra caret donatus est, & longè vivacioribus, ut potentia locomotiva, &c. Hanc autem perfectionum in creaturis diversi generis inæqualitatem exempla nimis obvia sunt quàm ut enumerari debeant; ac si quæstio apertius proponatur, inquiraturque non utrùm Deus perfectiores creaturas condere potuerit, quàm sint earum multæ quas creavit, manifestum enim est, perfectiores eum facere potuissè cum reipsa fecerit, sed utrùm creaturæ non ea arte peritiâque factæ sint, ut viæ perfectiores fieri possent comparatè ad sapientissimum ipsi in iisdem condendis propositum finem; negativam quis partem difficile sustinere poterit.

Hoc hypothesi quadam illustrabo: Siquis officinam Horologii rotarilis fabricatoris optimè instructam ingrederetur, simplexque illic Horologium ad indicandas diei horas tantùm designatum videret, aliud quod horas sonitu patefaceret, aliud ad excubias quibusdam horis factum, quantumque præterea quod indicaret, & mensem, & septimanæ diem, ac demum, quantum quod insuper motus Lunæ, ac Planetarum, Aëtis maritimos, aliæque ostenderet, quæ quædam affabre facta Horologia ostendunt. Hoc in casu, aio, spectator judicio pollens, horum horologiorum aliud alio quidem perfectius existimaret, unaquodque tamen suo in genere perfectum concluderet, simplexque horologium artificis idææ scopoque non minùs esse conforme, quàm perfectiora mox commemorata horologia: Idem ulteriùs illustrari poterit si exemplar præstantissimi cuspiani Scribæ intueamur; licet enim quædam illic folia aliis characteribus, aliæque aliis conscripta offendamus, quamvis exemplaria inter se comparata perfectione, & pulchritudine inter se fortè discrepent, si tamen æqualem eorum conformitatem comparatè ad ideam, scopumque Authoris consideremus, qui hæc folia non tam pulchrè pingere, quàm potuissè, voluit, sed quàm maximè conformiter veris eorum characterum

quos exhibere volebat ideis, scopoque ipsi proposito ut ostenderet variam multiplicemque artem suam, variis perfectisque in suo genere exemplaribus, facile credemus hos ab eo characteres fieri non potuisse perfectiores, si enim *Euros* characteres *Italicis* pulchritudine & amplitudine æquasset, eos non meliores in suo genere, sed peiores fecisset, atque ita peritiæ ostentatione iudicii errorem prodidisset.

Ut tamen summi hanc rem momenti ulterius illustrem ac pauca quædam præcipue, paucis tantum superius indicata, priusquam peculiaria, quibus *Natura* notionem impugno, argumenta proponam, præmittendum quidpiam majoris cautionis gratia existimavi, ut suum Providentiæ, licet satis nequeat, jus conservetur, illibatum, atque ut nullus adversus illam iis abutatur, quæ vi argumenti compulsus dicam, aut dixi, circa fictitium id quod vulgò homines *Naturam* dicunt, aut in hac, aut in sexta Sectione aliâve quacunque præsentis *Inquisitionis* parte.

Divinus itaque, quantum conjicio, rerum Author, in condendo Mundo, peculiaribusque eum componentibus creaturis, varios sibi fines proposuit, quorum quidam innotescere nobis poterant, alii verò minime quia in abyssu divinæ sapientiæ, ac divinorum consiliorum quasi delitescabant: Eorum autem finium, qui vel nobis manifesti sunt, præcipui hi sunt manifestatio divinæ gloriæ, utilitas hominis, conservatio systematis Mundani, qua particularium creaturarum conservationem, ac propagationem quarundam ex iis comprehendō.

Sed generalis hic Dei scopus in commune hominis aliarumque creaturarum bonum absque triplici limitatione non est intelligendus.

Primo enim licet homines, aliæque animalia facultatibus, ac potentiis, aliisque ad sui conservationem necessariis instructa sint: Hæc tamen necessaria, Deo ita statuyente, conceduntur tantum *regulariter*, aut secundum quod plerumque accidit entibus ejusce speciei, aut generis; non autem conceduntur habita eorum ratione quæ irregulariter, aut contingenter, atque comparatè ad alia infrequenter evenire queunt: Ita generatim loquendo majus humani generis bonum foret, si mulieres quæ jam partus ediderunt, ubera lacteurgentia haberent, quo recens pueri nutreretur, licet interdum si infans in partu moriatur, aut statim à partu, aliisque quibusdam in casibus, nimia lactis copia molesta admodum, ac periculosa interdum illidem sit. Ita capillitium utile plerumque est sive vir illud, sive mulier à *Natura* receperit, licet quibusdam in casibus, puta Phthisi, aut aliisque aliis circumstantiis gestanti noxium sit interdum: Quare præcidendum illud fortunatè admodum interdum Medici curant. Ita pariter instinctus is quo Gallinæ excludunt ova, curamque pullorum habent, est in genere perquam utilis, atque etiam fortè necessarius ad conservandas ejus speciei Aves; fallitur tamen interdum, aut fallit potius, dum eo impellente inbitutura à verulis domesticis anatis ova fovent sollicitè, ac assidue, unde fit ut anates excludant, non pullos, earumque non horum curam habeat. Ita quoque.

quoque homini plerumque utile est quod stomachus ipsius ea rejiciat quæ fœtidi odoris sunt, aut saporis; quibuldam tamen in casibus ut morbis nonnullis, valetudini maximè noxiū est, utpote, non leve ejusdem recuperandæ impedimentum si quis provocantia licèt vomitum, nauſeāque facientia, atque ingrata remedia rejecerit: Ita, ut paucis absolvam, passiōes mentis quales sunt timor, gaudium, dolor homini ob utilitatem conceduntur, quæ si rectè iis utatur utiles maximè sunt, imò omnino forè necessariæ, quamvis dum inordinatiores sunt; aut iis homines, ut frequenter nimium fit, abutuntur, magnorum sæpe malorum causa sunt, quæ non is tantum qui passiōibus se suis abduci sinit, sed & alii pariter patiantur.

Secunda limitatio naturaliter cum priore connexa ita se habet: omniscius rerum Author qui simul ac semel infinito suo intellectu integrum operum suorum, omniumque ejus partium systema comprehendit, non tantum peculiare harum aut illarum creaturarum bonum præcipuè intendit, sed præcipua ipsi cura fuit, Universale systema, seu primum operum suorum schema, ac Catholicæ præsertim motus, aliarumque legum regulæ, quas primum portiones inter Mundanæ materiæ stabiliit. Cum igitur is circumstantiarum concursus contingit, ut particularia corpora plura, aut pauciora pari oporteat, vel certè mutari consuetum rerum cursum, aut generalem quandam motus regulam hoc in casu suspendi: Peculiare inquam ipsius homines, ac multo magis inferiorum animalium, aliarumque particularium creaturarum bonum cedere debet generali rerum majoris momenti bono, quatum præcipuam Providentia rationem, curamque habet.

Hunc ferè in modum, ut alibi observavi, lineas motus à Sole & à Luna observati Deus stabiliit, licèt præviderit futuras inde identidem necessariò Luminarium Eclipses, quas permittere voluit potiùs quàm mutare censum rerum, quem varias ob causas convenientiorem judicabat. Ita inflata vesica in Terram cadens resilit, atque ita contra gravium Naturam movetur à centro Terræ, ne Catholicæ motus Leges, quibus vis plastica, corporumque reflectio similibus in circumstantiis stabiliuntur, violarentur.

Ita expedire non judicavit ut oves ungibus longioribus, dentibus, celeritate, agilitate, magnanimitate, astutiæque quibus se contra Vulpes Luposque defenderent, donarentur. Cicures autem, timidaeque Volucres ejusmodi Gallinæ sunt, tam imparatæ sunt ab armis quibus se tueantur, ut in nutrimentum milvorum, aliarumque rapacium Volucrum destinatæ videantur. Ita Ostræ, cum nec oculos habeant, nec aures, non adèd munitæ sunt quàm Brutorum animalium, aviūque pleræque aut plerique Piscium. Atque etiam Bombices, ut alios Convolvulos præteream, his sicut em in regionibus vix ultra semiannum vitam producunt, quod non tam instructæ sint necessitatibus ad vitam diuturnam, quàm pleræque Aves, Animalia, ac Pisces.

Præcedentes limitationes præmittendas censui tum quia usui mihi futuræ sunt deinceps, tum quia continent quidpiam quod addi poterit iis quæ nuper
de

de divina Providentia, prout à *Naturalista* consideratur, dicebantur: Hisce enim limitationibus facile judicamus non esse statim negandam, aut censurâ afficiendam Providentiam Divinam, quoties videmus minùs instructas creaturas quasdam armis quibus se defendant, aut quibusdam casibus minùs, quàm potuisset, prospèctum, aut apparentes quasdam anomalias, quas ut multorum malorum fontes intuemur: Cùm enim hominis bonum, aut hujus aut illius creaturæ, nec sit solus, nec verosimiliter præcipuus, quem sibi Deus in Mundi creatione, proposuit, finis: Nec admirationem, nec reprehensionem meretur quodd saluti bonoque particularium quorundam entium non ulteriùs consuluerit quàm illud congruat aliorum entium commodis, altioribùsque quos ipse sibi præscripserit finibus, ac conservationi generalium legum, ac consuetudinum ab ipso res inter corporeas constitutarum. Ita ut diversæ apparentes anomalix atque incongruitates, unde quidam rerum administrationem in dubium vocant, Providentiæque activitatem negant, non tantùm Providentiæ optimè quadrent, sed perficiendis ejusdem consiliis inserviant.

Edò distinctiùs meam hîc hac super re mentem exposui quodd geminarum, quibus ad arduum hoc opus impulsus sum, rationum, ut altera erat congenitus mihi amor veritatis, Philosophicæque libertatis; ita altera foret quidem in Religionem zelus. Cùm enim vero absimile non existimarem futurum ut curioso hoc aded sæculo alius quispiam de *Natura* non dissimilia cogitaret qui interim utpote minùs fortè divinam erga Providentiam bene affectus, hisce notionibus abuteretur, aut alienum in sensum detorqueret, satius fore putavi si proponerentur ab eo quic easdem iis conditionibus præmuniret quæ Religionem ab omni illibatam injuria facerent.

Hisce, ut præjudiciis obviam eatur, præmissis, ad particularia jam quædam tutò mihi progredi licebit; horum porrò pauca tantùm commemorabo, quibus alia addere poteris quæ in aliis hujusce tractatuli partibus occurrunt.

Primò itaque observatum velim non paucos vel pilo fuisse suffocatos, quem nec tussiendo expellere, nec deglutire poterant; casus hic sanè funestus probabiliter ascribitur irritationi pili in gutture præter morem morantis. Quæ convulsivos, ut expellatur pilus, in organis respirandi motus cièt, quibus fit ut circulatio sanguinis continua ad vitam hominis necessaria impediatur: Cujus circulationis interruptionem mors repentina consequitur: Sed vulgari hoc hypothesi minimè congruit, quæ sollicitum quoddam entis genus, ejusmodi Naturam esse volunt, conservandæ animalium vitæ, auxiliòque iisdem magnis in periculis, angustisque ferendo prout res exegerit præficit. Cùm enim pilus tenue aded corpus sit ut liberum potui cibòque in stomachum aditum prohibere nequeat, nec Aëris expirationem, aut inspirationem impedire, ut colligi licet è variis excrecentiis gutturis minimè mortiferis, ac ulceribus, nunquid sapientiùs Natura sese gereret, si pilum relinqueret, donec corporis succi eum resolu-

G

verint,

verint, aut consumpserint, aut faustus quidam eum sustulerit casus, nunquid inquam sapientius ageret quàm reipsa agit, dum furibundum quasi in modum eum aggreditur, cæcòque adeò impetu, ut non pilum è gutture, sed vitam è corpore abigar.

Qui futurum sit ut curæ sapientiæque Naturæ tam inordinatus operandi modus congruat, Naturæ cultoribus examinandum relinquo: diviniæ autem Providentiæ casus hic facillè congruerit si superiora præmonita respiciamus: Quia enim ob usum, necessitatèque deglutiitionis, variisque in casibus ruffiendi, ac vomendi, in genere maximè expediebat, ut inservientes his moribus partes subito rerum insolitarum sensu afficerentur; licèt cæteroquin nec periculosa forent, nec damnum allaturæ. Quia ut superius observavimus conveniebat ut Dei providentia dum animalium bono prospiceret, ejus potiùs quod plerumque, quàm quod raro contingit rationem haberet. Licèt plerisque mulierum fætor fumantis ellychnii molestus sit, ut & viris pariter plerisque, sæpe tamen observatum est mulieres prægnantes abortum passas esse extinctæ candele odore, qui quidem priùs ingratus fuisset, sed tanto tamen periculo easdem mulieres non exposuisset: Quare *Natura* nequaquam tam prudens sollicitaque est, quàm homines sibi fingunt, quandoquidem odore qui absque virulla, suaviterque receptus, nullum prægnanti damnum mulieri intulisset, adeò disturbatur, ut cùm prægnantis bono, cujus conditio non mediocrem curam requirit, invigilare deberes, summa violentia periculum procreet, quod & matri & infanti sæpe funestum sit.

Quàm incongruo sæpe noxiòque modo *Natura* homines sive hoc sive illo morbo ægotantes tractet, inferiùs exponetur commodiùs: Monebo proinde tantùm impræsentiarum *Naturam* vel languescere admodum in productione monstrorum, quæ non minùs numerosa sunt quàm deformia, vel cæcutire: Ac de quibus integra conscripta sunt, ac majora adhuc conscribi potuerunt, volumina: Qui tam conspicuæ aberrationes, seu errores congruant uniformitati exquisitæque *Nature* in spermaticis productionibus petitiæ viderint: *Naturalista*. Stio quidem culpam à quibuidam in materiæ rigiditatem seu pertinaciam rejici, quæ plasticæ Naturæ virtuti parere nolit; Sed non facillè rationem ejusmodi ab hujus hypothesis ac principiorum defensoribus admisero; mirari enim sat nequeo, quòd, ii qui *Naturam* Semi-deitatem esse velint, admittant eam mollem illam ex qua primùm embryo formatur materiæ portionem, non posse figurare, ac debita figura donare cùm iidem velint eam *sustineri in aniliis* elevare: posse ac sustinere si opus sit integra aquarum dolia ad vacuum præpediendum, inque cuniculis evehere in aëra, domos, muros, castella, rupesque etiam fortè ipsas quibus innadicantur, ut incenso pulveri nitrato eam, quam novus status exigit, expansionem tribuant.

Alia argumenta quæ leviter immurata facillèque applicata addi possunt argumentis hæcenus contra vulgatam *Naturæ* notionem propositis:

in variis hujusce tractatus partibus occurrunt, ac maximè in Sectione septima; quare hanc dissertationis meæ partem eorum propositione hic non protraham.

SECTION VI.

Cum in priore Sectione quædam proposuerim quibus factum est ut recepta *Natura* notio minùs mihi probaretur, jam merito quis eorum à me examen expectarit, quæ in ejusdem defensionem à periculis illius asseclis in medium adduci poterunt. Neque enim inficias jero objectiones, meam contra opinionem proponendas magni esse momenti, vel eo maximè nomine quodd ægrè admodum videri velim plerisque doctorem æquè atque indoctorum hanc ignorantia notam, aut erroris potius inurere quasi tanti momenti *Notionem* tam levibus fundamentis superastruxerint.

His porro maximè de causis contigisse putem cur Philosophi receptæ vulgò *Naturæ* notioni adhaerint.

Primum itaque maximèque obviū argumentum ex eo duci poterit, quodd generatim credatur, aut, ut homines supponunt observatur variis corporibus, purâ, Aquæ, Terræ, aliisque Elementis propriam assignatam esse & *Naturalem* in Universo locum; è quo si hoc Elementum prædominatur quodd amoveatur, vehementi perpetuòque appetitu ad eundem reverti nititur; quia, cum illic est, gravitare, aut, ut Scholastici quidam loquuntur, levitare desinit; jamque in loco est quem *Natura* ipsius ad conservationem destinavit, locus enim conservat locatum.

Cui argumento ut respondeam, facile admitto cum tantus sit numerus vastorum in Mundo corporum, necesse fuisse ut sortirentur loca moli suæ adæquata; neque enim ea sapientissimus Universi Architectus simul indiscriminatim permiscenda putavit, sed magnam eorum portionem sub rerum incia, disponi voluit ac residere in distinctis ac convenientibus locis. Quamvis autem hoc admittam nihil video causæ cur concedere debeam quodd in argumento superius proposito assensum est. Sensu enim omni, percipiendique facultate quæ entium intelligentium prerogativa est, inanimata corpora cum careant, perinde ipsis fuerit quocumque in loco sint, cum unum locum alteri præferre nequeant, quodd cognitione destituta sint: eandem ob causam Elementi porro vi aut casu à proprio loco separata, nullum ad eundem realem appetitum habere potest. Quis enim ei dixit indebito ipsum esse loco, meliùsque eidem futurum si ad aliū transferatur, quis insuper ipsi indicat ubi locus ille existat, an ad dextram an ad sinistram, an sursum, an deorsum? Equidem non ignoro observatam esse à quibusdam Philosophis hujus argumenti,

quo tamen nullum melius proponi solet inefficaciam, huius inquam argumenti à propositis mox terrestrium corporum exemplis ducti, quæ è domus fastigio demissa, aut in aërem proiecta, rectà versus terræ centrum decidunt; hoc itaque argumentum quibuscunque potuere modis roborare conati sunt, negarunt enim contra priorum Philosophorum mentem inesse his corporibus appetitum quo ferantur ad centrum terræ, sed tantum quo ferantur ad massam connaturalium sibi corporum. His itaque Philosophis non ascribam temerariam aut minus examinatam priorum Philosophorum sententiam, juxta quos omnibus *Natura* gravibus ad centrum terræ occupandum indidit appetitum, quod, utpote punctum, eorum nullum quantumvis parvum continere valet; quæ tamen recentiorum Hypothesis aliis magni momenti objectionibus obnoxia est.

Argumentum enim mox propositum contra hos etiam Philosophos valet, cum nemo intellexerit quid corpus inanimatum sui homogeneis cum corporibus conjunctionem appetere queat, quorum tum situm, tum distantiam ignorat.

Deinde nequaquam manifestum est omnibus corporibus ejuscemodi inesse appetitum majoribus se connaturalium corporum massis conjungendi; si enim laminam argenteam, aut auream limā deteras, suæ, limaturæ, massæ non adhærebunt, quamvis ea proxima sit, aut eas tangat, quæ quidem nequaquam ad eam exsiliunt, si dissita lamina ab iisdem fuerit. Idem merito dixerimus de solidis omnibus corporibus, si magneter ferrumque exceperis, corporaque quæ ex alterutro aliquid habent.

Cum jam de innato conjunctionis inter corpora appetitu loquor, metmini quod commodiore loco mihi excidit, vel ipsis bullulis hoc argumentum cui respondebam dissilari posse, si enim à fundo vasis bullulæ ad partem ejus superiorem assurgant, ipsam, qua aër per aquam movetur velocitatem oriri volunt ab ejusdem appetitu locum illum præternaturalem deserendi, rursusque sese adjungendi Elemento, aut majori massæ aëris ad ipsam superficiem aquæ tenuissimo liquoris hujus tegumento detenti, cum quo bullulam constituit: Quæ jam qui fiat ut appetitus hic aëris, (qui, cum esset in fundo aquæ, inque transitu suo sursum, eum coegit ad ascensum tanta vi, imperique, ut viam sibi per incumbentem aquam fortè admodum altam parefacere potuerit) cum aër, jam ad ipsam aquæ superficiem pervenit, tam tenuem aquæ membranulam perfringere nequeat, tam tenuem inquam aquæ membranulam, quam ea esse solet ex qua bulla, quæ aërem impedire potest ne desiderato cum magno externi aëris mixta connubio coeat: Cum præsertim asserant adversarii motum *Naturalem* eò velociorem fieri quod propius accedit ad finem, aut locum quietis, crescente scilicet corporum appetitu pro propiore eorundem accessu ad bonum illud, ad quod aspirant. Qua de causa cadentia corpora, puri lapides, &c. dicuntur, licet falsò, velocius moveri quod propius accedunt ad terram.

At si rejecto ficticio aëris appetitu bullularum ascensum gravitati & pressioni aquæ sursum tribuerimus, facile est explicare Hydrostaticè cur bullulae sepe moveantur tardius cum accedunt ad aquæ superficiem & cur illic detineantur. Quod postremum Phænomenon inde oritur, quod, cum aquæ pressio sit illic admodum levis, efficere nequeat ut aëris tenacitatem superficiali partis aquæ exsuperet: Quare in optimo vini spiritu cujus viscositas, seu tenacitas longè minor est tenacitate aquæ, non diu perseverant bullulae, sed statim disruptæ evanescent.

Atque ficticius hic appetitus minoris portionis aëris ut magnæ ejusdem massæ uniatur quò minus verò similis fiat addo à me sæpius observatum, aquam in eo statu, qui vulgò dicitur *Naturalis* ipsius status continere plerumque magnam aërium particularum copiam immixtarum externo aëri aquæ incumbenti, ut manifestum sit, si phialam aquâ plenam in *recipiente* novæ nostræ machinæ Pneumaticæ statueris. Cum enim pressio externi aëris antlia sublata sit, plurimæ identidem enascentur in aqua bullulae, ab aëreis particulis hoc in liquore latentibus factæ.

Pater Terrestris materiæ massas per aërem dilabi ad terram, propellente agente quodam Universali, quodcumque demum illud sit quod juxta sapientissimam auctoris Universi dispositionem gravium Motum versùs Centrum Terræ determinat per vias brevissimas, sive corpus deorsum motum, sit ejusdem, aut diversæ omnino *Nature* à majore materiæ massa, ad quam aggregatum quiescit; si à latere navis ligni Schidiam è manu demittas cum brachium ita extensum est ut perpendicularis aut brevissima linea illud inter & aquam quàm minimo à navigio distet intervallo, lapsura est in mare Schidia, quod fluidum omnino corpus est, alteriùsque planè ab ipsa *Natura*: Et ne vel latum quidem unguem à linea directionis, ut loquuntur Mechanici, deviabit ut ingenti, ex qua navis quantumvis magna moli, sese conjungat. Aliundè si quis in litore positus prope mare aquam è vitro effundat in objectam pedibus arenam, hæc ab arena absorberi se sinet dispergique per eandem, nulla omnino facta digressionem ut Oceano corpori connaturali tam ingentis massæ sese uniat.

Quod autem ad id attinet, quod generatim creditur, partque aliqua argumenti, quod diluo reputatur, *aquam scilicet non ponderare in aqua*, utpote loco ipsius proprio; Elementa enim in proprio loco non gravitant. Hujus rei veritatem omnino nego, cum ingeniosis non paucis evidenti experimento demonstrarim, aquam reipsa non minùs in aqua, quàm extra aquam gravitare, licet, fateor, non *prægraviter*, quia æquali pondere collateralis aquæ, qua à descensu prohibetur, æquilibratur.

Denique quod ad hoc axioma spectat, *locus conservat locatum*, ut exempli gratià cum infelix nauta à maximo malo decidit in aquam, an mare, quò tam præcipitanter properat, eum servat, an destruit? ita pariter cum in fuliginoso camino massa fuliginis in focum prolapsa statim flamma concepta ibi-

dem conflagrat, quis existimet à sapiente *Natura* inditum esse fuligini appetitum quo festinet ad ignem tanquam ad majorem connaturalis sibi corporis massam, aut ad locum ejusdem conservationi à *Natura* destinatum.

Atque ulterius expertus sum, neque dubito quin alii etiam idem experti sint, inclusa diligenter in convenientis figuræ vitro aqua hunc in modum aëre liberata, relictoque ad orificium vasculi superius aëris modico quod postea sepositum est in loco quieto, corpuscula aëris illius incumbens insinuasit se in aquam, in eaque remansisse; tantillus inest aëri generatim loquendo appetitus fugiendi cum aqua commercii, ex eoque liquore evadendi, licet cum sensibiles ejusdem porciones sub aqua sunt, magna gravitatis inæqualitas in causa sit cur aqua aërem sursum premat. Quamvis autem facile foret mechanice describere phaenomena aëris aquæ immixti; quia tamen paucis explicari nequeunt, ea hic exponenda non suscipiam, cum vel iis ipsis adversariorum suppositio improbabilis reddi possit.

Aliud argumentum pro recepta de *Natura* opinione duci poterit à valido appetitu recuperandi statum naturalem corporibus indito, cum quovis modo ab eo deturbantur, cogunturque proinde eum in statum qui præternaturalis dicitur: ita enim observamus aërem vi in vesica inflata compressum ad pristinas reverti dimensiones, gladiique laminam sui in pavimentum impactione incurvatam, vi tam desinente, innata sibi virtute priori sese rectitudini restituere, aquamque igne calefactam, cum inde amoveretur, pristinam velociter resumere frigiditatem.

Quamvis autem hoc argumentum priore longè validius putem, quia veris naturæ phaenomenis inniti videtur qualia sunt quæ mox recitavi, eo tamen nihil effici posse existimo. Cui itaque ut respondeam.

Animadvertendum exemplis mox propositis manifestum fieri vim hujus argumenti in corporum inanimatorum affectionibus juxta adversarios sitam esse. Cum jam inanimata materię portio, ut omnes facientur, cognitione sensûque privata sit, nihil subesse causæ video cur ei curæ fore existimemus, quod in uno potius quàm in alio statu sit, cum nesciat quid actu sit, nec meminerit ejus status è quo deturbata fuit, ac proinde appetitu omni careat deserendi priorem statum, ut redeat ad posteriorem. Cum autem unumquodque corpus inanimatum (ut nihil jam dicam de Plantis, Brutisque animalibus, quia non vacat jam fusius de his differere.) Seipso indifferens sit ad quemvis locum, & statum, in eo statu, aut loco perseverat ad quem actione, aut resistentia alterius, maxime corporum contiguarum, repleta determinatur.

Quod ad exemplum ab aqua suppeditarum atinet, animadverti oportet, priusquam asseratur aquam calefactam seipsa Naturalem ad frigiditatem redire, expedire ut assertores determinent, definiantque quis gradus, aut mensura frigiditatis huic liquori Naturalis sit; quod ut opinor, ardui operis laboris

laboris fuerit. Fateor equidem aquam, si nobiscum comparatio fiat, esse plerumque frigidam quia minutæ illius partes non tanta velocitate agitantur, quanta partes sanguinis succorumque in manibus nostris, aut in organis tactus obviis. Quod autem aqua frigida sit, instituta cum Ranis Piscibusque in ea viventibus comparatione, nemo hæc ausus quod sciam probavit, neque facile probare quis poterit: Arduumque magis adhuc opus laboris puto definire, quis frigiditatis gradus aquæ Naturalis sit, cum liquor hic suam perpetuò quoad frigus & calorem variet temperiem, juxta scilicet temperamentum contiguum atque adjacentium corporum maxime Aëris ambientis. Quocirca aquæ Piscinæ, exempli gratiâ, inumbratæ, licet in proprio & Naturali, ut loquuntur, loco quiescant, Autumno tamen si serenum sudumque Cælum sit, temperies eodem die non parum immutabitur, liquorque sub meridiem calidior erit, quam summo mane, aut sub mediam noctem; licet oriatur hæc diversitas ab agente. Mediâque Hyeme in confesso apud omnes est frigidiorē esse aquam sæviente Æstatis æstu: Quæ quidem illius ratio videtur quod tanquam mirum quid naturæ observant in fluviis Cymbas æqualiter oneratas non ad tantam per Hyemem altitudinem, atque per Æstatem sub aquam deprimendas; Condensata scilicet frigore aqua levior in specie sit quam æstivo tempore, quo, calore ambientis tenuior evadit: Variis in *Africa* partibus temperamentum hoc Naturale existimatur aquæ, quia hoc ibi temperamento plerumque gaudet: Quod longè calidius est, quam quod eidem liquori frigida in Zona Naturale existimatur. Hoc autem loco memini, quod aliàs fortè alium in scopum commemoravi, didicisse me ab Imperatoris *Russæ* primario Medico in quibusdam *Siberia* plagis, qua nulla fortè eo in Imperio septentrioni viciniore Provinciâ, aquam tantum superare frigiditatem aquæ non tantum in Zona torrida, sed etiam hîc in *Anglia*, ut ad tertium sub Telluris superficie pedem toto anno etiam æstate in glaciem concreta perseveret. Tam intensus est gradus caloris qui aquæ illic connaturalis videtur; mirabile hoc Phænomenon omnino confirmat quod superius insinuaui de potentia contiguum corporum, maxime Aëris, qua variari poterit gradus frigiditatis in aqua; Aërem peculiariter commemoro, quantum enim experiri potui majore pollet vi ad aquam proprium ad temperamentum reducendam, quam vulgò credatur. Quamvis enim cum per æstivum tempus manum quis in aquam diu Soli expolitam immisit, frigidam eam plerumque percepturus sit, indeque illaturus Aëre ambiente multò frigidiorē: Id tamen alio sæpe ex capite oriri poterit, quod aqua scilicet cum sit centies densior Aëre; consistetque ex particulis aprioribus quæ sese in poros cutis insinuant, major pars agitationis sanguinis & spirituum in manu contentorum communicatur aquæ, quam proinde fluida hæc amittunt. Minutæ insuper aquæ particule, quæ fortè agiliores sunt ac flexibiliores, insinuant sese in poros cutis, quos aëreæ particule ob rigiditatem, ac fortè etiam longitudinem penetrare nequeant, internas manus partes paulò magis afficiunt.

ciunt, quæ quia cuticula calidiores sunt, magnum frigiditatis ab aqueis particulis sensum imprimunt. Ut cum aqua sudatis immergitur aquæ repidæ; frigidus iudicabitur ab eo liquor, qui, si altera manus sit valde frigida, eadem, aquam eandem percipiet calidam: Cui conjecturæ ut firmamentum accedat addam hic loci, cum consulto aliquando Thermometrum sigillatim accepissem cuius intus liquor..... ad ambientis temperiem reductus erat, Globumque ejus immerissem aquæ aëre in eodem..... servatæ, non eam in aqua quam quis expectaret, percipiendam esse frigiditatem; quod prior ratio sensibilis à manu percepti frigoris hic evanescat. Adjiciam insuper cum experimenti gratiâ aquam valde frigefecissem dissolutio in eadem per æstatem Sale-armoniaco, aliquanto post ad solitum eam caliditatis gradum redicuram. Cum autem idem per hyemem experimentum fecissem, ad solitam ea tempestate frigiditatem redibat: Quapropter non restituebatur determinato cuiusque frigiditatis gradui, quasi ipsi Naturali, sed minori ei aut majori frigiditati, quam casu obrinuerat ab ambiente aëre, priusquam Sale-armoniaco restitueretur.

Quod ad motum restitutionis spectat observatum quoties amoveretur, aut definire vis in aëre vi compresso, inque lamina Gladii vi incurvati, fateor difficile admodum esse mechanicè rem explicare. Longè tamen probabilius existimo hujusce rei causam esse mechanicam, quàm eam à nescio qua Naturæ vigilantiâ ortum ducere. Primo enim dubito num ullus sit hic aër in alio statu, quàm præter-Naturali, aut violento. Cum inferiores aëris nostri atmospherici partes constanter premantur pondere superiorum partium ejusdem aëris iidem incumbentium.

Quod ad restitutionem incurvatæ gladii laminæ spectat, aliâque ejusmodi corpora elastica cum vis incurvatric amota est, mea de elateris Theoria cogitata ad alium tractatum spectant. Hic itaque loci adhibito tantum quasi ad hominem argumento subjungam, ut argumento respondeam, si exempli gratiâ laminam argenteam aliquatenus longam & rectam accipias, malleo nunquam percussam, aut compressam, aut quod certius adhuc est in igne candentem, paulatimque refrigeratam, eam quodcumque libuerit flecti possè, quæ tamen curvam figuram postremò datam perpetuò retentura sit. Si autem cum hanc rursus Laminam rectam feceris, malleo eam aliquoties percusseris hac mera mechanica mutatione corpus elasticum fieri, adeo ut, si manu à rectitudine nonnihil detorqueas, ut primum manum resumpseris pristinam conabitur resumere rectitudinem: Idem observare licet in cupro, sed non in plumbo. Juxta hæc itaque Phenomena quæto, cur, si Natura tanta sollicitudine corpora pristino statui restituat, non restituat suæ laminæ argenteam rectitudini, cum lamina ab ea detorquetur; cur item si lamina argentea rursus igniatur, ac sponte refrigeretur, priorem ejusdem curvam Naturam deserat, patiaturque eam perseverare in quocumque fuerit situ. Ut omittam cur majore quasi affectu

Natura

Natura se gerat erga argentum, cuprum & ferrum, quàm erga plumbum aurumque ipsam comparatè ad morum restitutionis: Addam jam dictis etiam in Gladiorum laminis sæpius fuisse observatum, licèt statim atque incurvate sunt, vis incurvatrix amota sit, eas celeriter ad præstintam rectitudinem redituras, si tamen hæ, (quæ non sola elastica corpora sunt de quibus hoc observatum est) diu servantur incurvæ facultate præstintæ rectitudinis recuperandæ privabuntur, curvæque hoc in situ perseverabunt, licèt vis incurvatrix desierit: Quare *Natura* facilè oblivisci videtur ejus, quæ ei tribuitur, curæ.

Axioma quoddam est apud doctos receptum, scilicet, *nullum violentum durabile*, quod Naturistarum Doctrinæ multùm favere videtur, cùm nitatur hac suppositione quòd omne violentum quà tale contrarium sit *Natura*, diùque proinde durare nequeat.

Trita autem hæc sententia à Scholasticis, recentioribûsque etiam nonnullis Philosophis motui locali adedè peculiariter applicatur, ut eorum nonnullis nota characteristica sit & probabiliter quidem, qua motus *Naturalis* à motibus non *Naturalibus* distinguantur, quòd scilicet priores perpetui sint, aut saltem valde diuturni, cùm posteriores ob majorem *Natura* renitentiam continuè deficiant, citòque suppressi desinant: Sed hic loci hæc à me annotari non abs re fuerit.

1. Meritò dubitari potest ob rationes in alia hujus tentaminis parte expositas, utrùm ullus sit inanimata inter corpora motus, qui violentus dici debeat, quatenus motus violentus opponitur *Naturali*, cùm inter ea, omnis motus, quoties intelligentia nulla, aut nullus intelligens spiritus intervenit fiat secundùm Catholicas, aut ferè, vel etiam magis quàm Mechanicas leges.

2. Peripatetici, qui libentiùs hoc utuntur axiomate, ab eo potiùs aversi esse deberent, cùm eorum Doctrinæ tantòpere repugnet; nam juxta illos vastissimum firmamenti corpus, omnesque orbes Planetarii à primo mobili stupenda velocitate rapiuntur ab ortu in occasum spatio 24. horarum *Naturalem* contra inclinationem, violentùsque hic motus maximæ partis Universi tandiù duravit quamdiù Mundus ipse, hoc est conformiter *Aristoteli* per sæcula innumera.

3. Animadverti quoque oportebit æstam maritimum qui vulgò creditur oriri à motu Lunæ, aut Globi terrestris aliàve quapiam externa causa per aliquot jam annorum millia durasse, & duraturum probabiliter quamdiù præsens nostri vorticis systema permanebit. Perpendendum pariter magnum alterum Oceanum, Atmosphæram, infinitis corpusculorum myriadibus constare, quæ violento in statu perpetuo hic servantur; cùm elastica corpora sint, quorum inferiora superiorum pondere semper comprimuntur. Utque ex corpore fiat Elater necesse est illud vi incurvari, aut extendi, eoque ad dilatationem niti conatu, ut illico se dilataraturum sit, si externa vis quæ obstat,

H amota

amota fuerit ; quod autem ad statum corporum inanimatorum spectat non video qui probari possit ea *Naturalia* esse, aut non *Naturalia*, ex eo quòd sint minùs, vel magis durabilia. Ut enim non dicam arescere paucis mensibus frondes ; floréque ipsos paucos intra dies decidere, licet corpora sint non minùs *Naturalia*, quàm solidæ durabilésque quæ eosdem pariunt, arbores ; patet siue statum congelationis, siue fluiditatis aquæ *Naturalem* fingamus violentumque statum dixerimus alterum ; transmigrationem ejusdem ab altero illorum statuum in alterum, atque ad priorem ejus statum sæpe quibusdam temporibus, & locis velocissimè contingere fortè intra horam, à causis quæ dicuntur, *Naturales*. Nebulæ, grando, turbines, fulgura, cadentes Stellæ, ut alia omittam, quamvis *Naturalia* sint corpora, parum sunt diuturna vitro maximè comparata, in quo arena & sal summa ignis vi conjunguntur. Motùsque tenuis laminæ hujus vitri ut pristino se situi restituaré quoties vi incurvatur, durabilis ejusdem violentiæ effectus est. Ejusmodi pariter est durabilis perseverantia indissolubilitatis salis alcalizati quod alterum vitri *ingrediens* est, licet facillè dissolvi possit non in aqua tantùm, aliisque liquoribus, sed & in ipso humido aère.

Alia est distinctio motus localis in *Naturalem* & violentum, adeò generaliter recepta, adhibitaque tum à Philosophis, tum à Medicis, ut de ea hac in Sectione peculiariter agendum censeam, cum contineat implicite saltem argumentum ad probandam illius rei quam *Naturam* dicimus, existentiam ; dum quid adeò manifestum supponitur ut magni momenti distinctio in ea fundari possit.

Implicita hæc objectio difficulter fateor solvitur non ob ullam quam contineat vim, sed ob ipsam terminorum ambiguitatem quibus distinctio usurpari solet : Plerique enim de proposita motus distinctione tam obscurè dubièque sese exprimunt, ut vix capias quid utravis distinctionis parte velint. Quidam tamen conantur ita loqui ut intelligantur, qui propterea laudem merentur, definiuntque motum *Naturalem*, hunc in modum. *Motus Naturalis est is cuius principium est intra motum corpus*, motumque violentum hunc in modum, *motus violentus est is quem externa agentia corporibus imprimunt*. Et quia hi cæteris distinctiùs mentem exprimunt, distinctionem hanc eo maxime quo ipsi eam accipiunt sensu examinabo ; hanc itaque distinctionem displicere mihi allero ipsorum etiam sensu explicatam : Cum enim hoc principium receptum sit, sæpèque ab *Aristotele* ejusque sectatoribus adhibitum, *Quicquid movetur, ab alio movetur*, juxta hanc Notionem quidni omnis motus dicatur violentus utpote qui ab externo agente oriatur ; Et reipsa conformiter Philosophiæ Scholasticæ, motus majoris partis Mundi conspecti quamvis regularis & perpetuus admisso hujus distinctionis sensu violentus dici debet : allèrunt enim immensum ipsum firmamentum orbésque Planetarios, quibus comparatus orbis sublunaris Physici instar puncti est, perpetuò contràque *Naturalem*, ut ita loquar, inclinationem spatio 24. horarum ab externo agente licet invisibili,

bili, quod primum mobile dicunt circa mundi centrum rapi. Quod autem ad motus *Naturalis* criterium attinet, quod *scilicet ipsius principium sit intra corpus motum*, dici nihil verat omnia corpora semel mota, quaecumque deinde causa motum prius impresserit, ab intrinseco moveri principio; ut exempli gratia, sagitta jam in motu per aërem ad signum ab aliquo intrinseco sibi principio movetur: Neque enim jam pendet ab arcu, è quo vibrata est. Perseveraret enim in motu, licet is fractus esset, aut etiam in nihilum reductus, neque pendet à medio prohibente potius quàm adjuvante ipsius motum, ut ostendi posset, si necesse foret; & si poneremus ambientem aërem aut destructum, vel quod in nostro casu perinde est, ejusmodi esse in statu ut nec prohibere, nec accelerare ipsius motum posset, non video cur sagittæ motus necessariò desinat, cum nullum jam supersit quod penetraret, medium, adeoque quod hoc nomine ipsius progressui resistat. Quandoquidem in arcu convolutò elater conatur sese dilatare, chordæque adducti arcus fracta, aut dimissa, tum elater chordæ, tum lignea pars arcus ad lineam minus curvam redire conantur; quamvis autem hos motus violentæ externorum agentium impressiones producant, horologium tamen, elater & arcus, habent in seipsis, contrarium enim quibuscum ago non norunt, principium internum vi cujus moventur donec situm sibi debitum obtinuerint: Alius fortè adderet convolvulum ignivomum à *Squib*, licet corpus arte factum, videri *Stella* instar *cadentis* ab intrinseco moveri principio: Sed indicabo porius externa agentia varios ad motus *Naturales* agnitos necessaria esse.

Ut enim omittam, Germinationes, & gemmationes, seu efflorescentias variarum Plantarum ut cæparum, porrorum, herbæque dictæ Anglis, *Potatos*, &c. ex calore Solis tempore verno licet in aëre suspensæ plantæ teneantur; ut hæc inquam omnia præteream, si in machina Pneumatica, aut antella aëria varia posueris insecta, putà, apes, muscas, convolvulos, &c. communèque substraxeris *recipienti* aëreni, animalcula hæc motus omnis expertia jacebunt, quasi & virà privata forent, per plures etiam horas quamdiu aëre non fruuntur; at cum externus aër rursus hæc afflat animalia, statim quasi de novo donata vita resurgunt, ut sæpe non absque voluptato expertus sum, rursusque moventur motu cuilibet connaturali: Quasi musca, exempli gratia, hac in re molendino aërio similis foret, quod motus omnis expertus impressionem aëris qua alæ ejusdem reliquæque partes moveantur, requirit. Sed ne diutius his ad *hominem* argumentis inhæream, animadvertamus, cum motus non sit materiæ essentialis cujusmodi divisibilitas & impenetrabilitas existimantur; sub ipsa saltem rerum initia motus omnium corporum, motusque plerorumque quorum causas discernere possumus impressi fuere aut ab externo agente immateriali, Deo scilicet, aut ab aliis materiæ portionibus, quæ extrinseca quoque *impellentia* sunt, in ipsa agentibus.

Hicque loci animadvertendum, licet *motus* merito sit pars una è præcipuis *Aristotelica* definitionis *Natura* †, homines tamen eos solere motus *Naturales* vocare, quos non facile quis à violentis distinxerit; ita cùm aqua in terram decidit dicunt hunc liquoris motum esse *Naturalem*, quatenus corpus grave est: At cùm quis ex ore aquam projicit in aërem, hunc motum ajunt esse violentum quoddam scilicet tum aqua motu *Natura* suæ contrario sursum scilicet moveatur, cùm tamen sugendo quis ore aquam attrahit per Syphonem oblongum licet normalem, hunc aquæ motum licet rectè sursum non violentum, sed *Naturalem* dicunt. Ita cùm pila pedestris, aut inflata vesica in durum pavementum demissa ad magnam resilit altitudinem, tum ascensus, tum descensus dicuntur motus *Naturales*, licet prior sit ad centrum terræ, posteriorque ab eo recedat. Atque si ab insigni altitudine pilam densi cujusdam ligni non tamen nimium ponderosi ut quercini alteriusve similis cadere sinas in vas profundum aqua plenum, *Naturali* motu aliquousque descender in hunc liquorem, contraria tamen sursum ipsius motio violenta dici non debet, cùm juxta Scholarum Doctrinam lignum hoc utpote aqua specie levius, *Naturali* motu ad proprium locum tendere debeat: Quare ad superiorem liquoris superficiem ascendere debet, ibique fluctuare; ab his tamen ad opposita puncta, putà *Zenith* & *Nadir*, motionibus pronunciare solent homines multos corporum motus esse *Naturales*, aut violentos.

Et reipsa cùm perinde sit vitæ experti insensibilique corpori, ad quemcumque moveatur locum, omnes ejus motus aliquo respectu *Naturales*, alio violenti dici queunt.

Ut enim plurima corpora molis conspicuæ ab externis impellentibus moventur, eoque nomine eorum motus violenti dici possunt; ita pleraque impulsu corpora moventur aut sursum, aut deorsum, versùs quamcumque mundi partem, ea quavis via, qua minùs ipsorum motui resistitur, qui impulsus cùm oriatur à virtute legum quas illi generales *Natura* leges vocant, motus dici potest *Naturalis*.

Hic loci docere possem, juxta Epicuri Hypothesim non necesse esse ut admittamus motum ab eo agente, quod Scholastici *Naturam* dicunt, produci oportere; juxta enim magnam illam antiquamque Philosophorum sectam, *Atomistæ*, quodlibet individuum corpusculum actu in motu est, aut in perpetuo ad mutationem loci conari, qui atomus quæ tali essentialis est: Adde ut nunquam innata hac sibi virtute privari possit; cùmque omnia corpora sensibilia juxta illos Physiologos sint fortuitæ tantùm atomorum concretiones, seu coalitiones, nullum aliud motus principium requirunt quàm inseparabilem, essentialēque atomorum componentium ad motum conatum quorum major numerus, aut ea quæ dominium obtinet ob circumstantiarum concursum ad motum una certa via determinantur. His alia addere possem sed hic nihil ampliùs de motu dicam, non tantùm quia ex ipsis etiam *Aristo-*

† *Natura* est principium quoddam & causa, cui id movetur & quiescat in quo inest. &c.
Aristot. Aensl. l. 12. c. 1.

telis, Cartesii aliorumque Philosophorum definitionibus dilucidè & paucis explicari nequit, sed quia eum tantum in scopum de motu hîc disserui ut ostenderem communem distinctionem in *Naturalem* & *violentum* non esse adedò claram ut admittere idcirco debeamus *Naturistarum Naturam*. Illud jam argumentum suscipio examinandum, quod receptæ *Natura* notioni favere videtur; duciturque à criticis quæ quibundam in morbis contingunt interdum evacuationibus, mirisque *Natura* conatibus ut noxios, quibus opprimitur, expellat humores.

Quod sanè argumentum magni omnino momenti, validumque ingenuè fateor; sat enim experienciâ novimus, calidis præcipuè in regionibus, statim plerumque temporibus contingere, ubi sæviunt febres, criticos insignesque conflictus, quibus materia moribifica miris omnino modis exoneratur: Quæ exoneratione non levamen tantum æger sentit, sed & valetudinem quandoque recuperat; quod variis omnino exemplis, medicisque circa febres, pleuritides, &c. observationibus constat, quare argumentum à crisi ductum, omnium, quæ contra eam, à qua dissideo opinionem, fieri possunt, validissimum omnino puto; quocirca eo pluribus in diluenda difficultate hac utar.

Omnino itaque meminisse te, amice Lector, velim, non fateri me tantum, sed & docere, corpus humanum insignem prorsus esse machinam, quam sapientissimus rerum Author eo artificio durationis per multos annos capacem fecit, ut si in eadem intelligentia quædam, ut *Naturalistæ* volunt, inexistere, nihil ferè ad conservandam animalis vitam convenientius aut aliter fieri posset; non quæritur proinde utrùm providentiæ, sapientiæque plurimum eluceant in morborum crisis, sed à qua præcipuè causa eæ proficiantur: A *Natura* porro seu intelligentia quadam proficisci plerique Medicorum sentiunt, quæ cum ægri valetudini invigilet summo studio, prematurque peccantis materiæ copiâ, eandem præsertim concoctam, quam tutissimo potest modo è corpore ægri extrudit. Quod autem ad me spectat, crises ascribo sapientiæ, ac ordinariæ Dei providentiæ, quæ prodir sese partim Mechanismo Mundi majoris, partim Mechanismo minoris, seu corporis humani juxta præsentem ægri conditionem spectati; his porro maximè cautis inducor, ut communi Medicorum circa crises opinioni non adhæream.

Primò itaque crises propriè dictæ rarò contingunt nisi in febribus aliisque acutis morbis; qui plerumque aut brevi desinunt, recuperata valetudine, aut in alias transmigrant infirmitates: Chronicos autem morbos, purâ, tussis, hydropem, podagram, &c. nisi febris adfuerit, crises nullæ comitari solent; hinc patet criticas observationes non contingere, ut Medici putant, cura vigilantiaque *Natura*: Cum remedio adedò salutaris in morbis non utatur, à quibus longè sæpe majus imminet periculum quàm ab illis quos crisis curare nititur.

Observandum insuper est criticas evacuationes mero corporis mechanismo

contingere posse; ejus enim ope sæpe fit, ut fibræ, organaque stomachi, viscerum, aliarumque partium, distenta, aut irritata copia, acrimoniave peccantis materiæ, contrahant sese arctius, ejiciantque humorem iis partibus noxium, sive per communia corporis emunctoria, sive per alium quemcunque meatum, quo facilius emitti poterit: Cum enim homines cibo, potuve ventriculū gravari sentiunt, digitos in fauces immittere solent, eoque mechanico modo ventriculū onere levant. Neque hoc beneficium *Natura* vigilantia, curæque acceptum referunt, quæ verosimiliter crīsum saltem adeo tempestivè prolicere non conaretur; cum itaque sat sæpe copiosis per nares aliisque partes hæmorrhagiis in febribus crīses contingant, quæ *Natura* vigilantia ascribi solent, curæque quam gerit ægrotū valetudinis, addendum omnino hīc censeo copiosas per nares, aliisque corporis partes hæmorrhagias post mortem etiam contigisse: Unde sanè liquidò constat, ejusmodi excretiones fieri posse ope corporis structuræ, turgescentiæque humorum atque acrimoniæ; dum interim de conservando in vivis ægro ne cogitet quidem *Natura*.

Fateor equidem si constaret experientia omnibus, aut ferè omnibus morborum crībus morbificam expelli materiā, aut levāri insigniter ægotantem futurum ut critici tum *Natura* conatus conceptæ ab hominibus de ipsius vigilantia, curaque opinioni non parum faverent; sed funestis quotidie exemplis manifestum fit, ut quædam crīses salutare sunt, alias quoque esse perniciosas: Quibus autem non omnino exstinguitur, aut obruitur æger, iis sæpe pejor ipsius status fit; quare nemini mirum videri debet, si varias legitimarum crīsum conditiones Medici assignent, quarum si vel una quæpiam desit, non optimi generis existimatur. Si autem quidpiam harum conditionum cuipiam contrarium contigerit, aut noxia crīsis, aut perniciosa futura est; cum enim duobus maxime modis *Natura* crīses prolicere credatur, expulsionem peccantis materiæ e corpore, atque ejusdem alicubi in eodem quæta commoratione: Neutro res modo semper succedit.

Quare experientia ipsa cogente Medici crīses diviserunt in *perfectas*, quæ morborum eventum penitus determinant, inque *imperfectas*, quæ corpus tantum vel in pejus, vel in melius immutant, in *salutares* quæ morbum omnino tollunt, & in *mortales* quæ perimunt; *perfecta* autem crīsis ac salutaris secundum aliquos erūditorum numero sex omnino conditiones sunt: Prīmò scilicet præcedentia coctionis signa; 2. copiosa humoris excretio, seu translatio, tertio requiritur ut crīsis criticis diebus contingat hoc est 7. 14. 20. &c. ut nullas post se reliquias relinquat, à quibus relapsus periculum sit, ut turò fiat, hoc est periculosis absque symptomatis, postremo ut morbo atque ægro ipsi conveniat; ex quibus omnibus liquidò patet *perfectam* & *salutarem* crīsim esse perraram cum tot legitimas condiciones requiratur: Quin etiam *imperfectas* tantum *Natura* crīses plerumque adhibet, benèque cum ægroto ageretur, si peiores nullas produceret; funestà autem experientià sæpe constat; conati ip-

sam prolicere *crises*, non tantum minus apris, aut ut Medici loquuntur, *intercedentibus* diebus, tercio, puta, quinto, nono, &c. aut vacuis, seu medicinalibus, quibus & crisis raro, & longè rariùs salutaris contingit, sed tum etiam cum nullæ apparent debitæ concoctionis signa; hisque intempestivis conatibus ægro debilitat, morbum aut auget, aut brevi mortiferum reddit: Neque *Natura* is vindicaret qui cum eruditis quibusdam Medicis dixerit, ad hos eam conatus induci morbificæ materiæ acrimonia, qua fit ut eam nondum concoctam ejicere quovis modo compellatur: Stenim *Natura* vigil aded sit, cavere imprimis debet ne ad præposterè agendum cogatur, aut modicas quæ ægro supersunt, vires inutiliter consumat. Quapropter Medici prudenter omnino sape agunt, cum obliti ejus quam *Natura* ascribere solent, sapientiæ quavis arte inordinatos motus, compescere aut profusas nimium *Naturæ* irritatæ evacuationes sistere allaborant; cum temerè hic ipsa, & in ægroti detrimentum agere videatur: Quamvis autem crises peccantismateriæ metastasis, aut ejusdem in quampiam corporis partem sive internam, sive externam, transmigratione factæ, sæpe sint, quoties *salutares non sunt*, paulò minus noxiæ, quam ex crises, quæ excretionem fiunt, hæc tamen non raro, licet fortè paulò lentius, in sat apertum inducunt periculum, cum interdum interna producant apostemata, externos interdum tumores, iis partibus quæ inter præcipuas censei poterunt aut ob id quod exercent in Microcosmo munus, aut ob situm, aut connexionem, aut aliis cum partibus sympathiam quæ proinde non sine gravi ægrotantis periculo opprimi poterunt.

Cæterum, *Natura*, seio, providentiâ, peritiâque inde maximè concludunt *Medici* quoddam concoctionem peccantis materiæ vigil expectet priusquam ipsam *crisi* expellere conetur; quid hæc humorum concoctio sit non aded distinctè definire solent; quantum autem conjicio cum portionem peccantis materiæ *concoctionis in statu* esse dicunt, innuunt eo eam modo jam esse dispositam, ut faciliùs jam separari possit à massa sanguinis, solidisque, quibus priùs adhærebat partibus, atque aded expelli è corpore: Ut cum quis primum frigore percussus est, afficiunturque pulmones. Paucos enim post dies phlegma factum magis fluidum, neque interiori asperæ arteriæ lateri fortiter aded, adhærens, cussiendo faciliè educitur; quod tamen nulla priùs tussi educi potuit; quicquid autem voce hac coctione velint patet è superiùs dictis eam à *Natura* sæpe non expectari: Intempestivè enim sæpe materiâ nondum concoctâ expellere nititur.

Ad eas jam crises accedo quas idcirco ed magis quis miretur quod *Natura* sæpe modis inusitatis, locisque non solitis noxiâ sibi materiâ exoneret: Unde ægrotus aut omnino curatur aut certè plurimum levatur; nemo itaque inficias jerit criticas quasdam evacuationes prorsus esse mirabiles. Quinetiam faciliè admisso, non divina tantum providentiâ morbos imitari, sed & divina quoque misericordia eosdem tolli interdum; ne quam autem horum casuum qui extraordinarii sunt, rationem habeamus, non absimiliter vero dixerimus, *Natura* communibus in crisis efficaciâ oriturum ab ipsa materiæ expellendâ dispositione, tum, ac præcipuè quidem à peculiari quadam constitutione

geniæ partium corporis fabricæ, aut ab inusitata quadam texturæ mutatione, quam morbi ipsi induxerint, aliive casus, quæ adventitia ægri dispositio cum oculis non pateat, saltem quamdiu ægrotus vivit, inusitata crisi symptomata si *salutaris* illa fuerit mirabili *Natura* providentiæ ascribere solemus: si autem salutaris non fuerit horum symptomatum causam non inquiremus. Quod ut clarius fiat, animadverti à nobis oportebit copiosas evacuationes remediis factas, artificiales quasdam esse crises; quorundam corporum constitutio ejuscemodi est, ut, quamvis judicio Medici peccans humor dejectendus pro more sit, quemadmodum ejus dejectio contingit plerumque iis, qui Rhabarbaro, aut Senna usi sunt, peculiari tamen ventriculi dispositione, emeticum evadat, quod tanquam Catharticum designabatur, atque esse ferè semper solet. Neque hæc ventriculi constitutio omnia remedia æquè spectat; qui enim ventriculus remedium si porio sit, respuit, illud idem sub forma pilularum admittet, sed non est hîc loci prætermittendum quod de operationibus Mercurii observatum est; Mercurius enim licet debite præparatus excitandæ salivationi vulgò adhibetur succulentis præcipuè in corporibus: Quidam tamen sunt in quibus salivationem nunquam excitabit, quos interim ad dejectendum copiosè compellet, memini enim me vidisse quempiam, qui junior licet & obesus ne turperho quidem minerali, violentioribusque aliis remediis salivari potuit; quamvis hæc periri admodum tum Medici, tum Chirurgi administrarent. Quæ quidem dispositio acquisita forrè est non *Nativa*: quidam enim post crapulam præsertim, cum severius habiti fuissent fatigantur tandem frequente usu remedii sub hac vel illa forma exhibiti; hîque nauseabundi remedium simile evoment licet aliis in corporibus emeticum illud minimè sit: Sudorifica quoque, ut experientiâ constat, cum sudorem prolicere deberent, diuretica sæpe, ac fortia etiam cathartica, necnon emetica evadunt; ex quibus omnibus patet, tum ob irritantium humorum qualitates, tum præsertim ob peculiarem ægroti corporis dispositionem insolitis omnino viis fieri posse evacuationes. Memini insuper, in observationibus à celebribus quibusdam Medicis factis extrare quædam exempla periodicarum & criticarum evacuationum per incontinuas maximè, insolitasque corporis partes; quibusdam enim mulieribus dicuntur erupisse menstrua per nates, atque per oculos, interdum per umbilicum, perque os aliquando: Cujus rei non alia probabilior reddi causa poterit, quam peculiaris quædam textura seu nativa, seu adventitia. Textura inquam peculiaris partium ad hanc exonerationem destinatarum; harum autem insolitarum texturarum Anatomici haud dubiè plurimas viderint. Cum ipse unam alteramve viderim, si insoliti hî materiæ morbificæ exonerandæ modi ægro semper salutares forent, ductum ab his argumentum majoris momenti foret. Quamvis autem ejuscemodi crises tum tantum ab hominibus specialius observentur, cum succedunt, æquus tamen rerum observator compariet noxias etiam crises insolitis erumpere modis, viisque insuetis. Atque in

quibusdam materia morbificæ ad distantes & nobiliores partes translationibus, æquè fortè difficile fuerit ostendere quibus canalibus, nostrisve viis ab una parte ad alteram materia transierit, æquè inquam difficile fortè fuerit atque definire, quâ ad eas partes penetrarit, quibus tam fortunatè emittebatur.

In præcedente circa crises dissertatione, paradoxa fateor pleraque sunt, atque sat invitus in alienam messem hoc est Medicorum falcem immisi; hic autem meminisse poteris dixisse me non procul ab initio hujus libelli, ægrè me nisi de inanimatis corporibus locuturum: Viventia enim, utpote simpliciora, altiore poscunt & quæ magis intricata sit, speculationem. Quo, spero, monito fiet ut excusatum me habeas, si animadvertas aut propolita mihi brevitate, aut argume.ri difficultate contigisse ut minùs fortè aprè de valetudine, morbis, crisibùsque scripserim; quod autem ad filios *Æsculapii* id est Medicos spectat, iis factum sat fuerit, quod de morbis, crisibùsque Physiologi porius instar quàm Medici egerim: Unde de iis tacere non debui, ne causæ, quam defendendam susceperam, defuissem.

Si cui minùs placeret quoddam Phænomena merè corporeæ Mundi partis, quæ comprehendo corpora animalium, licèt non animarum rationalium generaliter nimium ad leges mechanicas referam. Revocabis, spero, in memoriam varia per hunc tractatum dispersa, quæ simul collecta hanc objectionem diluerint; plerique enim recentiores Philosophi multique etiam insignes Theologi communem deserunt opinionem de cælestibus orbibus ab Intelligentiis motis, beneficioque causarum Physicarum explicant Eclipses Solis & Lunæ, generationem, aut apparitionem, Phænomenaque Cometarum, aliarumque rerum quas Romani æquè ac Ethnici tum antiqui, tum & recentiores immediatè divinarum causarum activitati ascripserunt.

Hinc monendus es, cum recentiores illi *Naturalistæ*, ac Theologi vastorum Cælestium corporum Phænomena, locali eorum motu, iisque quæ inde consequuntur explicare soleant, eos pariter conari explicare quicquid contingit in longè majore Universi parte ope *legum*, principiorumque *Physico-Mechanicorum*. Atque in Terrestri etiam Mundi parte quam nos incolimus, plerique recentiorum qui Scholarum se præjudiciis liberarunt, tum *Staticè*, tum *Hydrostaticè*, aliisque mechanicis modis explicant ascensum aquarum in anclis, descensumque earundem in vasculis irrigatoriis quorum superiora orificia clausa sint, variæque alia Phænomena, quæ haud ita pridem mirabili *Naturæ* providentiæ, sollicitudinique ad vitandum Vacuum unanimi omnes consensu tribuebant.

Sed fortè expedire magis existimabis ut eorum obviam eam censuræ, quibus minùs ardeebunt ea quæ de crisibus dixi, non eo nomine quoddam nimium causis merè Physicis tribuerim, sed contrà eo quod his solis non inhæream. Fortè enim, si hujusce tractatus quibusdam ex amicis tuis qui severiores *Naturalistæ* sunt, copiam faceres, ii mirarentur in quapiam clausularum præ-

dentis dissertationis circa crises, cui hæc nota *N. B.* præfigitur admitti à me-
 earum eventus variari interdum posse peculiari Dei interventu; fatebor tamen
 tibi clausulam hanc quæ ipsis fortè minùs placuerit nequaquam fortuitò mihi
 excidisse: Ita enim omnino sentio divinam Providentiam sæpe saltem, pecu-
 liari occupari modo circa actiones hominum, eaque quæ ipsis accidunt, quæ-
 que necessariam habent cum his, aut illis, aut utrisque connexionem. Et quam-
 vis vero simile putem in regimine majoris Universi partis, quæ merè corporea
 est sapientem ejusdem Authorem rarò manifestè saltem à statò Universi cursu
 recedere, catholicisque præsertim motus legibus; ubi autem, de hominibus
 quos libero donavit arbitrio, quoad res saltem non spirituales, propiùs agi-
 tur, non tantùm quandoque insignibus, manifestisque miraculis potentiam
 suam modo *Naturam* superante interposuit, sed etiam ut supremus Dominus,
 mundique Rector, sæpe, atque fortè etiam sæpius quàm Philosophi sibi fingant,
 interventu spirituum rationalium & unitorum, & non unitorum humanis cor-
 poribus, iis modis determinavit motum partium in illis corporibus, aliisque quæ
 ab his affici poterant, quibus juxta leges merè mechanicas partes illæ materiæ
 motæ non fuissent.

Quòd divina interveniat Providentia, ubi præsertim de vita & morte agi-
 tur, facilè ostendi possèt Christianis ex diversis Scripturæ locis, quibus diu-
 turna vita tanquam merces promittitur liberis obedientibus*; aliisque justis
 inter *Judeos*, intentaturque sanguinolentis dolosisque hominibus†, quòd non
dimidiaturi sint*, ut vulgata editio habet, dies suos, atque idem confirmari
 potest ex eo loco ubi dicitur Rex quidam *Israëliticus* è morbo non lethali in-
 lethalem incidisse quòd ad falsum Deum *Eckron* impiè confugerit†; adde
 quod *Hezechia* precibus & lacrymis*, quindecim annos ipsius vitæ Deus
 addiderit, peculiarique benedictione externi medicamenti malo applicatæ vir-
 tatem promoverit. Quibus locis varii alii addi possent ex Novo Testamento,
 ac præsertim locus ille Sancti *Jacobi*†, qui hortatur ægros ut sanitatem suscipiant
 ad Deum precibus quærant; atque hic alius Sancti *Pauli*, cùm alloquens *Corin-
 thios**, de indignis Sacramenti Eucharistiæ receptoribus ipsis dicit, ob hanc
 causam multos ex ipsis ægrotos factos, debilesque, multosque etiam mortuos
 esse.

Quamvis autem ipso hujusce disputationis argumento prohibear ne adhi-
 beam Scripturæ auctoritatem, patitur tamen ipsa me animadvertere quod est
 maximi hoc loco momenti, *Naturalem* Theologiam, rectamque rationem no-
 stræ quàm optimè congruere Doctrinæ. Ut enim superiùs insinuavi, fusiùsque
 alio in Tractatu doceo†; humano Deus permisit arbitrio directionem vario-
 rum motuum localium in corporis humani partibus, iisque motibus mediis,
 aliorum etiam quorundam directionem: Licet leges mechanicæ, quibus

* *Mandat* 5 in Exod. 20. † Psal. 5. 6. * Psal. 54. 24. † 2. Reg. 10. 16. * Isai. 38. † Jacob.
 5. 25. * 1. Cor. 11. 30. † *Tractat. de miraculis.*

ordinarius rerum cursus præcipue innititur, non motus tantum corporum, sed & determinaciones etiam regant. Cunque homini ipsi concessa sit potestas murandi sæpe consuetum rerum cursum, non debet videri vero abstinere intervenire interdum occultè homines, aut fortè etiam Angelos, aliasque causas de quibus ne cogitamus quidem, intervenire inquam similem in scopum Dei decreto, qui non tantum est sapientissimus rerum omnium Conditor, sed supremus, & tamen iustissimus Univerſi hominumque Reſtor.

Ut huic digressioni, ut spero, non inutili, modus statuatur, huic inquam digressioni cui dissertatio de crisiſibus ortum præbuit, decet omnino, meo quidem iudicio, Philosophum Christianum ut in genere admittat Deum interdum peculiari, licet occulto modo intervenire ordinariis in Phenomenis, ordinariòque *Crisum* eventum: Id tamen tam rarò contingit, eo saltem qui à nobis certo discernatur modo, ut non statim extraordinariam ad Providentiam confugere debeamus; multòque minùs admirabilem illam curam, peritiamque *dubii illius entis*, quod *Naturam* dicunt, in hoc illòve particulari casu, licet fortè inexpectato, si probabilis illius ratio reddi possit ope legum mechanicarum ordinariòque rerum cursus.

Atque hinc loci, licet loco fortè magis idoneo proponere potuissem rem hanc à prius animum subiisset habita ratione tum insolitorum interdum crisiſum eventuum, tum generalius irregularium in speciem Univerſi *Phænomenon*, notionem quæ fortè tibi non displicebit, proponam: Censéo itaque, cum Mundum intuemur, physicæque in eo mutationes ad divinam sapientiam providentiàmque comparatas, argumenta pro parte affirmativa majorem debere in suo genere vim obrinere quàm ea quæ pro parte *Negativa* militant: Rationi enim conformius est Providentiam inferre ex intigni structura symmetriæque mundano um corporum, aptæque subordinatione causarum, quàm ex physicis quibusdam anomalis inferre, res non gubernari à sapiente Authore atque Reſtore. Conspicui enim sapientiæ characteres in cuiusla fabrica, ordinatòque rerum cursu nulla veri specie casu, cæcæque quali fortunæ ascribi possunt, sed intelligenti cuiuspiam providòque agenti: Cum ex alia parte præterquam quodd anomalix de quibus loquimur, longè pauciores sunt effectibus regularibus, modòque ordinariò productis: Præter hoc inquam cum divinus Univerſi Conditor agens maxime liberum sit, nostrumque intellectum intelligendi vi infinities superet, in productione *Phænomenon* in speciem irregularium fines sibi proponere poterit nobis incognitos quibus obrinendis ex etiam anomalis idoneæ sint.

Ita cum quis Mathematicarum imperitus Globum Geographicum ex arte factum intueret: Statim atque observat discrepantes magnitudines, particularesque Regnorum limites, idoneòque sitis verasque civitatum quas ex visu, aut fama novit, distantias, aptè veròque conformiter esse descriptas, ex his artis, peritiæque vestigiis necessariò concludit hoc opus intelligentis artificis

tificis fuisse opus : At quamvis etiam in eodem Globo videat circulos, ut *Tropicos*, *Zodiacum*, *Meridianos*, &c. Si vir sobriæ mentis sit, non existimabit hos casu factos idcirco tantum quia eorum rationem, usumque non novit, aut quia quædam linearum, ut curvæ ex lineæ quas Nautæ Rhombos dicunt, non sunt aliarum instar circulares, sed nescio quo modo & quadam in speciem irregularitate eas interfecant. Sed existimabit potius artificem qui Globum terraqueum corpore vix bipedali exhibere poterat ac effingere, fuisse quoque sat peritum ut has lineas duceret scopo huic peritiæ proportionato licet non obvio artis ejusmodi imperitis.

Non incogitanter de *irregularitatibus* loquutus sum quasi interdum *apparentes* tantum esse possent : Fieri enim omnino posse existimo ut artifex mentis adeo capax, adeoque lynceus quàm est Mundi Conditor potuerit in hoc magnò suo automato ita res ordinasse, ut earum non paucæ nobis videri queant ex abrupto erupisse, magnisque & temporum & locorum intervallis quæ propterea irregulares videantur, quamvis reipsa tum in præordinatione divina, tum in genuinarum causarum connectione finem habeant, quem, si discerneremus, neque casui, neque Naturæ aberrationibus tribueremus. Ut hoc nonnihil illustretur quod sequitur consideremus, cum Jesuicæ qui primi Regnum Sinense intrarunt, horologium sonans affabre factum Regi obtulerunt; si is qui illud aspiciebat, *excitatorium* convolvisset ita ut paulò post horam primam sonitu indicaret: Si inquam, hoc factum foret, & Sinenfes horologium hoc ut animal quoddam Europæum intuiti forent, cum index indicaret horam secundam, horologiumque sonitu indicaret eandem horam, atque ita tertiam, quartam, & sic deinceps, existimarent ii hos sonitus regulariter productos: Quia æqualibus temporum intervallis eos audierunt, & non nisi cum index horam indicavit, tum autem semper. Cum itaque jam *excitatorium* inexpectatum ederet, confusum, diuturniorémque sonitum vero similiter existimarent, ægrotare hoc animal, aut insolitum quid pati: *Serpentis* tamen *excitatorium* non minùs propriè procedit ab ipsa machinulæ structura nec minùs ab ipso artifice rectorèque machinæ intenditur, quàm ii horologii soni qui manifestè regulares videbantur.

Prævideo dici posse nisi ejusmodi ens, cujusmodi *Natura* est, admittamus, cujus consilio res corporeæ regulariter, certaque cum methodo ad fines suos dirigantur nulla futura divinæ sapientiæ conspicua corporeo in mundo vestigia, aut argumenta: Hòcque argumentum, fateor, tanti in speciem roboris est, ut eo maximè commotus aliquandiu dubitarim quid de recepta Naturæ notione sentire deberem: Re autem maturius examinata animadverti, responderi posse ipsam Universi fabricam, variarumque illius partium regularémque rerum corporearum cursum, manifestamque determinatos ad fines tendentiam, eum ut loquuntur *materia falli* sint, nequaquam à suppositione illius entis quod *Naturam* dicunt, pendere, sed seposita hac vel illa hypothèsi cognosci posse ipsa inspectione si inspectores attentiores sint, præjudiciumque

judicijque liberi. Ut cum quis humanum corpus dextero ab Anatomista periculis dissectum videri, fieri nequit, si judicio polleat, prejudicioque liber sit ut non agnoscat summè exquisitam esse incomparabilis hujusce machinæ texturam, variarumque illius partium determinatos ad fines, muneratque adeò affabre factarum: Quocirca neque; supprimo neque; suppressere possum manifesta vestigia consilij sapientiæque conspicua in mirabilibus ordinatisque Mundi, ejusque partium operationibus. Sed hæc sapientiæ indicia ad veram reducere causam conor: Et cum in obijcientis hypothesi tres assignari possint causæ illorum sapientiæ speciminum, scilicet, *Deus*, *Natura* & *Casus*: Si juxta doctrinam à me propositam *Natura* rejiciatur, de *Deo* tantum & *Casu* futura quæstio est: Atque hebes omnino is sit oportet, multumque præjudiciis præoccupatus qui existimabit consonum esse rationi tam regularem rerum, & structuram, & cursum ejusmodi corporeo in mundo intuemur, ascribere *casui* potius, cæcæ prorsus insensibilique causæ, aut verius mero *rationis enti*, quam Deo summè intelligenti, à quo proinde quam maximè congruæ structuræ opera expectari queant: Jam verò, si celeberrimum illud ens, ejusmodi *Natura* putatur, admissum fuerit longè operosioris operæ labor erit sapientiam existentiamque Dei ejus ex operibus probare. Cum ad aliam homines confugere causam queant, præsertim ad vigil illud providumque ens quod *Naturam* dicunt: Hancque difficultatem peripatetica æternitatis hypothetis non materiæ tantum, hanc enim Atomici alique unà cum iis admittebant, sed & mundi non parum promovebit. Juxta enim hanc Universi descriptionem non videtur necesse aliquas Deo in Mundo partes tribuere, cum hoc ipse *Automaton* non condiderit, utpote quod à se ipso extiterit, non quoad materiam tantum, sed quoad formam etiam. Quod autem ad regimen corporum ex quibus constat, attinet, *Natura* proprium illud negotium est. Si autem quis objecerit quoddam ens ab ipsis ejusdem assertoribus Deo dicatur subordinatum, respondeo ut ob rationes auctoritatésque alibi afferendas * dubitari merito potest, utrum necne multi Philosophi, ac fortè integræ eorum Sectæ qui *Naturam* adorabant, admisserint eam ut vicariam tantum supremi Entis, ita hanc distinctionem subordinationemque non facile probari posse adversus eos qui stabant à patribus veterum illorum Philosophorum nihil ejusmodi admittentium, aut discretis verbis negantium. Præterquam quod hæc obiectio existentiam superioritatemque Deitatis supponat, quæ tamen existentia aliis probanda modis est. Cum interim in hypothesi à me proposita, eadem Phænomena quæ admirabilem sapientiam, manifestaque in corporeo mundo consilia indicant, solidum suppedient argumentum cum existentia, tum quorundam magnorum Dei attributorum, quibus reliqua ad ipsam spectantia necessariò connexa sunt.

* Vid. Sect. 6.

SECTIO VII.

Progredior jam ad sextam, maximèque arduam hujusce operis partem; ut scilicet ostendam generalissima, maximèque recepta circa *Naturam* axiomata ubique in Philosophorum scriptis obvia, vero, similiter explicari posse conformiter doctrinæ hactenus propositæ, licet quædam illorum axiomatum naturam supponant, quædam pro recepta *Natura* notione strenuè militent.

Ut major dicendis lux præfulgeat, duo omnino in quinta Sectione proposita eris præmonendus: Quibus communem circa fines consiliisque Naturæ doctrinam intelligi, aut limitari omnino velim. Illic igitur dicta hic non repetam, sed paucis addam tantum, si ista paucæque alia observata, naturæque considerata fuissent, obscuritatem forè omnem sustulissent, erroreique nonnullos ad notionem *Natura* spectantes.

Non tibi, spero, excidit, id mihi hoc tractatu propositum ut recepta Naturæ notionem examinarem non ut novam introducerem: Atque ipsa quidem vocis ambiguitas tanta est, ut è secunda Sectione constat, atque à doctis etiam tam vario sensu usurpatur, ut non distinctis variis ejusdem acceptionibus nec tuto nec forè tradi omnino ipsius definitio posset, ejusmodi saltem quæ censuræ obnoxia non foret. Non igitur suscipiam hic rem definiendam cujus nullam adeò certam inter homines descriptionem reperi ut coactus fuim ex *Aristotele*, aliisque congerere simul in quarta Sectione varias receptæ vulgò *Natura* ideas, aut notiones, ac postea quàm optime potui, accuratis definitionibus qualescunque denum substituere descriptiones, quibus innotescat quid hoc nomine plerumque intelligatur. Quare cum velim omnino sperare, quæ meminiſſe te, quæ in quarta Sectione tradidi, ac futurum ut ea in sequente hujus tentaminis parte applices, non ero tibi eorum hic repetitione molestus.

Sed prius peculiaria de *Natura* actionibus effata quàm examinem non inutile fuerit tentare an aliquam præmittere lucem non possimus explanatione ejus sensus quo *Natura* omnino *agere*, aut hoc illud *operari* dicitur. Quantum enim distinctius intelligo, quicquid sit in mundo merè corporeo, reipsa à particularibus corporibus sit, à particularibus inquam corporibus secundum leges morus & quietis agentibus, &c. quæ leges constituta sunt, servatæque à Deo res inter corporeas. Quæ in hypotheli *Natura* videtur potius quid notionale, quàm quid verè physicum, distinctum, aut separatum, atque efficiens: Cujusmodi foret, si *Aristotelis* doctrina vera esset, una illarum intelligentiarum quas ipse asseruit Cælestes movere orbis. Sed homines

nes mentem expriment tam ambigüe cüm dicunt, *Naturam agere hoc, aut illud, aut hoc aut illo modo*, ut Phrasas illas vix quis transferre possit in loquendi modos qui intelligantur, & qui mentem eorum qui eas excogitant, expriment: Quam ob causam quamvis in prædicta Sectione quidpiam dixerim innox dicendis consonum, ipsa tamen difficultate momentoque argumenti commotus expedire omnino iudico ac ferè necessarium, ut fulius hoc loco exponam quid intelligant homines, aut intelligere debeant, cüm loquuntur de Naturæ actionibus aut de rebus Naturaliter factis: Dum locutionibus suis, modò hunc, modò illum sensum attribunt.

I. Interdum cüm dicitur *Natura* agere hoc aut illud, minüs propriè dicitur res fieri à *Natura*, quàm secundùm *Naturam*: Quare *Natura* hic non est consideranda, ut distinctum separatümque agens, sed tanquam regula, aut potius systema regulatum juxta quas, illa agentia, corporaque in quæ operantur, à magno rerum Authore ad agendum & patiendum determinantur.

Ita cüm aqua elevatur in *antlia suctoria*, dicitur *Natura* cogere aquam ad ascensum ductu nyrûque suctoris, ad præpediendum *Vacuum*: Licèt reipsa hic ascensus non oriatur ab ejusmodi separato agente, cujusmodi *Natura* putatur, sed à pressione atmosphæræ in aquam agentis juxta leges staticas, legèque æquilibrii liquorum constitutas à Deo inter fluida sive visibilia, sive pneumatica. Itaque cüm severiores Peripatetici nobis dicunt, dum visibiles omnes Cælestes Orbes motu secundùm ipsos violento rapiuntur spatio 24. horarum circa terram ab ortu in occasum, contrario moveri motu ab occasu in ortum. Si præceptoris sui Doctrinæ conformiter loqui velint, vocem hanc, *Naturale*, sensu mox observato adhibere debent; hæc quoque nostra observatio illustrati poterit aliis loquendi modis in usû; ut cum dicimus *legem* curam suscipere infantium & lunaticorum, ne imprudentes eorum actiones, aut omissiones hæredibus noxæ sint, *legem*que homines suspendere ob homicidium, sed manum tantùm amburere leviora ob delicta: Quarum Phrasium sensus est, quòd Magistratus, alique ministri justitiæ agentes conformiter Regni legibus res commemoratas faciant. Propius ad scopum nostrum fuerit, si animadvertimus arti ascribi vulgò solere quæ sunt ab artificibus juxta artis præscripta, ut cüm dicitur *Geometria* juxta nominis interpretationem metiri agros, *Astrologia* prædicere temporum mutationes aliisque contingentes eventus, *Architectonica* ædificare domos, & *Chymica* præparare medicamenta.

II. Interdum cüm res variæ, ut incrementum arborum, maturatio fructuum, &c. dicuntur fieri à *Natura*, sensus esse debet, quòd ejusmodi omnia producenda sint à propriis immediatisque causis, juxta solitum modum, seriem, aut ordinem quo agere solent; ita dicimus *Natura* cursu dies æstivos longiores esse diebus hyemalibus: Et cüm Luna opponitur Soli, ut in plenilunio, illam partem corporis illius quæ terram respicit, magis quàm in

Novi-lunio illuminari, aut in quavis quadratura; & denique cūm plous minūte conicam terræ umbram ingreditur, totalem; aut partialem pati Eclipsim. Quæ tamen, aliæque illustria Phænomena explicari queunt absque confugio ad *Aristotelicorum Naturam*, mera consideratione situs solitorumque motuum Solis, Terræ & Lunæ comparatorum sibi invicem & Globo Terrestris.

Atque hîc non inutile fuerit animadvertisse, distinguere nos interdum posse non ineptè inter *leges Naturæ* magis propriè dictæ, *consuetudinèque Naturæ*, aut si mavis, inter fundamentales & generales *constitutiones* rerum corporearum, & municipales, ut ita loquar, *leges*, ad hanc illà nve particularium corporum speciem spectantes: Ut, si resumamus, ac nonnihil varietus exemplum nostrum ab aqua ductum. Cūm hæc in Terram decidit dici potest decidere *consuetudine Naturæ*, quodd liquor ferè semper deorsum tendat, decidatque nî externum agens à casu prohibeat; ac cūm aqua ascendit suctione in anclia, aliòve instrumento, hîc motus cūm sit contrarius solito aquæ motui, sit vi magis *Catholicæ legis Naturæ*, qua contingit ut major pressio, quàm patitur nostro in casu aqua ab incumbentis aëris pondere, minorem superet; cuiusmodi hic est aquæ in Syphone ascendentis gravitas: Præcedentes dux observationes ulterius illustrari possunt si consideremus quo sensu homines loquantur de rebus quas *præternaturales* aut *Naturæ contrariæ* vocant. Varix enim imò pleræque ejusmodi locutiones ostendunt *Naturam* in iisdem usurpari, pro particularibus & subordinatis, aut quasi municipalibus stabilis inter corpora legibus; ita aqua cūm intensè calida est in *statu præternaturali* esse dicitur, quia est in statu non consueto, quèinque illius verum statum & genuinum homines non existimant; Quamvis Sol & ignis qui ita eam agitant, hūncque in statum redigunt, *Naturalia* agentia sint, neque aliter agere quàm secundum *Naturam* existimantur. Ita cūm Elater incurvatus existimatur esse in statu ipsius *Naturæ* contrario, ut colligitur ex perpetuo ejusdem ad corpus premens removendum conatu, hîc status sive *præternaturalis*, sive *Naturæ* contrarius, talis reputari debet comparatè tantum ad corpus elasticum; alioquin tam consonum est magnis rerum corporearum legibus ut ejusmodi elater viribus actu comprimantibus incurvus remaneat, quàm ut explicet sese, quod à minoribus cohiberi viribus nequeat: Atque ut sex res *non-Naturales*, de quibus tam multa Medici, præteream, hîc animadverti oportebit, licet morbus plerumque *præternaturalis* quid existimetur, aut ut alii etiam dicunt, *contrarium quid Naturæ*, hoc tamen intelligendum tantum esse de eo quod humano corpori plerumque accidit; cūm venti summè frigidi, immodicæ pluvie, fervidior aër, aliæque ordinariæ morborum cause tam *Naturalia* agentia sint, agantque tam conformiter Catholicis Universi legibus cūm morbos producant, quàm tum cūm nubes in pluviam & nivem condensant, cūm naves in portus impellunt, fluvios ultra ripas agunt, fruges fructuque maturant, aliæque ejusmodi præstant sive noxia homini-

bus,

bus, sive utilia. Similem ob causam cum *monstra* dicuntur res *præternaturales*, hæc locutio intelligenda est de particulari corporum specie, à qua monstrum enormiter deviat; licet causæ hujus deviationis agant tantum generales juxta leges quibus res corporæ reguntur.

III. Nescio an tertio loco observare non debeam tanquam quidpiam quod ad alterutram, aut utramque præcedentem observationem reduci queat, interdum, cum *Natura dicitur hoc, aut illud facere*, non esse existimandum illud reipsa produci ab aliis quam à propriis Physicis causis & agentibus; in ejusmodi enim locutionibus *Naturam* potius intueri debemus tanquam relativum quid, aut vocem adhibitam ad rem *notionalem* denotandam comparatè ad quam causæ Physicæ considerantur ut agentes peculiari quodam modo, quo distinguere possumus eorum operationes ab iis quæ ab aliis agentibus existunt, aut fortè etiam ab eodem alio modo operante: Hoc aliis receptis loquendi formulis illustrari poterit; ut cum multi ex antiquis, ac quidam ex hodiernis Philosophis dixerunt *res suo contingere*, non intelligebant *factum* esse distinctum separatumque agens, sed tantum effectum à Physicis causis procedere. quatenus in agendo necessaria sibi invicem connectione coherebant. Jam autem cum Latini dicunt, ut nimis sæpe dicunt, *fortunam*, aut *casum*, * ἡ τύχη, aut τὸ αὐτομάτως: Aristotelis enim Sectatores fortunam & casum distinguunt; priori enim ascribunt quod præ dictis mente entibus inexpectatè contingit, posteriori quod mente carentibus, aut inanimatis entibus accedit præter opinionem: Cum homines dicunt *fortunam*, aut *casum hoc aut illud fecisse*, sobrii Philosophi non intuentur fortunam, aut casum tanquam veram distinctamque Physicam causam, sed tanquam quid notionale quod denotat propria agentia effectum produxisse, quamvis cum non intenderent, ut fusiùs in Sectione quarta exposui. Non ineptè fortè quispiam ad tertiam hanc nostram observationem reduxerit quòd multa temporis attribui soleant, ut cum dicimus, *tempus maturare fructus citius æquo decerpitos, rerum esse edax*, & res consumere, *marem esse veritatis, multa immutare tum hominum in negotiis, tum in corporibus*, ut notas alias locutiones omittam quæ tempus ut variarum rerum causam exhibent: Cum tamen concomitetur tantum effectus successivis temporis partibus coincidentes quo quidem nomine ad illud effectus spectant, licet reipsa aliis ab agentibus, quæ sunt propriæ & efficientes eorum causæ, oriantur.

Interdum pariter cum dicitur *Natura hoc, aut illud agere*, non debemus existimare effectum esse productum à distincto, separatoque ente; sed tum vox *Natura* significat complexionem, aut congeriem omnium essentialium qualitarum, ac proprietatum pertinentium ad corpus ejus speciei cujus *reale* agens est, aut ad plurà corpora si plura ad productionem effectus concurrant. Hoc sensu interpretari debemus varias loquendi formulas adhibitas à

* Dissunt autem fortuna & casus, quia casus latius patet, quod enim à fortuna est, casus est, hoc autem non omne est à fortuna. Arist. Auscul. l. 2. c. 4.

Medicis, aliisque cum loquuntur de eo quod *Natura* præstat in morbis, eorundemque curatione: Ut autem ejusmodi locutiones rite exponantur intueor *Naturam* non tanquam primarium & distinctum agens, sed seu compositum quoddam accidens quasi factum ex variis qualitatibus & proprietatibus ad veram agentia pertinentibus. Ne autem nomen *compositi accidentis* mirum cuiuspiam videatur, ut, quid velim, explicem, admonebo, ut quædam qualitates sunt, aut accidentia, quæ aliis saltem comparata simplicia dici possint, cuiusmodi sunt rotunditas, rectitudo, calor, gravitas, &c. ita alia esse quæ dici possunt composita, aut è variis qualitatibus in uno subiecto unitis facta: Ut in variis pigmentis viriditas sit ex cæruleo & flavo exquisitè mixtis, pulchritudo resultat ex colore, lineamentis, statura proportionata, mole apta, venusto motu, aliisque quibusdam humani corporis accidentibus, ejusque partium. Quorum quidem compositorum accidentium longè plura esse puto, quam quis sibi primum fingere queat. Huic autem entium Geni, locutiones à *Naturalistis* sæpe adhibitis inducunt me ut putem *Naturam* maxime assernem esse. Ex qua hypothesi colligere quis poterit, cum dicitur sanitate fieri ut quis bene edat, digerat, &c. quia homines sanitatem non intuentur ut distinctam separatamque hominum effectuum causam; sed ut *compositum accidens*, hoc est complexum quoddam ex omnibus realibus, & genuinis boni appetitus causis, digestionem, somno, &c. ita ut valetudo, seu sanitas non tam sit causa eorum omnium, quam effectus, colligere inquam quis poterit, cum *Natura* quodpiam agere dicitur nihil aliud nos concipere oportere quam quoddam effectus oriantur à Physicis corporibus, & qualitatibus, aut propriis potius causis; quas dum ut in eundem effectum conspirantes inuenimus, quodam locutionis compendio *Naturam* dicimus.

His aut non absimilibus interpretationibus tenendum putavi, utrum convenientem, & qui intelligeretur tradere sensum possem, vartorum axiomatum ac sententiarum, variarumque loquendi formularum, ab iis sæpe adhibitarum, qui sæpe, variisque modis dicunt, *Naturam agere hac aut illud, Naturam agere hoc aut illo modo*. Sed laboriosi aded opus negotii compositorum axiomatum tam imperitè ambigèque enunciatorum illustrationem, ut quod orium mihi, & patientia quoque fortè deessent, ipso radio ab ulteriore progressu prohibitus sim. Quam ob causam, quanvis fortè argumento aded obscuro quædam ex dictis quamquam murilis lux affulgere queat, comparatis maxime, iis quæ tradidit in quarta Sectione de *Natura* generali, & particulari; parum tamen allatis nunc utat in exponendis *effari* hac septima in Sectione examinandis; cum propositum mihi negotium absque iis expedire me posse putem. Quod ut facilius exequatur non in hærendo ei, quo disponuntur, ordini post quartæ Sectionis initium, ita de iis loquendi formulis agam prout judicavero alias ab aliis majorem trahere posse lucem, aut prout prius, vel posterius chartæ ipsas complexæ repertæ fuerint.

Primum axiomatum receptorum hic examinandum illud est, *Omnis Na-*

entia est conservatrix sui, abi nomine *Nature*, ut arbitror, *Naturale* corpus intelligunt: Neque enim quid aliouin velint, capio; hoc autem axioma duplicem admittit interpretationem. Vel enim nihil aliud significat, quàm quòd corpus quodpiam ad sui destructionem tendat, vel quòd in unoquoque corpore principium quoddam sit *Natura* dictum, ratione cuius vigili corpus industria *Naturalis* sui status conservatori intentum est, defensionique à violentia, impressionibûsque aliorum omnium corporum illud oppugnantium, aut destruere conantium.

In priore duorum illorum sensuum axioma admitti poterit absque ullo Doctrinæ nostræ detrimento. Cum enim nostram secundum hypothesein inanimata nec habeant, nec habere queant appetitus, odia, aut intentiones, quæ non brutæ materiæ, sed entium intelligentium affectiones sunt, ego quidem, qui inanimata corpora omni carere appetitu existimo, facile admisero, nullam quæ sui destructionem appetant, inesse iisdem appetentiam.

At priori sensui conformiter propositum mox axioma, inquit, unumquodque corpus continere intra se principium, vi cuius conspiscit, omnique sui in conservationem conatu nititur, eaque omnia conatur agere quæ ad eandem conferunt, ac prohibere omnes omnino conatus ad sui excidium, vel ab externis agentibus, vel ab internis morbis.

Ut autem huius axiomatis sensus hic maxime communis est, quare hoc id præcipue sensu examinandum suscipiam.

Mihi itaque omnino persuadeo sapientissimum rerum Creatorem mundum primum ita constituisse atque ejusmodi motus leges corpora inter, quæ eundem componebant; ut generalis concursus ope, partes Universi majores maxime ac nobiliores, iis in locis positæ sint, iisque instructæ facultatibus, ut ordinarii concursus, Generalisque providentiæ auxilio continuari possint, atque existere tamdiu, quamdiu stata rerum corporearum conditio id exigat.

Ex hac hypothesei rationi omnino conformi sat elucescet necesse non esse, ut quis confugiat, conservandorum particularium corporum gratiâ, ad internum eorundem appetitum innatamque, quam adversarii fingunt, iisdem cognitionem; cum vi primordialis rerum constitutionis, legumque motus statutarum, corpora necessario determinentur ad agendum iis in casibus eodem modo quo agerent, si reipsa sui conservationem intenderent: Ita inflata vesica si compressione inclusi aëris solis dimensionibus & figura priveretur, illico conabitur rejicere illud ac repellere quod ipsi vim infert, debilioremque primo corporis comprimentis partem loco movere; licet nullus, ut alibi docui, in aëre sit appetitus, neque in vesica determinatæ illius figuræ, cuius adeò tenax videtur. Perinde enim est massæ fermenti sive figuram rotundam, sive oblongam, sive planam aut aliam quamcumque forriatur. Quamcumque manu, instrumentoye eidem impresseris, illam absque ullo prioris resumendæ

appetitu retinebit: Ita perinde est particulæ ceræ, sive ei imprimas sigillo lapum, sive aghum. Atque ut brevitatis gratia ea prætermittam exempla, quæ duci possent è ligno, marmore, ac metallis, arte, instrumentisque sculptoribus variè figuratis, indicabo tantum acum Nauricam, priusquam exciterur, ad unam Cæli partem potius quam ad aliam non propendere; cum autem debito modo magneti applicata fuerit, lilium ad septentrionem determinandum, extremumque oppositum ad meridiem. Quare si lilium detorqueatur ad orientem, aut occidentem, ut primum vis detentrix amota fuerit, ad priorem rediturum est situm, nec unquam quieturum donec septentrionem respiciat. Quantaunque autem sit hæc in speciem, lilii ad illud horizonis punctum inclinatio, si contrario polo magnes idem debite applicatus fuerit, aut alius robustior, oblitum statim prioris inclinationis lilium meridiem respiciet, ad quem situm quasi sponte redibit cum detortum fuerit versus occidentem, aut orientem, si sua rursus libertati relictum fuerit. Quamvis itaque ad unicum Cæli punctum aded propendere videretur, momento tamen temporis contingere poterit ut vehementem ad oppositam partem inclinationem habeat: Quod scilicet lilium ex se ad unam Cæli partem potius quam ad aliam non propendeat, quiescatque eo in situ ad quem magneticorum effluviolorum vi postremò determinatum est. Quo quidem exemplo confirmari atque illustrari poterit, quod superius generaliter asseribamus.

Aliud receptum de *Natura* axioma est, quòd *nunquam excidat sine suo*. Ob huius propositionis ambiguitatem difficile omnino mihi videtur meam super ea sententiam proponere. Ut tamen aliquid dicam, si per *Naturam* hic intelligamus illud ens quod Scholæ *Naturam Naturantem* vocant, admitto, aut potius assero, *Naturam* nunquam excidere suo fine. Omnicilius enim omnipotensque rerum Author cum mundum semel constituisset, in eoque statas motus, leges, quas semper observat ac tueretur, nulla irregularitas, aut anomalia accidere poterit inter maiora, maxime mundana corpora, quam ab initio non præviderit, ac permiserit, cum ea omnis genuina tantum sit ordinis rerum primum constituti sequela, ut alibi declaravi exemplis Eclipsium Solis & Lunæ, cui alia addere possem ut inundationes *Nili*, necessaria aded ad sanitatem abundantiamque *Aegyptiorum*. Et quamvis quibusdam in casibus institutis hic ordo, aut re ipsa, aut in speciem mutatus sit, ac violatus, ut quando diebus *Joshua* Sol steterisse dicitur, mareque rubrum divisisse sese ut liberum *Israelitis* à *Mose* ductis. transitum præberet, cum tamen hæc rarissime contingunt, gravissimisque de causis, peculiari primæ causæ interventu, aut gubernantis, aut prohibentis secundariorum agentium propensiones, motusque, dici nequit Deus excidisse sine suo designatis iis in speciem anomaliis, quibus efficacissime & sapientissime eundem assequitur. Si autem *Natura* nomine subordinatum principium intelligatur, quale homines eo nomine intelligere solent, axioma multis in casibus falsum esse merito suspicor; licet enim verum sit, ut sæpe dixi, Mundum materiale ita esse constitutum, ut

res plerumque corporeis ab agentibus fiant, non minùs regulariter, quàm si effectus à se productos intenderent, sæpe tamen contrario res modo contingunt.

Ira in confesso apud omnes est, cùm mulier uterum gerit, *Naturam* ed collimare ut genuinum fœtum humanum producat; quæ tamen à proposito sibi scopo devia monstrum gignat. Cujus rei tam frequentia extant exempla ut integra edita fuerint in lucem volumina quibus deformes *Naturæ* aberrationes describuntur. Sæpe cernimus *Naturam* in febribus, aliisque morbis acutis, crises conari prolicere diebus minùs idoneis, intempestivisque illis conatibus non tantùm sine suo, qui est curatio ægroti, excidere, sed eum in pejorem sæpe statum deducere; huc accedit quoddam variis homines artibus *Naturam* fallant, ut quando *insitione*, sapor à *Natura* productus eo consilio ut alba spinæ, exempli gratiâ, nutrimento sit, ab Hortulano alendo alterius planè generis fructui adhibetur; ira cùm Brasili confectores efficiunt ut triticum germiner, germinatio, qua *Natura* pediculos, seu scapos, aristasque producere volebat, aliùm omnino in scopum pervertitur, ipsaque decipitur. Ut quædam nunc ad hominem argumenta proponam dicunt *Naturam* ed collimare ut quodlibet agens assimilet sibi passum: Qua, inquirunt, de causa, ignis niritur convertere lignum, aliâque, in quæ agit, corpora, in ignem; quæ res si ita se habeat, suo sæpe *Natura* excidit sine Chymicis in fornacibus, in quibus flamma lateres ab igne candentes in ignem nunquam convertit, neque crucibula, neque cupelas, neque aurum & argentum, quæ omnia intimè pervadit, ignitque, eundem pariter iis colorem impertitur, aut prope eundem cum suo, magnòque in intensiõis gradu, atque in actuali fusiõne servat. Et cùm ignis in lignum etiam agit, una tantùm ejus pars in ignem vertitur, cùm, ut nihil dicam de fuligine, concretòque fumo, cineres fixi remaneant atque immobiles. Utque aliud addam exemplum ad hominem, cùm ajunt *Naturam* aquam *Ambliis in Sulfuris* cogere sursum ob fugam vacui, suo necesse est, ut alibi aliùm in scopum animadverti, sine excidat, quoties antlia triginta quinque, aut quadraginta pedum altitudinem transcendit; quamvis enim tum à superioriòre machinâ parte aërem attrahere coneris, ea ad superius orificium ascensura non est, ac proinde cavitatem relictura est, ad quam replendam liquorem illum triginta duos aut tres elevalse pedes dicebatur.

Aliud jam receptum, de *Natura*, axioma illud est, *Natura semper agit per vias brevissimas*. Sed hæc regula non minùs, quàm multæ aliæ, explicanda ac limitanda est, priusquam admittatur. Fateor enim ut sæpe inculcare soleo, omniscium Authorem Universi ita illud fabricasse, ut pleræque ejus partes tam conformiter ejusdem finì agant, quàm si id reipsa intenderent. At cùm inanimata saltem corpora nullam habeant cognitionem, nemo merited crediderit ea moderari semper, ac variare actiones suas juxta particularium circumstantiarum exigentias, quas minimè norunt & nosse nequeunt, mirum

proinde foret, si sæpe non determinarentur ad agendum, aliis quàm compendiosissimis ad fines particulares mediis, si media illa, sive viæ illæ generalibus statisque rerum corporearum legibus magis congruant. Hoc ductis ab ipsa gravitate exemplis probò, quæ quidem qualitas, majore quàm quævis alia, probabilioris specie innata insitæque facultas, ac propensio dici poterit. Verissimum siquidem est, si lapis aliudve ponderosum corpus liberum in ætrem demittatur, eum rectà versùs centrum terræ prolapsurum; si autem incidat in planum quo à cursu detorqueatur, non desinet propterea versùs terræ centrum tendere, sed per planum decurret, unde fit ut deorsum tendere pergat, licet non ut priùs per normalem, seu perpendicularem, per brevissimam tamen, per quam tunc licet, lineam. Obvia hæc Phænomena, fateor, optimè congruunt vulgari axiomati, præcipuèque fortè causæ fuere cur homines id condiderint. Sed jam ponamus Globulum ex marmore, aut chalybe, sat magno intervallo per ætrem prolapsum in pavementum marmoreum, aut durum quempiam ejuscemodi lapidem, qui pavementorum more in plano Horizontali jacet; hoc in casu, ut experientia docet lapis cadens resiliat ad insignem altitudinem comparatè ad eam ex qua decidit, altitudinem, rursusque cadens, iterum resiliat, licet non ad eam, ad quam priùs altitudinem, atque ut verbo dicam plucibus priùs vicibus resiliat quàm super pavementum quiescat, ac tam propinquus centro gravium sit, quàm esse queat. Si enim *Natura* per vias semper brevissimas ageret, Globulus hic omnino resiliere non deberet, sed statim, atque ex duritie pavimenti comperit altius se descendere non posse, illic quiescere debuisset, ut in loco proximo, sive quo nullum centro terræ vicinius reperire potuisset, unde quovis resultu longius hand dubiè removeretur; eodem modo cùm pendulum, aut Globulus chordæ extremo appensus ita est, ut chorda sit præter propter Horizonti parallela, si inde demittatur, non quiescet ad lineam perpendicularem, seu directionis, quæ à fulcro per centrum Globi ad terræ centrum extenditur, sed ultra eam perget, arcumque describet octoginta, aut nonaginta graduum fursum, reversusque inde, rursus ultra lineam directionis progredietur, atque ex alia parte alium magnum arcum fursum describet licet non omnino tantum, quantum erat alter, sicque ultra citraque lineam directionis progredietur longo sat tempore priusquam in ea quiescat, licet, quoties eam transcendit, versùs alterutram partem, ascendere reipsa fursum debeat, longiusque à centro terræ removeri, ad quod innatam habere propensionem dicitur, vi cujus determinatur ut quàm proximè ad illud, & quàm citissime accedat. Sed id omnino verum est inanimata saltem corpora nulla prævia cognitione intentioneve agentia, sistere non posse aut moderari actiones suas, sed necessariò movenda ut secundùm Catholicas morus leges determinata: Juxta quas in uno casu imperus à Globulo acquisitus ex casu, potentior est ad eum ultra lineam directionis transferendum, quàm actio causarum gravitatis ad eum sistendum

ut primum accedit ad locum centro terræ tam vicinum quàm ex tribuere queunt.

IV. Huic simile quidpiam contingit tam in levitate quàm in gravitate, si enim accipias oblongam convenienterque figuratam ligni levis particulam, putà ligni abiegni, & postquam stagnantis profundius aquæ fundo immerferis, si sinas liberè ascendere, non ad superficiem tantùm aquæ redibit, ubi secundùm leges gravitatis quiescere deberet, quievitque priusquam deorsum truderetur, sed illam etiam superficiem transcendet, seseque ex parte in aërem incumbentem exportiget, tùmque rursus decider, resilietque secunda vice, ac fortè etiam pluribus vicibus, decideretque rursus antequam in debito loco quiescat, in quo in æquilibrio est cùm aqua quæ sursum eam pellere nititur.

Aliud vulgò receptum de *Natura* axioma ita se habet, *Natura semper quod optimum est facit* †. Sed hac de re meam tradere opinionem tutum non erit, donec verborum primò ambiguitatem sustulero, duplicem enim facillè sensum pati ea possunt, cùm significare queant Naturam in omni parte Universi id facere semper quod optimum est, ad conservandum præsentem ipsius statum, vel comparatè ad quodlibet corpus particulare Naturam semper agere quod optimum est, hoc est quod magis conducit ad conservationem commodumque illius corporis. Si prior prædictorum sensum consideretur, axioma minus falsum futurum est: At tum difficile fuerit aliis illud exemplis probare, quàm iis quibus probatur Naturam non aliter quàm iuxta leges mechanicas agere: Quare donec ejusmodi argumenta ostendam, ad alium axiomatis nostri sensum procedo, qui licet maximè vulgaris sit admitti tamen nequit, nisi explicetur & limitetur. Facillè adnisi sum sapientissimum rerum corporearum Authorem ita mundum condidisse, ut pleraque in eo contingant, quasi particularia, ex quibus constat, corpora, & suæ & Universi conservationi invigilarent, ea tamen sum in mente particularia corpora, ea saltem quæ inanimata sunt absque cognitione intentioneque operantia, ad id quod ipsis optimum est, non nisi conformiter generalibus motus statisque rerum corporearum legibus actiones suas dirigere quibuscum ut conformitas obtimeatur multa fiunt, neque optima, neque bona comparativè ad particulatium corporum bonum.

Ita omnino sentio non profundioribus modo de quibus supra speculationibus, sed & quotidianis Observationibus, obvisque experimentis inductus: Sæpe videmus arbores fructiferas maximè annosas aliquando fructibus onustas, quæ brevi post ærescent & peribunt: Quinetiam dum florent, nimium numeroforum fructuum pondus, sæpe eos quibus hi accrescunt, ramos incurvatos prius diffingit: Unde fit, ut fructuum maturitas impediatur, morsque arbori acceleretur. Jam funesta huic prodigalitati obviam itum fuisset, si fa-

† *Natura semper illud facit quod est optimum eorum quæ fieri possunt.* Arist. 1. 2. de Gen. 20. §. 12. Item de Cælo. §. 11. & 4.

piens *Naturâ* plantæ insidens, ea quam fingunt, sollicitudine bono Univerſi invigilaſſet.

Variis quoque in morbis videmus, atque in intempeſtivis noxiſque februm criſibus, quàm maximè quod homines *Naturam* dicunt, ab eo ſape deviet, quod ad ægri conſervationem optimum foret, variis enim in morbis, ut *hemorrhagiis*, *Convulſionibus*, *Cholera*, &c. id præcipuè Medicis propoſitum eſt, ut furorem errorèſque *Natura* corrigant, quæ cæca quaſi violentæque paſſione abrepta eos in corpore, intempeſtivèque ad eò motus excitat, ut ſi eiſdem reiſſa ſaluti invigilaret, eadem cura eos præpediſſet, qua Medicus compeſcere nititur.

Huc accedit ſi *Natura* provida adeò ſit, vigílque in bonum hominum, aliorumque animalium, ejusque mundi plagæ in qua degunt, quæ ſit ut identidem tantam hominum, pecudumque multitudinem terræ moribus, peſtilentiis, fame, aliſque anomaliis deſtruat? Quæ pariter toties contingit ut in gravidis mulieribus, terrore fortè, nimioque cujuſquam deſiderio, meròque externi objecti inſpectu, *Natura* adeò ſe turbari patiatur, plasticæque lux eò uſque obliſcat peritiæ, ut infantibus rite formatis horrenda ſubſtituat monſtra, adeoque ſape deformia, ruditerque contexta, ut non tantum ipſa vix uno die aut una hora vivere nequeant, ſed niſi extincta matre naſci non poſſint.

Hæ, atque hujusmodi aliæ anomalæ, licèt ut alibi oſtendi Catholicis Univerſi legibus non repugnent earumque ratio reddi queat è doctrina de generali Dei providentia, videri tamen poſſint aberrationes incongruæ ſatis *Idea* quam Scholæ exhibent *Natura*, ut *entis* ſcilicet quod juxta axiomata hætenus examinatum, *facit ſemper id quod optimum eſt*. Sed jam tempus eſt ut hinc ad alterius axiomatis examen procedamus.

Licèt de *Vacuo* egerim in quinta Sectione, de eo tamen quidpiam in hac dicendum; quia illud tantum, ut à Peripateticis aliſque adhibitum contemplatus ſum, ut à Peripateticis inquam adhibitum ut oſtendant ejus principii neceſſitatem quod *Naturam* dicunt: Sed nunc de *Vacuo* acturus ſum non tam ut de argumento conſutando, quàm ut appendice axiomatis ſpecioſi hinc examinandi, quamvis verear ne ob argumenti licèt in quinta Sectione, hincque varios in ſcopos conſiderari affinitatem, fieri vix poſſit ut non quædam illic dicta hinc repetam.

Y. Cùm vox *Vacuum* ambigua ſit, variòque ſenſu uſurpetur, neceſſarium puto priuſquam meam de eo opinionem exponam, ſive potiùs, de recepto Scholarum axiomate, *Natura abhorret à Vacuo*, aut ut alii loquuntur, *Natura horret Vacuum*, neceſſarium inquam puto præmittere varias quas obſervavi hujus vocis acceptiones: Vulgaris enim interdum eſt, Philoſophica interdum ſtrictæque illius ſignificatio: Vulgò homines *Vacuum* ſumunt, non pro eo quod privatur omni corpore, ſed quod caret eo quod exiſtimant inelle debere, aut certè ad quod continendum factum eſt, aut deſignatum: Ut cùm dicimus

dicimus crumenam esse Vacuum, quia caret pecunia, aut vesicam esse Vacuum, cum aer est expressus, aut dolium nondum adhuc impletum, vel ex quo vinum eductum fuerit.

Vacuum alio quoque à Philosophis sensu usurpatur, à Philosophis inquam strictè loquentibus, cum ea voce intelligunt spatium intra mundum (neque enim loquor hinc de imaginario Scholarum spatio ultra limites Universi) in quo nullum omnino corpus continetur: Hac præmissa distinctione monendus es si vox *Vacuum* stricto sensu sumatur, licet plurimi iique ex præcipuis amicorum invitarent me ad meam de *existentia Vacui* declarandam opinionem, quod crederent plura me quam fortè alius quispiam fecerit fecisse circa illud experimenta, de neutra tamen parte sententiam hætenus voluisse me meam aperire: Cum decisio quæstionis huiusce videatur pendere à vera corporis notionem, cujus essentiam *Cartesiani* asserunt, ac plerique alii Philosophi negant in sola extensione juxta tres dimensiones, longitudinem, latitudinem, profunditatem, aut spissitudinem consistere. Si enim Cartesii notio admittatur rationi consentaneum non erit admittere Vacuum, cum omne spatium Vacuum tres habeat dimensiones, adeoque quicquid corpus essentialiter constituit: Omniaque experimenta quæ fieri possunt ope Mercurii, aut *Machina Boyleana* ut loquuntur, aliorumve instrumentorum similes in usus inventorum facile eludent Cartesiani, qui dicent spatium desertum à Mercurio non esse Vacuum cum habeat longitudinem, latitudinem, & profunditatem, sed plenum esse *materia subtili*, quæ egreditur ingrediturque liberè per vitri poros, quod magneticis effluviis contingit. At quamvis ob has aliasque rationes, ut superius dixi fecisse me alias, non sim declaraturus quid de utraque controversiæ parte sentiam, fatebor tamen ingenuè non acquiescere me recepto huic in Scholis axiomati: *Natura abhorret à Vacuo*.

Nam primò animadverto hac præcipua, ac fortè sola ratione induci pleurosque Philosophos ut credant *Naturam abhorreere à Vacuo*, quod quibusdam in casibus ut in ascensu aquæ *Suëtoris in antliis*, &c. observent insolitum esse conatum, ac fortè validum etiam motum in aqua, aliisque corporibus ad resistendum Vacuo.

Sed cum nihil hinc manifestum videam præterquam quòd quædam corpora ponderis non expertia tendant sursum, aut motu ferantur à motu solito diverso quoad determinationem, celeritatem, &c. non facile nulla necessitate coactus inanimatis sensusque omnis expertibus corporibus, cujusmodi sunt *aqua, aer*, &c. appetitus odiaque entium rationalium, aut certè sensitivorum ascripsero: Ac propterea vel idcirco causas adèd ineptas rejicio quòd absque illis motus eidem ascripti explicari possint.

II. Si Cartesianam corporis essentiam admittamus ut à multis recentioribus Philosophis & Mathematicis admittitur, negari non potest à *Natura* sæpe non existere magnos, atque irregulares sæpe conatus ad Vacuum impediendum

cùm nullum esse *Vacuum* possit; stultè omnino supponeremus *Naturam*, quam ut ens sapientissimum nobis exhibent insolitis operaturam modis, ut id quod impossibile est præpediat.

3. Si Atomistarum admittamus Hypothesein concedendum omnino est non tantùm *Naturam* non abhorreere à *Vacuo*, sed pleraque etiam eorum quæ agit illud requirere, cùm locali motu fiant : Sæpissime enim contingit etiam juxta illos Philosophos, ut necessarii corporum motus fieri non possint, ni corpuscula obvia in *Vacuola* quædam impellantur, cùm corpus propellens loco ea deturbare nititur : Quare *effatum hoc Natura* abhorreat à *Vacuo* præcipuis recentiorum Philosophorum sectis non congruit.

Sed omiſſa harum Sectarum autoritate, colligi potest ex phænomenis ad *Naturam* à *Vacuo* horrorem demonstrandum adhibitis, aut *Naturam* non abhorreere à *Vacuo* etiam tum cùm maximè illud vitare nititur, aut illud valde leviter odissè, si præsertim eo sensu sumatur *Vacuum* quo vulgaris Philosophia illud accipit.

Si enim consideremus in plerisque visibilibus in hoc sublimari orbe corporibus, atque in ipso etiam aëre atmospherico plus minùsve gravitatis esse, aut tendentiæ deorsum versùs centrum Globi Terraquei, sat animadvertemus necesse non esse ut seipsam *Natura* turbet, agatque irregulariter ut impediantur *Vacuum*.

Quamvis enim *Vacuum* non horreret, præpedire, aut repleti poterit ejusdem conatu ad constituenda omnia gravia corpora circa centrum Terræ, quantum graviora corpora sinunt. Et quamvis etiam nullum *Natura* Vacuum prohibere intendat, ne dicam quamvis non existat, Vacuum impediens, impugnantque ut reipsa impugnant omnia ferè in hoc sublimari orbe corpora gravia, liquores confluentes, fluidaque omnia : Ipsa enim gravitate partiumque exilitate determinabuntur ad implenda omnia spatia quæ ab aliis corporibus aut specie gravioribus occupata non fuerint, aut quæ texturæ soliditate ipsorum descensum prohibent. Cui conformiter notioni observare licet, quando nullum est periculum *Vacui* corpora moveri posse ut moventur, cùm dicuntur eò conniti ut *Vacuum* impediant : Ut si pugnum profundius intrudas in *Situlam* arena plenam, posteaque extrahas, sola arenæ gravitate fiet ut major pars spatii à pugno tuo deserti repleatur. Si autem situla non arena repleatur sed aggregato corpusculorum minutiorum, mobiliorumque granis arenæ putà, mercurio aut aqua, tum spatium à manu desertum ad sensum saltē, penitus replebitur à corpusculis liquoris, quæ gravitate, exilitate, fluiditateque corporis quod constituunt, determinantur ad replendum spatium à manu desertum, quæ in alterutro horum liquorum immergebatur : Atque ut alibi ostendo si vitreum sumas syphonem, cujus cavitas angustior est quàm ut aquam, aut mercurium per se invicem transire intus sinat, si inquam ejusmodi syphonem sumas, opèque suctionis exiguum Mercurii Cylindrum ad dimidium circiter pollicem in inferiore ejusdem parte disposueris, orificiūque superius

superius diligenter pulpa digiti occluseris, suspensus remanebit in syphone mercurius: Et si tum mercurium rectà deorsum in vitrum paulo profundius, aut aliud quodvis vas aqua plenum detruas donec mercurius deprimatur ultra pedem sub aquæ superficie, si tum digitum amoveris ab orificio tubi prius obstructi, statim videbis mercurium sex vel quinque pollices celeriter ascendentem, novaque hac in statione rursus suspensum.

Quo experimento manifestè videtur evinci id quod dudum excogitavi, & cujus gratiâ illud nunc adduco: Adest enim hic subitus gravis corporis, puta, Mercurii ascensus, suspenditurque in vitro, non ut *Vacuum* impediatur, tubus enim utrinque erat apertus, quòd Phænomena hæc leges æquilibrii liquorum quasi sponte sequantur: Ut alibi dilucidè, & minutiùs doceo.

Cùm mecum ipse perpendo quantam Philosophi Scholastici *Natura* potentiam ascribant, eò minùs propendeo ut puteim tantum abhorre ipsam à Vacuo, quantum abhorre illam ipsi crediderunt: Ostendi enim in quinta Sectione, ipsius ab illo aversionem, vigilantiamque ad illud evitandum non esse ejusmodi ut in sensu Peripatetico pacificè id admittere non possit quibusdam in casibus, in quibus exiguo admodum conatu, impedire illud posset, aut replere, ut clarè in præmemorata Sectione declaravi. Commemoravi jam *Vacuum* sensu Peripatetico, quia quando experimentum *Torricellianum* fit, licet fortè evidentè probari nequeat, aut contra *Cartesianos*, aut alios quosdam *Plenistas* in superiore tubi parte à Mercurio deserti esse *Vacuum* sensu vocis Philosophico & stricto, ut tamen suam ipsi mentem sensumque *Peripatetici* exponunt dum contra *Vacuum* in ista Sectione commemoratum disputant, accuratus observator sat animadverteret difficillimè ipsos ostendere posse in isto tubo non esse *Vacuum*: Ut ex modo Scholasticorum probandi *Natura* à Vacuo horrorem è suspensione aquæ, aliorumque liquorum in tubis conicisque irrigatoriis vasculis colligitur existimasse ipsos quodvis hic inferius spatium à conspicuo corpore desertum, cui nullum aliud conspicuum succederet, aut communis saltem aer, fuisse *Vacuum*. Ita spatio à Mercurio deserto in tubo, aut baroscopio triginta pollices longo facilè quis conjecerit *Vacuum* non esse adeò formidabile quid *Natura* quàm ipsi sibi fingant, ac fingere ex principiis suis debeant. Quid enim infortunii mundo obtingit, ex productione, aut continuatione ejusmodi *Vacui*, licet desertum spatium pollicem multum superaret, multosque duraret ad annos, ut sæpe in longioribus baroscopis contigit? Illique Peripatetici, qui nobis dicunt, si *Vacuum* existeret celestium corporum influentias omnino necessarias ad sublunarium conservationem esse intercipiendas, cùm motus in *Vacuo* fieri nequeat, probare deberent, & non supponere ejusmodi necessitatem, ac considerare in nostro casu superficiem argenti vivi, ad quam *Vacuum* porrigitur, videri plerumque protuberantem: Quo manifestum fit radios lucis quos influentiis admodum affines putant, aut earum esse vehiculum, aut posse transire illud *Vacuum* quia per

illud à Mercurio ad oculum aspicientis lux reflectitur: Atque in ejusmodi *Vacuo*, quoad communem aërem experientià didici sua emittere magnetem effluvia, ac movere chalybem, aut ferrum in eo situm. Ut verbo dicam nequaquam evidens est *Naturam* hîc inferius aded *Vacuum* odisse, ut manifestè illud horreat. Atque absque peculiari aliqua sollicitudine *Vacuum* saltem Philosophicum tantum impediunt, quantum Universi bonum requirit, gravitas *confluxibilitasque* liquorum, aliorumque corporum in sublunari hoc orbe existentium: Quod autem ad illos spectat qui dicunt *Naturam* abhorrere, ac præpedire *Vacuum* tam in superiore Mundi regione, quàm in inferiore, non est quoddam hanc assertionem confutemus donec ipsi illam probarint: Quod sanè ardui opus laboris futurum ipsis est, ut omitram *Cartesianum* objecturum tam inutiliter *Naturam* resistere *Vacuo* in Cælis, quàm in Terra; cùm nullibi produci possit.

VI. Ad celeberrimum jam axioma illud venio quo Natura morborum medicatrix asseritur, ab *Hippocrate* * desumptum, qui plurali numero utitur *remedia* *quoribus* *interd.*

Quia autem hoc axioma à Medicis plerisque, Philosophisque admittitur, eoque præcipuè, ens illud quod *Naturam* dicunt, introductum videtur: Opera pretium fuerit paulò attentius considerare, quo sensu, & quousque celebris hæc sententia admitti debeat. Observandum itaque primò negativè usurpari posse quatenus sonat eorum morbos curari non posse, in quibus potentia, facultatesque vitales corporis debilitatae aded sunt, ac depravatae ut necessaria vitæ servandæ munia obire nequeant, aut certè adhibita à Medico remedia juvare non possint: Quem quidem vulgarium illarum phrasium sensum esse existimo, quibus asseritur, *remedia esse serius adhibita, Naturam esse penitus consumptam*. Hoc autem sensu hujusce axiomatis veritatem faciliè agnosco. Quoties enim machina necessarias aliquas partes habet, sive fluidas, sive solidas, aded depravatas, aut debilitatas, ut remediis nullatenus co-operari queat, immeritò quis sperarit expectam à remediis sanitatem. Sed nulla, ut reor, hîc difficultas occurrit quæ moram nobis injicere debeat. Ad positivum itaque quem axioma nostrum præ se fert, sensum accedo, quique usitator longè est: Homines enim existimare solent, residere in corpore ægroti ens quoddam vigil providumque, quod omnem semper adhibet industriam, conatusque tum Medici, tum suos, ut depravatam corporis temperiem corrigat, pristinamque eidem sanitatem restituat: Quid hac de doctrina sentiam è dicendis colligere poteris.

Animadverti itaque primò oportebit, sapientissimum, benignumque mundi, & hominis Conditorum voluisse ut plerique hominum per multos annos eo in statu viverent, in quo suas in Mundi Theatro partes agere possent: Quocirca hæc humanorum corporum automata ita contextenda censuit ut communibus rationis subsidiis, ipsiusque exquisiti contextus, factique ad durationem ope-

* *Hipp. Epid. l. 6. Sect. 5.*

auxiliòque variorum corporum, inter quæ collocantur, licet non intento, pristinam sæpe valetudinem recuperare queant, si levioribus quibusdam calibus eam deperdiderint, levioribus inquam, quàm ii sint qui propositum generali providentiæ finem spectant, quas nec superare, nec præpedire ipsemet vult.

Plurima itaque quæ vulgò ascribuntur *Naturæ*, aptius meo quidem iudicio macrocosmi, & microcosmi mechanisimis ascribi poterunt; hoc est humani corporis, atque Universi: Atque ut quid velim uno, alteròve exemplo illustrem, mecum velim paulisper inspicias pyxidem nauticam, in qua acus magnetica excitata, pyxisque ipsa à comperenti oppositorum ponderum numero æquili-
brantur: Quamvis enim hoc instrumentum aliquanto validius concutias, titubabit pyxis, inclinabiturque nunc huc, nunc illuc, eodémque tempore acus magnetice puncta variis gradibus ad orientem, aut occidentem propelles, contextus tamen instrumenti, ac magnetismus præcipuè illius partis ejusmodi sunt, ut si vis, qua turbatus primùm ipsius motus est, quiescat, ad situm pyxis horizontalem reditura sit aliquot post reciprocatones; acúsque, quæ deviat post aliquot ad hanc illamve magnetici meridiani partem inclinationes in eodem situ quictura sit, in quo *Lilium* rectà septentrionem stabilitèrque respiciat: Hæc tamen, statui pristino restitutio, factitio in corpore contingit, mero instrumenti ipsius mechanismo, aliorumque corporum, intra quorum activitatis sphaeram constituitur: Sed quia pyxidem multi nauticam non viderunt, subjungam hic loci minùs appositum, sed magis obvium, ac familiare exemplum. Si enim cum vacua bilanz accuratè æquilibrat, halitu aut manu alteram librarum depresseris, proindeque ad tempus æquilibrium destruxeris; cum tamen vis semel amota est, depressa libra statim ascendet oppositæque descendet, postque aliquot sursum, ac deorsum subsultus, utraque rursus sponte accurato in æquilibrio quiescet, absque opè ullius ejusmodi providi interni principii, cuiusmodi *Natura* perhibetur: Quòdque ea hic nihil agat inde confirmari poterit, quòd depressa libra non statim quiescat ad horizontalem lineam sub qua primùm depressa fuit, ut contingere deberet, si ab ente intelligente elevaretur, sed longè eam excedit. Ita humano in corpore causæ ejusdem turbatrices sunt sæpe tantùm transientes, cum structura corporis ipsius causarumque ad ejusdem conservationem conducentium, stabiles magis sint, magisque durabiles, ac propterea eam machinæ vim addere possint, qua diutius, plurimis rebus ipsi adversis, durare queat. Hoc nonnihil illustrari poterit, si perpendamus somnum licet propriè morbus non sit, facilè morbum evadere cum debitos sibi limites frequenter transgreditur.

Qui etiam cum debitos intra limites continetur, quandiu durat, plus obstat exercitio variarum corporis functionum, quàm varii morbi. Juxta tamen commune rerum curriculum, materia sensus obstruente jam consumpta, ad actuosum cum homo statum redit, ratione cujus vigil, & vigilare dicitur. Sed ut propius ad rem accedamus, videmus multos præternaturalem à nimio potu sitim passos ea, paucos intra dies, à nimio ejusmodi potu abstinencia liberari,

multisque item, qui nimia ciborum ingurgitatione appetentia privantur, appetentiam rursus restitui parciori victu paucos intra dies : Quod renovatum ventriculi fermentum, seu menstruum per id tempus concoquere paulatim valeat, atque expellere indigesta alimenta, humoresque peccantes qui ventriculo graves erant, ipsamque appetentiam destruxerant.

Atque hic observari velim tanquam quidpiam quod ad nostrum maxime scopum faciat, humanum me corpus non intueri tanquam horologium aut molendinum manuale, hoc est machinam ex solidis tantum, aut minus consistentibus partibus factum, sed ceu machinam Hydraulicam, aut potius Hydraulicopneumaticam, quæ non ex solidis tantum, fixisque partibus constet, sed fluidis etiam iisque in motu organico. Neque hoc tantum observari cupio, sed & hæc fluida, liquores & spiritus in homine vivente ita esse constitutos, ut quibusdam in circumstantiis liquores sint ad fermentationem, seu commotionem dispositi; quæ aut ipsi puriores fiunt, aut noxia materia egeritur, aut utrumque contingit : Unde plerumque fit ut corpus melius se habeat.

Jam consistentes etiam partes eo modo fieri posse, connectique aliis partibus ut pro re nata quasi agant, varièntque motus pro circumstantiarum diversitate, alio in scripto doceo, quod te hic remittere possem ; Sed quia hoc paradoxum est, aliudque nihilo ipsi inferius fundat, unum hinc mutuo ab exemplum à nemine hunc in scopum quoad sciam commemoratum, quo & mens mea exponatur, & res ipsa confirmetur. Animadvertendum itaque oculi pupillam non esse, ut sat notum est, substantialem organi partem, sed rotundum tantum foramen, aut fenestellam in ivera factam, per quam modificati luminis radii ingreffi in Crystallinum humorem incidunt, indeque ad fundum oculi, sedèntque visionis refracti objectum illic plerumque, sed non semper distinctè quasi depingunt : Jam sapiens omnisciusque rerum Author, instrumentum hoc vilis miro adco artificio fabricavit, ut pro varietate luminum quibus objicitur, pupille area varieretur. Cum enim lumen vividum est, nimiumque foret, si radii omnes intromitterentur, qui intromitti possent per foramen solite capacitatis contracto undique circa medium sipario, rotundum foramen arctius fit.

Cum tam lumen languidum est, objectumque obscure tantum illustratum, quia plus lucis requiritur ut sufficiens in fundum oculi impressio fiat, siparium undique dilatatur, ut lux major intromittatur. Oculoque bene constituto, hoc regulariter fit, propter organum majore, minoremve lumine eget quæ de re recentiores quidam optice magistri egerunt; deque eadem alibi ipse finius: Rem autem ita omnino se habere comperies, si oculos puelli, aut puellæ inspicias (in junioribus enim miratio facilius percipitur,) cum oculi ab obscuris objectis ad illustriora magisque illuminata convertuntur. Variationem hanc conspicuam adhuc magis comperi in oculis junioris felis, ut alibi peculiariter refero: Quare cum te ad scripta mox indicata remittendum censeam, hoc loco addam tantum varios eos in oculo motus à mero mechanismo produci, absque cognitione ulla, directione, aut perceptione rationalis animæ. Eodémque modo varii

alii motus variis aliis in partibus ad oculum spectantibus sponte quasi pro re nata producuntur. Atque quod ad fluidas corporis partes attinet, cōperimus secundum institutionem Auctoris rerum, cum sanæ mulieres competentis sunt ætatis, quolibet mense contingere in iisdem fermentationem, aut commotionem in sanguine, ex qua quedam plerumque separatio, tum excreto corpori utilis oritur.

Utque melius capias, quid velim ipsa partium dispositione ad pristini status recuperationem, intueri mecum tenuem, arctamque laminam chalybis, aut argenti depurati: Si enim alterum ipsius extremum vi detorqueatur, mutata partium textura ejusmodi evadit, aut incongruitas & congruitas pororum comparatè ad aërem ambientem eosdem permeare conantem, ejusmodi fiunt ut statim atque incurvatrice vis amota fuerit, lamina quasi sponte ad pristinum situm redeat. Nullum tamen adest hic internum quod invigilet principium, sollicitèque illius restitutionem procuret: Perinde enim est laminæ in quacunque quiescat figura: Si enim corpus elasticum diu incurvatum fuerit, tum quasi Naturæ officii sui aut oblita foret, aut fungi eo non possit, licet vis elateris concentrix sublata fuerit, pristinam recuperare rectitudinem non conabitur: Animadvertique ipse laminam argentream candentem & refigeratam, si incurvetur, eo in situ perseveraturam: Quæ duobus tantum tribusve mallei ictibus, quibus invisibilis tantum texture mutatio fieri poterit manifestam habitura est, & insignem vim elasticam qua tursus eam spoliabis, si quantum necesse est, in igne calefacias, licet ne liqueat quidem.

Sed ut ad ceptam superius dissertationem de morbis, qui innocui esse solent, quia transeuntes, redeam, observare licet mulieres, tertio, quartove à partu die quoddam plerumque febris pari genus ob copiosioris in uberibus lactis redundantiam, qui morbus à multis *lactis febris* dicitur. Quæ sponte & citò abicit quòd pendeat à causis ipsa corporis formæ & æconomia longè minùs diuturnis. Si autem quis objecerit hujusmodi febres morbos non esse quia secundum institutum à Natura cursum non contingunt, de vi illationis jam non disputabo, licet respondere possem labores prægnantium, dentionemque in infantibus non minùs secundum Naturæ institutionem contingere, quæ tamen utraque interperies magnos plerumque, ac sæpe non sine vitæ periculo dolores gignit. Assero itaque molestis jam quos commemoravi calibus, si minùs fortè probetur, certè illustrari quod mihi propositum fuerat: Mentionem insuper faciam morbi, quem Medici plerique ejusmodi agnoscunt, sanguinis scilicet venis hæmorrhoidalibus fluentis. Licet enim nimius interdum sit hic sanguinis fluxus, periculosusque proinde admodum fiat, ac proinde à Medico colhiberi debeat, [quod signum sanè non est huic evacuationi sapiens quoddam, vigilque ens præsidere] sæpe tamen, sin minùs plerumque ea est corporis constitutio, ut superfluis, vitiatúsque sanguis effluat, priusquam corpori graviter, aut fortè antequam ullatenus nocuerit: Ita cernimus varias tusses, rauce-dines, Coryzas curari hoc est hominibus non ampliùs molestas esse, licet nullum adversus eas adhibeatur remedium; quòd structura corporis sat durabilis sit,

sit, ut peccante materia diutius durare queat aut certe diutius operationibus causarum aliarum hos morbos gignentium.

Notum est plerosque qua primum vice navigant si præsertim tempestas sæviat insolitis navis agitationibus, ac fortè aëre marino, navisque odoribus in eum incidere morbum qui à causa marinus dicitur: Qui periculosus interdum est, atque admodum molestus semper: nauseam enim, fastidiumque ciborum plerumque gignit, continuumque ferè deliquium parit, Cephalalgiam, constantemque, ut dicebam, nauseam, vomitumque frequentem ac sæpe violentum, aliæque symptomata quibus pressi plures conqueruntur nunquam se pro temporis diuturnitate tam gravem passos esse morbum. Paucos tamen plerumque post dies hanc intemperiem paulatim corporis facultates superant: Quæ eò semper quasi collinant ut in regulari suo cursu perseverent, supprimantque motus adventitios, quibus corpus oppugnatur: Atque ita ægrotus absque ullo alio subsidio convalescit: Et quamvis homines mari inassueti, sive ægrent, sive secus, quandam ab inordinatis navis motibus in continente vertiginem pariantur: Ab hac tamen molesta vertigine paucos intra dies, [eadem paucas intra horas liberari solebam] liberantur absque ullius ope remedii, quod usitati regularisque partium corporis motus, irregularem adventitiumque motum mali causam obliterent Eundem in scopum observare licebit id quod multis accidit qui retroacti rheda non capitis tantum gravedinem patiuntur, sed & Cardialgiam, torquenturque vomitu violento, ac frequenti quasi emethicum quidpiam sumplissent. Hæc tamen intemperies desinere citò solet cum æger Rhedam deserit. Cujus absque continuatione motus, qui in ægro præposterus perseverat, intemperies citò cedit, magis ordinariis, regularibusque sanguinis motibus, aliorumque fluidorum corporis. Ita cum in rheda aut alibi contingit ut quis in deliquium incidat ex aëre, in angusto loco compresso, èque fuliginosis corporum humanorum exhalationibus, licet morbus sit terribilis, si tamen æger aëre libero sat citò fruatur, externi hujus corporis amica operatio, quæ iolitos partium corporis motus ad vitæ valetudinisque defensionem juvat, pristina brevi eum valetudini reddet. Non pauca quæ diversis in morbis contingunt aliquatenus illustrari poterunt: si posuerimus lutum in phialam, limpida plenum conjectum, phialamque tum concussam: Limpida siquidem turbida, jam fiet & lutosa, amissa duplici de causa diaphaneitate, primò ob lutum, cujus opacæ particule cum ea confunduntur, tum ob bullulas de novo in superficie generatas: Ut tamen suam hæc aqua limpiditatem recuperet, nihil opus speciali *Natura* cujuspiam cura. Sed juxta communem rerum cursum, aliquanto post, diffringentur bullæ, evanescentque in superficie terrestresque particule ex quibus lutum sua gravitate ad fundum subsident, ibique quiescent, atque aqua proinde limpidior evadet. Ita pariter mustum recentibus, ex uvis expressum, sat diu turbidum remanebit: Quamvis autem nulla adsit forma substantialis quæ facticii hujus corporis motus regat, juxta tamen rerum cursum fermentatio excitatur, quædamque abiguntur corpuscula, in forma exhalationum,

num, aut vaporum, aliâque lateribus cadi impacta illic durefcunt, in tartarum, alia rursus ad fundum subsidunt, ibique quiescunt instar sedimenti: Atque hinc liquor limpidus evadit, arque ad sensum uniformis: Porro cur depurationes quædam, proscriptionesque partium heterogenearum in sanguine non contingant æquæ, ac in musto, absque peculiari ulla, sollicitâque *Natura* directione?

Unum quidem superest, cui hæc sententia, qua *Natura morborum medicatrix* asseritur, non levi in speciem verisimilitudine applicari poterit: Vulnerum enim curatio, Sectionumque à *Natura* oriri videtur, si enim vulnera carnem tantum afficiant, sæpe absque Emplastris, aliisque medicamentis curari poterunt: Ut autem prætermittam hæmorrhagias, aliâque alia symptomata, quæ tanquam *Naturæ* errores Chirurgus corrigere debet, hæc curatio solutionis continui videtur ab ipsa corporis fabrica proficisci, à qua nutritio pender. Succus enim alimentitius cum circulatione sanguinis & chyli ad omnes corporis nutriendi partes feratur, si præternaturales alicubi concrectiones offendar, hiatumque vulnere factum, ipsius illic particulæ in spuriam quandam carnem concrefcunt, aliudve quodpiam ejusmodi corpus, cui constituendo succus ille, pro ratione loci, ac circumstantiarum idoneus est. Ita non scrophulæ, scrophulosique tantum tumores nutriuntur in corpore, sed irregulares inæque formatae in utero molæ, non minus nutrimento, quam Embryones accrescunt. Atque ut ad præsens argumentum propius accedam, superflua fungosâque etiam fortasse non minus producitur, nutriturque alimento ad partem læsam adducto, quam vera genuinâque caro. Quare omnino decepta *Natura* videtur, si productionem conservationemque superfluarum ejusmodi, atque incommodorum corporum intendit, aut certe reprehensione dignus Chirurgus est, qui iisdem destruendis omnem adhibet industriad licet ea sæpe destruere nequeat, nisi iis adhibitis corrosivis quæ summum dolorem excitent. At quantum quidem quotidiana experientia colligere licet, *Natura* aded crudelis non videtur, ut alimenta non subministret ad ea etiam reparanda quæ ad corpus tanquam genuinæ illius partes non spectant, & non tantum ad reparandam partium læsarum carnem, ut patet ex Morricinis, verrucis, fungisque qui rursus crescunt, posteaquam peritè dextræque dissecti sunt. Meminisse me mulierem vidisse in cujus sincipite, peculiari *Natura* cura, cornu pollicem circiter, & amplius longum nutrierat: Quod dum capiti adhuc accresceret, ne qua fraus subesset, diligenter examinavi.

Sed præter morbos, de quibus hætenus, varii alii sunt quos *Natura* sola non curat; quod igitur ad hos prioribus numerosiores spectat, meritò quis crediderit aphorismum; quo *Natura morborum curatrix dicitur*, minùs esse vero conformem, nisi sensu fortè limitato. Sed quia *Natura*, scio, existimatur iis etiam in morbis, *præcipuum esse agens*, cujus directione, conformiter ejusdem scopo Medicus agat, ipsique etiam Medici [utrum ignorantia, an modestia non inquiri] *Natura* se tantum ministros fatentur, necesse fuerit ut examinemus

quis nostræ conformiter doctrinæ iis assertibus tribuendus sit sensus, ut à nobis recipiantur.

Sed ut ad dicendam viam quasi paretur, animadverti oportebit præcipuum communium circa hoc argumentum errorum causam, ut partim jam insinuatam est, in eo esse positam, quod corpus humanum consideretur potius ut systema partium, quarum pleræque crassæ sunt ac consistentes, ac non paucæ duræ solidæque etiam, quam quemadmodum reipsa est, ut composita quædam machina quæ præter consistentes eas partes constant ex sanguine, chylo, felle, aliisque liquoribus, fluidisque etiam subtilioribus ut spiritibus, aëreque: Qui omnes liquores fluidæque ferè semper variè moventur, quo constanti, variòque motu plurimæ ex solidis partibus, puta cor, pulmones, diaphragma, manus, pedesque, &c. frequenter varièque commoventur; quare ut quando constitutio, motusque qui in sano corpore regulariter ad fluidas partes spectant, ita se habent, ut ista pervertatur, hic anomalus fiat, inordinata mox machina evadit, licet crassiores solidæ partes primariò affectæ non fuerint. Ita quoties idoneis remediis, sive conspicuis, sive secus, vitiatum sanguinis, aliorumque succorum textus corrigitur, inordinatæque ipsarum spirituumque motus, aut partium etiam consistentium ab his agitationes, sedatæ quiescunt crassiores solidioresque corporis partes, totaque animalis æconomia, si ita loqui liceat, meliori statui restituitur. Ita cernimus variis in mulieribus hysterici effluviis ex Hispanica Chirotheca, validò quoque alio quopiam odore, quod eo genus nervosum spiritusque infestentur, varia inordinata produci symptomata, sanguinisque motum sæpe ita obstrui, ut vix ulla venæ micatio sentiat, aut respiratio, totaque proinde machina laxior evadat, quam ut seipsam sustentare queat; rursum mox in terram motus omnis expers: Sæpe tamen objecta tantum ægrotantis paribus phiala valido spiritu, aut volatili sale Armoniaci aut cornucervi plena, intra horæ quadrantem, atque pauca interdum minuta, mulieres eo in statu, sensibus, loquelæ, motusque rursus restituimus.

Hic quoque observari à te velim, quod aliàs inculcavi, humani corporis æconomiam ita esse constitutam à divino ejusdem Authore, ut multos plerumque per annos durare queat, si per generaliores leges ab eodem in Universam constitutas liceat. Quare mirum videri non debet quod ita sæpe scilicet *automaton*, ut absque cognitione, intentioneque ad sui conservationem concurrat, cum, quamvis è statu saniore deturbatum fuerit, Medici manu, aptisve remediis, eidem restituitur.

At si quis objecerit exempla in superiore dissertatione ab automatis sæpe ducta non esse adæquata, aut non sat illustrare difficultates à nobis commemoratas, facile id admisso, modò quis meminerit, ex professò me meritòque posuisse animalium corpora primitus esse machinas à Deo fabricatas, ac proinde omniscii omnipotentisque artificis opera: Quare nemo moriè sperabit ab inferiore longè humana arte fieri posse machinas quæ his comparari queant, quas primitus Deus ipse fabricavit.

His præmissis, censeo quidem Medicum si à præjudiciis erroribusque liber sit, inveni debere ægrotantis corpus tanquam machinam deordinatam, sed ita tamen constitutam, ut ipsius concursu, aut ipsi potius partium automati quasi conatibus, ad meliorem reduci statum queat; si igitur comperiat ex præterite corporis statu propensionem esse quandam ad peccantis materiæ rejectionem, [quæ quocumque demum modo expelli debet] modo conveniente, commodique locis, tum ita sese geret ut hunc exonerationis evacuationisque modum promoveat, potius quàm alium. Ut, si certis quibz colligat indicia futuram brevi, sudore *arism*; hanc potius promovebit cooperto calidis pannis ægro, apertisque sudorificis, quàm aut purgatione, aut vomitu. Utrovis enim utilis probabiliter futura exoneratio prohiberetur; hocque sensu, si ita videatur, dici poterit Medicos esse minuitos seu servos *Naturæ*: Ut naturæ, quoties secundum statum ventus, velorum suum non immutabunt, neque navis motum, quia nihil id exigit. At ut ostendam quasi ex accidente tantum obedire Medicum in casu præmemorato *Naturæ*, [ut phrasi *Naturistarum* quibuscum ago, utar] annon variis aliis in casibus peritior Medicus non: *Naturæ* modò natus non sequitur, eamve quid factò opus consulit, sed eò præcipiè omnia sua studia dirigit, ne quò *Natura* collimare videtur, eò pertingat, aliâque omnia quàm ipsa velit ac contraria etiam fortè contingant.

Ita licet *Natura* in hydropicis importunè potum copiosum postulet, annueri tamen postularis expedire Medicus non censet, ut pariter non concedit, quod avidissimè concupiscunt qui chlorosi, morboque eo, quem *empicuum* dicunt, laborant: Quamvis nihil ardentius desiderent quàm inepta quædam, noxiâque multa, ut fructus præcoces, cæmentum, carbones, aliâque maximè incongrua. Ita sæpe Chirurgus impedit ne *Natura* vulneris labia occludat, quæ imperitè admodum occluderet, donec intimæ omnes partes curatæ sint. Ita Medicus Catharticis sæpe, ac Phlebotomia eam materiâ expellit, quam *Natura* majore longè periculo in pulmones projiceret, ac frequenti violentâque tussi expelleret.

Atque ita rursus si nervus, tendōve pungeretur, Chirurgus, anodynis aliisve aptis remediis intempestivas *Naturæ* metastases præoccupare, ac sedare debet, cum in furorem quasi acta violentis minacibusque convulsionum paroxysmis, non affligit tantum turbatque patientem, sed & in periculum conjicit: Ita pariter cum in evacuationibus feminis peculiaribus, *Natura* conatur in quibusdam excrementum, per indebita inconvenientiâque loca dejicere, ut per os, oculosque: Cujus rei varias habemus observationes à *Schenckinsio* collectas, aut ab authoribus bonæ fidei relatas, Medicus venæ in pede Sectione, aliisque mediis, *Naturam* à scopo detorquere conatur ut intemæ evacuationes per propria vasa uterina contingant. Licet autem juxta *Naturæ*, ut loquuntur institutionem superfluitatum dejectio quovis mense contingere debeat; quam

† *Schenck*. Ob. 4. p. 633. & seq.

propterea quamdiu moderatam Medicus promovere potius quam suppressit, si tamen ut aliis ægrotis sæpe contingit, nimias magno ægrotantis periculo *Natura* permittat evacuationes, *Natura* exorbitantiam temperatis remediis, aliisque modis Medicus sollicitè corrigit, nimiamque tam necessariam, quam sanguis est, liquoris profusionem cohibet: Alia exempla horum quibusdam insigniora hunc in scopum afferri possent. Sed ea prætereo, quod cum quædam licet fortè inutiles circa eadem controversiæ sint, eorum aptitudinem hic proponendam nonnisi pluribus quam nunc placeat uti circa probationes non necessarias, ostendere non possem; præterquam quod vereor ne unius Aphorismi explicationi diutius æquo immoratus sim: Paucis itaque tantum indicabo periculum, me Medicum inveteri non tam ut *Natura* ministrum, quam ut ejusdem consiliarium, amicumque adiutorem, qui in ægroti corpore eos promoveret motus, aliisque quæ ad recuperandam ejusdem valetudinem utilia fore judicat, eas verò, quas noxias fore videt commotiones, aut morbi incrementum, aut quovis alio ægrotantis periculo, partium suarum esse existimat, impugnare, aut impedire, licet *Natura* sat manifestè noxios hosce motus continuare velle videatur.

Hic loci commemorabo prudentiorum Medicorum etiam praxim, qui ad ægrum fluxui hæmorrhoidali obnoxium acciti, si evacuationem moderatam reperiant, feliciterque terminandam, rem totam, ut eorum quidam loquuntur, *Natura* committunt, hoc est, ut intelligibiliter loquar suum morbum, quasi periodo, curriculoque permittunt, ad quod *Hippocratis Aphorismum** eos inducit. Si autem evacuatio diuturnior sit, aut copiosior, tum sollicitè cavent ne *Natura* ulteriore evacuatione patiarur, suisque officii esse putant remedia tum externa, tum interna adhibere ut evacuationem cohibeant, quæ hydropem, aliamve quempiam lethalem morbum gignere possent. Si autem dicatur *Natura* sanguinis, tam necessarij humoris prodiga, quia tantum cujusdam eidem immixti humoris acrimonia irritatur, hæc responsio, quæ eadem omnino est ad quam *Naturista* confugere sæpe compelli possunt, re ipsa admittit *Naturam* non esse sapiens ejusmodi ens, quale fingere solent: Cum tam sæpe in furorem quasi agatur, agatque furentis in modum, eaque in corpore humano faciat, quæ ipsi perniciofa admodum futura forent, ni Medicus mitior prudentiorque ipsa obstitat.

Nunc adjiciam, ut quibusdam in casibus Medicus ægrum curat *modo negati-vo*, repressis scilicet intempestivis *Natura* conatibus, sic cum aliis in casibus *modo positi-vo*, plus ad curationem contribuere posse, quam ipsa *Natura* queat: si enim quod ab arte remedium præparari poterit, ut Helmontius affirmat præparari posse ex *Iudo* Paracelsi ope liquoris *alkaghesti*, aut quale, teste Cardano, Empyricus suo tempore possidebat, qui peragrans Italiam vesicæ calculo affligos ubique curabat, si qua inquam ejusmodi remedia sint, Medicus iis instrumentis perficere id poterit, quod, quantum colligere licet, à *Natura* ipsa fieri

* *Hippoc.* lib. 6. Apho. 9.

nequit, cum solidum in vesica calculum nunquam dissolvat: Quinetiam Medicus etiam absque ope remedium, *Naturam* impugnat, regitque, magno subitoque *patientis* emolumento. Cum quis alioquin non valde debilis, terrore nunciove inexpectato adeo turbatur, ut spiritus precipitanter ac turmatim confluentes ad partem aliquam interiorem maxime cor, regularem solutūque ejus motum impediunt; qua deordinatione circulatio sanguinis prohibetur, admodumque imperfecta evadit, hoc inquam in casu, *patientis* peculiari *Natura* de corde sollicitudine, ut vulgo etiam Medici supponunt, patitur deliquium, ex quo Medicus eum prompte interdum liberat, perfricando enim, & vellicando artus, aures, nasumque ut ad externas corporis partes spiritus citò adducantur motu à centro ad circumferentiam, contrario motui ipsi à *Natura* impresso à circumferentia ad centrum, seu cor; quod autem ad theoriam deliquiorum attinet, ejusdem jam veritatem nunc non examinabo, cum argumentum ad *hominem* vel eo nomine inde ducatur, quod Theoria ista adhibeatur ab iis quibuscum dispero.

Ex dictis animadvertere quis poterit, ut quædam sunt Phænomena quæ *Naturæ* circa curationem morborum favere Doctrinæ videntur, ita quædam alia esse quæ clariùs adhuc propositæ à nobis hypothesi suffragentur; geminæque ea Phænomenon genera simul considerata suspicionem giguere possunt, sapientissimum, & tamen liberrimum *Naturæ* Authorem cum prima *Naturæ* humanæ individua ita condidisset ut per multos annos durarent, illōque *protoplastos* donasset facultate suas propagandi species, inde oriti quod in subsequenti- bus hydraulico-pneumaticis machinis quas humana corpora dicimus, cum neque specialis providentia, neque anima rationalis, neque alia interveniunt impedimenta, omnia in genere fieri secundum leges mechanicas, sive effectus ipsi machinæ huic profint, sive extrinseca corpora eidem noxia foveant; hinc dicere licet ea quæ referuntur ad eam quam *Natura* habet sanitatis ægrorum curam, esse genuinos mechanisimi Mundi, & corporis ægri effectus, qui feliciter sanitati ægrotantis coincidunt potius, quàm ad eandem procutandam sapienter & consulto producantur; cum *Natura* non innoxia tantum, sed & noxia quoque corpori humano producat, foveat, servetque. Observamus enim in calculo, renum, & vesicæ ex vegetabilibus, animalibusque substantiis levioris texturæ cuiusmodi sunt succi alimentitii, qui in lactantibus pusionibus, calculo vesicæ obnoxii sæpe ex lacte fiunt, perite admodum fabricare *Naturam* corpus durum compactæ adeo texturæ, ut difficulter admodum Medici Chymicique explicare queant quæ ejusmodi coagulationes ex ejusmodi substantiis fieri queant: Comperique plures calculos non spiritui tantum salis resistere, sed & facile ferum & chalybem, menstruumque illud summè corrosivum oleum ipsum vitrioli dissolvere. Videmus pariter sæpissime semina, aut seminalia vermium principia in fructibus minùs salubribus aliisque inepris Chymicique recondita conservari, foverique in corpore, ita ut nihil prohibente menstrui fermento illic obvio in perfectos sui generis vermes evadant, semper molestos, ac sæpe

admodum noxios corpori in quo resident; ex quibus licet non statim varii, semper magis, præsertim hic in Anglia pluresque oriuntur morbi quam Medici sibi fingant: Applicari hæc non ineptè possunt obviis in optimæ notæ authoribus * exemplis ranarum atque etiam bufonum, quorum semen corrupta in aqua haustum tamdiu stomachus fovit ut ova in perfecta evaderent animalia, quæ horrenda iis in corporibus in quibus residerent & pascerentur symptomata producerent. Atque si juxta recepram Medicorum opinionem tenaciores febres quartanas inelancholicus in splene humor gignat, dicere nihil verat *Naturam* eo conniti ut quasdam fluidi Chyli partes in tam tenacem, vixque dissolubilem succum convertat, ut in multis ægris nihil prohibente splenis & stomachi vicinia, nec emericis, nec catharticis, nec consuetis aliis remediis, pelli inde possit, nec resolvi, aut corrigi. Sed ad propositum mihi scopum propius adhuc spectat consideratio veneni canis rabidi, quod magna interdum sollicitudine conservare *Natura* videtur; non desunt enim probatis in authoribus exempla, quibus manifestum fiat, modicam spumæ partem levi vulnere & citò fortè sanato, in sanguinem transmissam, nihil prohibente perpetuo calore, & perspirabili humani corporis fabrica, fluidaque spumæ textura, ita servari, atque inultos etiam ad annos, ut sub extremum longi illius temporis, in tam horrenda erumpat symptomata quàm si recens in corpus immixta fuisset.

His congruit quod in Italia novum est de mortu *Tarantula* licet enim veneni quantitas vix conspicua sit, à dente tamen animalculi araneam mole non superantis propagatur: Hoc tamen venenum multis in ægris per totam ipsam vitam servatur. Eiusdemque in corpore præsentia annuis paroxysmis manifesta sit; & quempiam à primaria nobilitate novî, qui conquestus mihi est se in *Orientalibus* plagis morsum esse ab animalculo cujus arma, ut vocant, *offensiva* vix oculo deregi possent, tam diuturnum tamen se inde passum fuisse dolorem ut duodecim post annis in parte vulnerata renovaretur sub idem anni tempus quo primum læsus fuerat. Atque in morbis quibusdam hæreditariis, ut podagra, morbo comitiali, ac quibusdam dementiae generibus, *Natura* videtur non minus sollicitè, quàm peritè ad infantem imbecillam parentum morbi semina transmittere, quantascunque enim patiatur tenellum corpus per totum vitæ curriculum *alterationes*, protectus inerus hostis exerere potest virtutem, viresque suas, ubi prius in corpore quadraginta etiam annos, aut quinquaginta lauvisset. His & similibus, quibus addi possunt quod *Naturistæ* mortem à morbis productam *mortem Naturalem* vocent, facile inducor ut rejiciam celebrem hæc *Hippocratis* sententiam hætenus examinatam, *morborum est Natura medicatrix*, nili iis circumferbatur linicibus, de quibus in *Sæctione* quinta, quam consule §, quia hinc discernere potes variâ Phænomena quæ *Natura* ut entis prudentis, cuiusmodi existimatur, notioni non favent, Divinæ tamen Providentiæ apprime congruere.

* Schenck. *Observat.* l. 3. p. mihi, 337. & seq. † *Vid.* p. 94. ad p. 100.

S E C T I O V I I I.

TOT jam frequentiorum circa *Naturam* axiomatum percurri ut meritis confidam, alias huiusce generis sententias, quas præ festinatione attingere jam non licet, facile explicari posse, nostræque congruenter hypothese præmissorum ope principiorum, cum hæc vel paululum immutata illustrari haud difficulter queant, aliisque applicari particularibus, quibuscum præcipue analogiam habent.

Sed hac monitione cohiberi me par non est, ne aliud re commoneam non tantum huius loci proprium sed quod præcipuam præmissæ dissertationis partem respiciat; Illud autem ita se habet: Licet principiis mechanicis explicare non possemus intelligibiliter peculiaria omnia circa *Naturam* axiomata, corporumque inanimatorum Phænomena quæ *Natura* favere dico, licet non concedam, immerito tamen inde quis collegerit confugiendum esse ad id quod *Naturam* dicunt, sistendumque in ea rerum descriptione quæ illius interventu haberi possunt. Alibi enim ostendimus, inferiusque ostendemus, ope entis ejusmodi, cujusmodi *Naturam* dicunt, ea aliisque *Natura* Phænomena intelligibiliter explicari non posse; & quamvis doctrina nostra, non minus quam illa vulgò recepta circa *Naturam* rebus corporeis impar describendis consideretur, melior tamen hoc in casu mea futura est conditio quod minor probabilitatis gradus requiratur in iis argumentis quibus dubium quoddam propugnatur, quam in iis quæ demonstrare assertionem debent.

Scio equidem à *Naturalistis* vulgò dici, *Naturam* quam constituunt esse omnium motuum atque operationum in corporibus principium; sed priusquam huic acquiescāmus principio, aut fidentiùs illud adhibeamus, non abs re fuerit nosse prius quid sit, de hac re alia in Sectione disserui, sed cum illic aliò Lectione remittam, momentum ipsum simul ac difficultas argumenti inducunt me ut hoc super negotio ulterius differam, & quædam immutem, aliæque addam alibi dictis, atque ut inculceam pariter illustremque mea hac super re cogitata: Quæro itaque ex iis qui pro *Natura*, ut vulgò accipitur pugnant, utrū substantia sit, an accidens: Si posterius dicatur, dicendum est quod genus accidentis sit, quo jure ad solitarium accidens ea omnia attributa pertineant, tōtque tam multiplices, & tam mirabiles effectus quos *Natura* ascribunt; & quam ob causam complexum ex iis accidentibus quæ mechanicæ materiæ affectiones sunt, non possit, quæ ac illud accidens quod *Naturam* dicunt à summè sapiente Universi Autore instrui ad eas inter corpora mutationes producendas, quæ pleræque saltem intelligibilibus ad easdem reduci queant: si autem res harum mechanicarum affectionum interventu non contingat, operæ omnino pretium fore.

ret nos docere qua eas arte *Natura* efficiat : Quæ res, vereor, ne non tam citò, ita ut intelligatur, explicetur.

Si autem principium illud quod *Naturam* dicunt, substantia ut plerique tenent, sit, rursus exquiram, utrùm corporea sit, an incorporea? Si immaterialis substantia dicatur, rursus quæram, an creata, nec-ne sit? si creata non sit, jam ad Deum alio sub nomine devenimus: Finitaque disputatio est, sublato ejusdem subjecto, aut objecto quod à Scholasticis non Deus ipse, sed Dei vices gerere dicitur. Sed si *Natura* dicatur, ut reipsa dicitur, ab omnibus saltem Philosophis Christianis *ens creatum*, tum quæro utrùm intellectu, nec-ne prædita sit, ita ut norit quid agat, quosque in fines, quibûsque conformiter legibus agere debeat? Si responsio negativa sit, *hypothesis Natura* nullam, quæ intelligatur, rerum descriptionem suppeditabit; cum privata intellectu *Natura* iis obnoxia sit objectionibus quæ inferiùs proponuntur contra *Naturæ* utilitatem, si ens corporeum ponatur. Porro quamvis *Natura* diceretur intellectu prædita, earûmque principium actionum quas multi Antiquorum animæ mundi ascribunt, præterquam quodd hæc hypothesis Ethnicismo cognata est, non equidem existimo, eos qui cum variis Græcis, aliisque Philosophis Christianis prioribus, quandam Universalis animam assignunt, ejusmodi habituros hoc principium, quod Universi Phenomena sat explicet.

Si enim hac in re Macrocosmum & Microcosmum inter comparationem instituere liceat, ut alii multis aliis in rebus instituere solent, facile animadvertimus licet *Naturæ* ratio attribueretur, plurima tamen Phenomena absque immediato ipsius interventu mechanice produci posse: Ut patet in homine, quamvis enim in eo rationalis animæ tam parvæ præsideat provinciæ, cuiusmodi scilicet humanum corpus est, intinèque omnibus ejusdem partibus unita dicatur; multa tamen in corpore ejusdem mechanismo fiunt, quæ ab anima non producantur: Cujus rei exemplum proponere nobis licet ipsam in somno sanguinis circulationem, regularem cordis micationem, digestionem, nutritionem, respirationem, &c. quæ omnia absque immediato Animæ aut influxu, aut etiam notitia contingunt: Cùmque homo vigilar multa ejusdem in corpore fiunt, non tantùm absque directione, sed contra etiam mentis propensionem: Ut sæpe contingit in spasimis, tussibus, oscitationibus: Quin etiam licet brutæ multæ animantes, ac præsertim simiæ multas habeant corporum suorum partes, humanorum instar contextas, mirabile tamen hoc opus formationis, atque organizationis fecit aut animalculi in utero sic juxta Philosophos ab ipsa anima bruti, quæ suæ propterea architecta mansionis dicitur; quæ tamen nec incorporea, nec corporea substantia est. Atque quod ad humanum etiam fœtum spectat, si communem Philosophorum, Medicorum, Theologorum, ac Legillatorum opinionem admittimus observandum est, corpus ipsum hominis quantumvis exquisita machina sit absque rationalis animæ concursu formati quæ in corpus nisi necessariis apisque instructum organis non infunditur: Hæc est sub sextam septimariam, aut ante septimam: Qua quidem observatione inducor ut

quæram

quæram quantum ex hac hypothefi, aut cognitione mentis, tempore conftituto subsidii ducamus ad explicandum modum quo præmemorata Embryonis functiones sunt cum sub finem sex aut feptem feptimanarum, rationalis anima fupervenit, huiusque viventi machinæ unitur. Si quis autem dixerit, cum Natura fit motus in corporibus principium, varios faltem eorum motus, qui præcipua ipforum Phænomena funt, ipsius beneficio explicari debere, refpondeo difficile quid intellectu effe qui fubftantia creata immaterialis corpus movere queat; quod agens impenetrabiles nullas habeat partes quibus mobile corporeum impellat.

Scio quidem Deum, qui fpiritus eft, agnofci debere primariam motus in materia caufam, quia ut non immerito cum Cartefio inferre poffumus, cum motus non pertineat ad fubftantiam corpoream quâ talem incorporeæ is ætî tribuendus eft. At tum mecum ipfe perpendo ob infinitam diftantiâ Deum incomprehenfibilem inter perfectiffimûmque creaturarum ordinem, circumfpecte omnino comparationem eum inter easque effe inftituendam, cautèque omnino ducendas effe conclufiones ab ipfius potentia, modoque agendi ad noftrum agendi modum: Cum is poffit, exempli gratiâ, humanas in animas immediate agere, utpote qui illas creavit: Sed ipfe eodem agere in fe invicem modo nequeunt. Atque eò difficilius concipi poffe puto atque admitti, fi Natura incorporea fit fubftantia eam magnam materię mundanæ effe morricem, videmus enim in humano corpore rationalem animam quam Scholaftici fpiritus immaterialem dicunt, licet vitaliter ipfi unitam poffe tantum determinare motum aliquarum partium, fed nullam movere, aut ne motum quidem in plerifque dirigere. Et fi *Natura* dicatur movere corpora alio modo, quàm phyfico, dubito an fuppofitio ejufmodi principii magno Phyfiologis ad explicanda Phænomena ufui futura fit: Neque enim Medicum aut fagacitate, aut iudicio polleere crederem qui exiftimaret intelligibiliter fe horrenda eorum morborum fymptomata, quas non pauci Medici veneficiis afcribunt, intelligibiliter inquam deferibere fi diceret diftortiones has, motusque Convulivos produci à peffimo immateriali fpiritu, quem Dæmonem vocant: Sed cum hunc in fcopum plura quorum cum placuerit, copiam tibi faciam, alibi dixerim, rem hanc hîc plurius non urgebo.

Superior difsertatio eorum oppugnat opinionem qui *Naturam* creaturam effe immaterialem volunt, quia communis opinio eft plures Philofophos faltem recentiores, eam pro corporea habere: Ad eorum jam hypothefim mea fele convertere oratio: Quamvis autem obficere poffem fi Natura corpus fit, inquiri poffe qui in hominibus rationales animas producere poffit, quæ entia immaterialia funt, quæ nulla materię *fubtilifatione* aliâve mutatione produci queunt: Hac tamen objectione neglecta primùm inquiram, utrùm ii quibufcumque ratione Naturam putent licet corpoream agere ex fcientia, hoc eft fciam ejus quod agit, obque fines præintentos, aut potius cæco impetu duci, fummaque neceffitate moveri, ac dirigi ab agente fuperiore, præftanti, quo ipfa caret intellectu,

lectu, prædico, tum pauca quædam reponam quæ huic, illive responsioni, aut etiam utrique applicari possint.

Ac primò quidem inquirerent Cartesiani si Natura substantia sit corporea, qui cogitationis capax esse queat, quodve majoris adhuc momenti est, qui queat esse sapiens, providaque omnium moruum qui in corporeo mundo contingunt directrix?

II. Philosophus quispiam meritò quæsierit qui ens corporeum ita pervadere possit, atque ita quasi compenetrare Universum, ut minutis omnibus ejusdem particulis intimè præsens sit. Cujus adhuc principium motus dicitur.

III. Quærere pariter poterit, qui fiat ut Natura cum materialis ipsa substantia sit, moveatur, seu in motu sit cujus ipsa principium dicitur, cum motus ad materiam quæ talem non spectet, corpusque tam verè corpus sit cum quiescit, quàm dum movetur. Si autem quis respondeat primam causam, quæ Deus est, primum ei motum impressisse, respondeo non minùs verosimiliter concedi posse eandem causam materię mundanæ motum impressisse absque alterius entis incorporei interventu, in cujus conceptu quatenus materia est, motus non involvitur.

IV. Inquiri pariter poterit qui leges motus ab ente corporeo observari, ac defendi possint, quod quia tale, eas intelligere nequit, aut earum ex intuitu agere, aut cerè quod nulla necessaria earum notitia prædictum est, quòdque nec ipsis conforme fieri potest, neque indubitata mundanæ materię cum iisdem conformitatem procurare.

V. Neque video qui ens ejusmodi intellectus consiliique expertis magnis intellectum nostrum difficultatibus liberet, cum corporum Phænomena explicamus: Quia ut alibi observatum est, si Natura ens sit corporeum agatque necessariò, satòque si ita loqui liceat, nihil causæ subesse video cur eam non quoddam machinæ genus esse pûem. Difficultatēque non minor futura est, si examinare voluerimus qui variæ hujus machinæ partes contextantur, & moveantur, à magno rerum Authore quique in se invicem agant, non minùs quàm in indubitata mundana corpora, ut qui in ipso mundo miri artificij automato Phænomena ab eodem authore produci potuerint, primitivæ conformiter constructioni, moribùsque quos ipsi impressit, absque interventu illius entis quod Naturam dicunt: cum enim hæc, æquè ac mundus corporea creatura sit, nullas, utriusque nisi mechanicas operationes conceperimus. Neque divinæ conforme sapientię videtur, quæ aded elucescit in fabrica, regiminēque Universi, alia adhibere remedia, quàm paucissima & simplicissima, quibus Phænomena in mundo exhibenda producerentur. Neque multùm nos commovere debet quod à *Naturalistis* quibusdam asseritur, Naturam licèt ens incorporeum non sit, ordinis esse merè materiæ altioris, ut è Scholasticis non pauci de formis suis materialibus loquuntur. Quis enim distinctè concipiat classem entium re ipsa substantiarum, quæ tamen nec corporea entia sunt, nec incorporea. Neque sat intelligo

intelligo quamvis ens ejusmodi intellectus expertus admitteremus, licet nescio, quam ei animam concederemus, quid hinc opis ducere possemus ad Phænomenon explanationem: Ut si quis molendinorum texturam intelligat, æquè conceperit quid frumentum molendino commolatur, molendinum inquam vento circumducto, aut aquarum defluentium impetu, atque conciperet, si sciret, ab equo circumduci, qui licet animatus hoc in casu agit tantum tanquam pars machinæ, quæ ad circumcundum determinata neque frumenti commolitionem propositam sibi habet, neque illud commolere se novit.

Atque hic loco licet fortè non maximè idoneo inquiri potest qui conformiter magistri sui doctrinæ Scholæ doceant Naturam esse principium motus in omnibus corporibus, quæ Naturalia dicunt: Ut enim omittam magnas illas, sublunaris materiæ massas, quas elementa dicunt, mixtæque ex iis corpora, quæ à multis doctis moveri dicuntur à centro terræ, aut ad centrum terræ distinctis internis principiis, putà gravitate in terra & aqua, levitate in igne & aëre, atque ut omittam cuilibet mixto illam ascribi qualitatem quæ pertinet ad elementum in eo prædominans; ut hæc inquam omnia omittam, animadverto Cælestem mundi partem, sublunarem vastissima mole longè multumque superare: Plerique tamen cum Aristotele Peripatetici nobis asserunt Cælestes luminis Globos, vastosque orbes quibus eos infixos supponunt moveri ab occidente in ortum ab intelligentiis, hoc est separatis & rationalibus entibus: Supponunt enim absque horum regimine Cælorum motus non posse esse tam regulares & diuturnos: Quare in illa parte mundi quæ sublunarem longè superat confugere quis nequit ad Naturam tanquam internum motus principium, cum illic tantum adstrictos intelligentiæ moveant.

Hic loci ulteriùs considerandum venit si generalis effectricis causæ motus notitia ad particularium Phænomenon explanationem parum faciat, *Naturalistarum*, quibus cum nunc ago hypothesim, nostra nihilo fore potiorē: Ea enim deserere coguntur primitivum impulsu à Deo materiæ impressum, mechanicas affectiones majorum, minorumque ejusdem portionum. Perinde enim est illi qui declarare vellet, quo speciatim motu, ut veloci, lento, uniformi, accelerato, directo, circulari, parabolico, &c. hoc illudve Phænomenon productum sit, scire utrum partibus materiæ à Deo primum impressus sit motus an immediatè à Deo: Nisi fortè is utpote infinitæ cognitionis, probabilius credatur quàm creatura produxisse primum in materia motus optimè accommodatos Phænomenis in mundo exhibendis: nec sat causæ subesse video cur admittamus ullum Naturam motum de novo producere, utpote quæ transferat tantum regulæque communicatum materiæ sub rerum initia motum. Ut humano in corpore, rationalis anima, seu mens novos efficere motus nequit, sed motus tantum spirituum, aliorumque organorum, atque instrumentorum voluntarii motus dirigit. Præterquam enim quod plurimi recentiores Naturalistæ Cartesii opinionem probent, eandem scilicet motus qualitatem in integra mundanæ materiæ massa semper conservari, eandem inquam quæ primum ipsi

communicata fuit, licet perpetuò ab una parte ad aliam transferatur, necum ipse reputò, si *Natura* in his & istis corporibus motus omnino novos, quique priùs nunquam extiterint produxisset, quantitatem motus in Universo per aliquot annorum millia necessariò fuisse auctam, augerique deinceps continuò oportere: Quod semel admissam totam motus localis Theoriam, ipsòsque etiam Philosophos perturbaret, adeò ad explananda corporum Phænomena non juvaret. Quod autem ad effectus motus localis in universalis materiæ partibus attinet quis fortè crediderit *Natura* hypothesim, sive eam velis materialem esse, aut immaterialem substantiam, sive intellectu præditam, sive privatam, nec necessariam esse, nec multum conferre ut concipiamus quæ Phænomena producantur. Si animadvertere placuerit in quibusdam animalibus, quorum pleraque corpora non minore ferè contexta sunt artificio quàm humana, ac majore etiam fortè arte quàm mundus ipse fabricatus sit, mechanicos Philosophos, qui cogitationes sensumque propriè dictum brutis animantibus negant, non minore luce, verique specie, observata in iis Phænomena explicare, quàm ii explicent, qui animas iis ascribunt quæ vix ab humanis animabus discrepent.

Nescio an hîc loci addere non debeam Peripateticos ipsos maximè hodiernos docere quædam unde quis conjiciat necessitatem confugii ad Naturam nequaquam tam latè patere quàm ipsi sibi fingant: Efformatio enim plantarum, animaliumque, qua nullum præstantius inter corporea artificio, ascribitur non immediatè *Natura*, sed ipsi animæ. Quam corpus organizare volunt, eamque propterea *mansionis suæ architectam* vocant: Quam, ajunt, fabricat innata potestate, peritiâque, quam *plasticam* aliqui appellant; atque alii aliter. Eidemque animæ varia munia obeunti concoctionem alimentorum tribunt, expulsionem excrementorum, productionem lactis, seminis, &c. facultates plurimas, appetitivam, locomotivam, &c. quæ viventibus corporibus ascribuntur. Atque in inanimatis etiam operationes, atque proprietates nobilissimæ ab iisdem Scholasticis Philosophis tribuntur *Formis substantialibus*. Cum ab his miras magnetis proprietates derivent, atque activam suæcini, aliorumque electrorum facultatem; medicas gemmarum virtutes aliorumque corporum mineralium, sive consistentium, sive fluidorum.

Sed ut huic argumento utpote ad hominem non ampliùs immorer, si rem ipsam libero examini subjiciamus, libero inquam examini earum explicationum quas vulgares Philosophi asserre solent dum Phænomena Universi describunt: Eas vix intuebitur, ut veras reipsa explicationes. Neque enim Phænomenon illud sat explicatur quod causæ effectrici generali ascribitur. Sed speciatim indicare debemus quæ generalis illa causa effectum propositum producat.

Hebes enim prorsus is fuerit, qui petita horologii rotati descriptione, satis sibi factum ab eo existimaret, qui diceret machinam illud esse ab artifice confectam, licet nihil hinc explicetur de textura, coaptationeque elateris, rotarum, libræ, aliarumque machinæ partium; nihilque dicatur de modo quo in se invi-

eam agunt ut reciprociſiſce actionibus veram diei horam indicent. Utque is qui novit ſtructuram, aliſiſque mechanicas horologii aſſectiones, earum ope ejuſdem explicare Phænomena poterit, quamvis nullam ei inelle vitam, animamve, seu internum motus principium ſupponat; ita is qui horologii mechanimum non intelligit, nullam, cui quis acquieſcat, operationum ejuſdem rationem proponere poterit, licet cum Sinenſibus dicat, cum ſcilicet Jeſuitæ horologia itthuc primum detulerunt, horologium, Europæum eſſe animal, aut corpus animatum, ſeu animâ *informatum*.

Hæc comparatio occaſioni ejuſdem proponendæ accommodata eſt, quam hæc magis phyſica illuſtro: Cùm quis Mathematicarum diſciplinarum rudis miratur Solem oriſi, atque occidere per hyemem in aliis horizonſis partibus, inque aliis diſtantibus, diemque tum longè breviorẽ eſſe quàm æſtivo tempore, aliquoſque dies putà medium ante Martium, aut Septembrem, noctibus eſſe æquales, Lunam interdum conjunctam Soli, interdum oppoſitam, atque per tempora intermedia nunc unum, nunc alterum illorum planetarum pati interdum Eclipſim; hic inquam hæc omnia haud difficile intellexerit ſi clariſſima Mathematica Aſtronomiæ elementa edoctus fuerit. At ſi hæc explicationes tanquam minùs competentes, aut etiam deficientes rejiciat, veròſimile non eſt futurum ut ipſi ſatisfiat, ſi ipſi cum *Ariſtotele*, Scholaſtiſiſque dixerit Solis & Lunæ orbes aliarumque cœleſtium ſphærarum ab Angelis, aut Intelligentiis moveri, cùm ex generalibus ejuſmodi indeterminatiſque cauſis, capere minimè queat qua edum ratione commemoratarum mox Phænomenon producat.

Si quis hic obijciat hæc exempla ducta eſſe à factitiis, non à merè phyſicis corporibus: Ita paucis reſpondeo, quod non geminis modò commemoratis exemplis, ſed & omnibus ejuſdem generis applicari velim, omnibus inquam in toto hoc tractatu obviis: Sub cujus initium, ſi meminiſſem, quidpiam haud abſimile propoſuiſſem: Paucis itaque reſpondeo varia eorum exemplorum de quibus agimus proponi tantum ut illuſtrationes, aliæque utilia eſſe poſſe quamvis analoga tantum forent: Cùm exempla ducta à corporibus artefactis diſtinctius concipi poſſint à vulgaribus ingeniis: minùsque dubitationi obnoxia ſint in eo in quo comparatio ipſa conſiſtit: Ejuſmodi autem exempla cò libentiùs utitur, quod *Ariſtoteles* ipſe, ac nonnulli alii è doctioribus ipſius aſſectis variis utantur comparationibus ductis à figuris aliſiſque rerum artefactarum accidentibus, quibus rerum Phyſicarum rationem reddunt atque etiam generationis, corruptionis; formatum corporumque Naturalium. Interruptam præmiſſo hoc monico diſſertationem proſequor, addoque illud manifeſtè confirmari quod alias obſervabam, ſcilicet quamvis mechanicis principiis hujusmodi Phænomena explicari non poſſent, non propterea nobis conſugiendum eſſe ad illud principium quod homines *Naturaliam* dicunt, aut ei acquieſcendum cùm neque hujus ea ope explicari clare queant. Sed ingenuè fateamur oportet neſcire adhuc nos quæ ſint, hæcque ignorantiam ab imperfectione intellectum noſtrum oriſi potiùs, quàm ex eo quod *Naturaliam* juxta communem acceptionem

mechanicis principiis non præferamus, dum Phænomena Universi explicamus. Cum enim Cartesius aliqui acuti ingenii viri magna fiducia doceant vix ullius eum Phænomenon verè atque intelligibiliter à principiis *Aristotelicorum* fuisse deductum, negari vix poterit ab ullo qui disciplinas physico-mathematicas noverit; cuiusmodi sunt optica, astronomia, hydrostatica, mechanica, magis propriè ita dicta, varia Phænomena, quorum quædam hoc in tractatu commemoramus clarè explicari posse principiis mechanicis: Quibus propterea *Aristoteles* ipse sæpe utitur in questionibus mechanicis atque aliis: Quocirca quia è corporulariorum Philosophorum principiis rerum corporearum ratio reddi nequit, si propterea iis acquiescere non debeamus, meritiò sanè, cum difficultus adhuc, obcurtiùsque earum ratio ope *Naturæ* reddi posset, posteriorem non minùs, quàm priorem hypothesein rejiciemus, aut meliorem utraq; invenire conabimur. Jam autem si quis inquirat quid utilitatis percipere lector possit ex axiomatis in præcedente septima Sectione explicatis, atque in genere ex molesta, non minùs quàm *libera disquisitione*, cujus non postrema pars sunt: Respondeo sperare me futurum ut hæcenus proposita tum Philosophiæ naturali tum Religioni ipsi perquam utilia futura sint. Quod ad naturalem Philosophiam spectat; tractatus hic utilis esse poterit ejus scientiæ cultoribus hoc nomine quòd in causa futurus sit cur homines in scriptis Philosophicis non adhibeant abque magna necessitate *vocem, Naturam* scilicet, quæ ob summam ejusdem ambiguitatem, negligentiamque eorum qui ea utuntur in variis ejusdem acceptionibus distinguendis obscura admodum reddit hominum circa res corporeas scripta, dictæque, variâque controversias gignat in quibus de voce tantùm apud homines lis est, cum de rebus disputare se putant: De quibus fortè nulla foret opinio non discrepantia si sublata ambiguitate homines sese exprimere possent: Præterea superior dissertatio ex hoc capite perutilis hominibus futura est, quòd inde faciliè discere possint ineptè admodum Phænomena corporea explicari hinc quòd ascribantur *Naturæ*: Cum *Naturæ* quidvis ascribere rusticus quivis æquè ac Philosophus possit: Hic loci animadvertere me oportebit imperitam vocum minùs latè patentium, minorisquè quàm sit *Naturæ* momenti, & ambiguitatis usurpationem, fuisse hæcenus atque etiam nunc esse non levem Philosophiæ sanioris remoram: Naque enim plerique tantùm Medici quamvis alioquin viri docti, Chymiciquè, sed plerique etiam Physiologi se sæpe dixisse putarunt cum *Phænomenon* ascripserunt iis rebus quæ *reales qualitates* esse creduntur, aut à quibusdam *Naturales facultates* vocantur, aut ab aliis compendiosiore voce *facultates*. Quorum cuilibet nomen scopo sibi proposito idoneum fingere solent: Licet intelligibiliter non declarent quid hæc *facultas* sit, & quo modo operationes eidem ascripserit ab ea fiant: Ita attractivam facultatem homini ascriptam, quam *putativam Naturæ* à Vacuo horror juvat, per multam homines sæcula admiserunt, ut veram ascendenti in fustione liquorum causam: Cujus tamen hodierni Philosophi, qui explicationes à metis *facultatibus* derivatas ut hæcenus declaratum est, despexerunt mechanicas, atque intelligibiles

telligibiles etiam causas assignantur. Potentia magnetis attrahendi, ut loquuntur altero extremo septentrionale acus magneticæ extremum, altero repellendi, habetur è præcipuis ac nobilissimis illius lapidis facultatibus: Alibi tamen doceo quî in exiguo admodum, sed vero genuinôque magnetæ mera, atque inconspicua sæpe texturæ mutatione, extremo magnetis meridionale prius acus extremum attrahenti vim indiderim attrahendi septentrionale, oppositôque extremo vim illud repellendi: Aded mirabilis hæc attractiva facultas, ut loquuntur à mechanica lapidis structura, pendet, congruitatque cum aliis corporibus inter quæ collocatur, ac præcipuè cum Globo Terrestris, magneticisque ejusdem effluviis.

Sed quia alio in tractatu consultò ago de eo quod *Naturistæ facultates* vocant, in genere animadvertam vocem hanc *facultatem*, admitti posse ut orationis compendium, sed non ut reale, distinctumque agens, cum re ipsa *facultas*, aut *potentia* rei, sit saltem sæpe *materia* tantum ejusdem quam *operativam* mechanicæ quædam ejusdem modificationes fecere: Dixi, *quadam*, quia omnes simul sumptæ peculiarem ipsius *Naturam* constituunt; & facillè loquantur homines de *utilitatibus*, quantumvis ut distinctis, activisque principiis, hæc tamen conditio ad eas necessariò non spectat. Sæpe enim, sin minùs frequenter, effectus ejus quod *Naturalis facultas* reputatur, oritur à textura, figura atque ut verbo dicam, mechanica agentis dispositione qua actionem agentis remotioris ad effectum producendum determinat: Ita in horologio ut libræ vibratione indicetur hora, ut stans temporibus malleus campanam feriat, diversi tantum effectus sunt ponderis, aut elateris, quo machinæ motus imprimatur, & conservatur: ita clavis acquirere potest, aut amittere suam aperiendi ostii *facultatem*, quam fortè Scholastici quidam *facultatem aperiivam* vocarent, mutatione non in ipsa facta, sed in *seris* quibus applicatur, aut in manus motoris motu. Ne autem quis objiciat hæc exempla de sumpta omnia esse à corporibus artefactis, subjungam cum lucida nativæ Crystalli particula consecuta est, ut sæpe contingit, figuram prismatis, debitorque in situ Soli exposita est ipsius figurationem quod eam aptam reddat ad eos radios refringendos, reflectendoque certo quadam modo, tribuere eidem *qualitatem colorificam*, qua exhibere possit atque æmulari, sin minùs superare varios illos, pulcherrimôque in idis colores: Atque ita in concavo vitro metallino licet videantur multæ esse distinctæ *facultates*, ut invertendi, augendi varia objecta, liquefaciendi, urendi, &c. varia corpora, &c. omnes tamen illæ potentie ab ipsa figura tantum oriuntur, capacitate, aut lavitate quæ mechanicæ materiæ speculi affectiones sunt: Atque re ipsa, si rite judico (licet quod dicturus sum paradoxum videri possit) *varie tamen plurimorum corporum qualitates, durabiles tantum dispositiones sunt ut hoc vel illo modo actione externorum agentium afficiantur*. Et fortè ut hæc ipsa actio modificetur: Facultas enim illa qua fit *Echo*, quæ in variis locis concavis observatur, nihil aliud est quam mechanica dispositio eorundem quam à figura habent, resistentiæque ad tonum reflecten-

dum : Ut exemplum clavis superius allatum resumamus, addere licet mera positione alteratum illius extremum maxime si clavis longa fuerit, acquirere posse, aut deperdere transeuntem magneticam facultatem ab effluviis magni illius magnetis, *terra* scilicet, eandemque clavam posse paucis momentis durabilem acquirere magnetismum mechanica mutatione à magnete recepta ut norunt ii qui in Philosophia mirabilis illius *mineralis* sese exercentur : veròque simile mihi videtur, idcirco præcipue viros doctos tam inhzrentes, activasque facultates tot corporibus tribuisse, quod cum res naturales, artefactasque non sat intelligerent, non sat attentè perpenderint quantum discrimen esse possit inter corpus absolutè consideratum & idem corpus consideratum in iis circumstantiis, in quibus esse potest : Quibusdam enim in casibus corpori Phytico quædam meritò tribui possunt non quà tale corpus est, seorsim ab aliis consideratum. Sed quatenus inter congrua quædam corpora situm est, estque præcipua, aut maxime activa pars compositi corporis, aut complexi ex corporibus quibus jungitur, quæque idoneæ sunt structuræ ad Phænomena quædam exhibenda : Hoc analogicè videri poterit ex eo quod elateri contingit ; si enim incurvus manu cuiuspiam tenetur, aut in pyxide comprimatur, simplex tantum quid est quod extensivo conatu comprimentia removere corpora nititur. Sed in horologio artefacto vi fabricæ illius machina poterit evadere principium nescio quot discrepantium ac fortè contrariorum motuum ipsas inter partes, variorumque insignium effectuum inde provenientium : Hæc observatio illustrabitur fortè si addidero variis in corporibus fluidam substantiam ad convenientes motus determinatam æquivalere posse inerno elateri ; maxime si eam juvent amica agentia externa : Res ulterius exponi poterit si animadvertamus eam qui fitula harmonica peritè ludit, si ore apertum aërem afflet, aërem inconditè tantum percussurum, si tamen ea, quam ore efflat, aura, transeat in instrumentum, modifieturque illic mûsici digito, artèque, simplex prius aura in variam abibit harmoniam. Ita pulvis nitratus ex arte temperatus licet, si flammam concipiat aperto in aëre subitum tantum cum sonitu, confusumque lumen quod citissime evanescat, emitat ; peritè tamen in pyrobolatis, aliisque affabrè factis instrumentis dispositus, ac rum accensus variam, gratamque lucentium corporum varietatem exhibebit, eaque Phænomena quæ meritò in pyrotechnicis miramur. Phisicum quoque exemplum quibus illustrentur *analogici nostri, ac vicarii*, ut ita loquar, *elateres*, suppeditant capæ, radicelsque aloës, quæ vulgò *sempervivæ* dicitur, aliæque quædam vegetabilia ; nam hæc tempore verno aëri exposita si fuerint, succi, spiritusque in iis contenti ad agitantur peculiari structura solidiorum partium ut licet neque terra cooperetur neque pluvia ; virides emissura sint per varias septimanas cauliculos, seu folia irridia quasi in optimo confita solo florent.

Licet materiam viridium harum frondium radicales ipsæ partes subministrant, ut colligi potest ex manifesta radicum quoad molem diminutione, *gradualique* pondere decremento, ut in faciendis huiuscemodi experimentis observavi,

servavi, atque in aëre etiam qui externum fluidum est, concurrēsq; cum succis, spiritibusque variorum insectorum, aliorūque frigidorum animalium innotuit admittere poterit, eūque ita determinatum eorum organizatione, ut tempore verno, aut æstivo novam quasi vitam resumant cū per hyemem motus experia, aut quasi mortua jacuissent: Muscæ enim, ut videmus, incalcescente aëre morum, sensūque facili recuperant, postquam utrumque amiserint per multos fortē menses. Argue hæc mutatio longē citius in iisdem observari poterit, calidioribus anni tempestatibus cū aër iis suberabitur in *antlia pneumatica*, tursūque restituitur, ut iterum resurgant: Atque ut aliud quod fortē gratius fuerit, exemplum afferam, quia ut merē physicum est, ita & simplex, maximeque conspicuum: Quamvis Solis radii lucē primariē producant, aut fortē calorem; dum tamen debito modo in toridam nubem incidunt, effingunt ibi ingentis arcus figuram, eāque variē reflexam, & refractam variis iis coloribus, quos miramur in *Iride*, pingunt.

Sed prosequi me oportet ulteriūs observationem casu commemoratam, tanquam exemplum quo ostenderem veræ Philosophiæ progressū impediri posse ipsa hominum consuetudine assignandi *res imaginarias*, aut arbitraria nomina tanquam veras effectuum Physicorum causas: Hæc autem inter arbitraria vocabula nullum videretur malignioris, ut ita loquar, fuisse *Natura*, plusque Physiologie nocuisse quā vox hæc *Natura*, cū nulla aliorum & tam diversos in scopos usurpata fuerit. Quare quamvis omnem omnino vocis *Natura* usum affiniūque ipsi locutionum tolli nolim in vulgari sermone, atque etiam in Philosophicis quibusdam dissertationibus, in quibus aut summus rigor non requiritur, aut ambiguitas ipso contextu præoccupatur, aut, ut verbo absolvam, quories adhiberi potest tanquam sermonis compendium absque veritatis, veræque Philosophiæ præiudicio quibus in casibus ipsemet hanc vocem usurpo, futurum tamen spero ut libera nostra disquisitio nonnihil saltem conducat ad peritiorem investigationem, feliciorēque Physicarum veritatum inventionem, si hac induci homines possint, ut min⁹ sæpe, magisq; circumspectē, tam ambigua malēque sæpe adhibita voce hæc *Natura* utantur, sibi que deinceps non ampli⁹ fingant veri se Physiologi partes implessē, donec methodo clara particularim à principiis quæ intelligi possint, Phænomena deduxerint. Quod aut quis præstare meminerit, aut se non præstidisse animadvertet, neglectis generalibus, ambiguisque vocibus conetur res explicare iis locutionibus quæ ab attentis quibuscumque lectoribus, communique intelligendi facultate prædictis intelligi queant, perspicuamque hanc *Philosophandi* methodum ingeniosi quique amplecti debent hoc præsertim nomine, Quod ii qui eam secuti sunt, varia rerum difficultium investigatione explicationēque, curioso hoc sæculo non solum plurima feliciter detexerint circa varia Phænomena vulgò ad fugam *Uachis* relata, sed multa etiam in *Hydrostaticis*, *Opticis*, *Anatomicis*, *Botanicis*, aliisque variis, quibus immorari jam nequeo, *realis Disciplinæ* partibus: Atque hæc sat fuerint de utilitate de Doctrina nostra ad Philosophiam redundante.

Quod ad Religionem spectat, si, quod superius in ipsius defensionem dixi, attentius perpendatur, recteque applicetur, superior dissertatio eidem neque adversa, neque inutilis videbitur. Quare hic in compendium reduco quod illic fufius dixi, quibusdam, quæ hunc in locum servanda erant, additis.

I. Ac primum quidem Doctrinâ nostrâ cohiberi non poterunt quia nimia *Naturæ* veneratione prolequebantur, cohiberi inquam non poterunt, ne in sacrilegos eos errores inducantur quos speciosas ob causas non Ethnici tantum Philosophi amplexi sunt, sed & varii etiam Christianissimi professores qui impios Gentilium errores novorum nominum regimine haud ita pridem induxerunt hoc ausum dicere, quod multi ex Ethnicis Scriptoribus, ut in quarta Sectione ostensum est, agnoverint quidem, ut hi ipsi faciunt, Deum, sed vix à *Materia*, atque etiam à *Mundo* distinctum: atque omnino discrepantem à Deo *Judeorum*, ac Christianorum: * Deus enim noster primum infiniter perfectus est, tum & incorporeus & perfectior quàm ut *materiam animæ* Ethnicorum *Mundana* instat animet, aut ut *anima* propriè dicta corporis cuiuscumque sit: Deinde ut possit dividi, ex eoque humanæ animæ, quasi decerpi, exculpi, aut aliter separari queant, ita ut sint veræ partes, aut portiones propriæ ipsius substantiæ.

Cum idololatræ, atque infideles de quibus ago nomine Dei ons conceperint de quo dogmaticè multa asserebant, à se invicem, & magis adhuc à veritate discrepantia. † Primum enim eorum plerique Deum suum existimant merè corporeum, ut, præter ea, quæ *Diogenes Laërtius* alique referunt, meminimus originem multis locis affirmare: Si *Eusebio* * fidem adhibere vis, Veteres

* Stoici in *Laërtio* describunt mundum hoc modo; *Diog. Laërt. l. 7. in vita Zenon. Mundus est qui consistit ex calido & terræ atque ex illorum natura, sive qui consistat ex Diis, & hominibus si quæ rebus quæ horum gratiâ condita sunt. De Chrysippo autem è præcipuis illius Sectæ fundatoribus idem Historicus eodem libro ita loquitur: Purissimum dixit ac liquidissimum æthera, quem etiam asserunt Stoici esse Deum sensibiliter veluti infusum per ea, quæ sunt in ære per quædam animantes & arbores, per terræ autem ipsam secundum habitum: Quibus convenit non tantum celeberrimus ille Virgilius locus principio Cæli, &c. Sed alius quidam quem miror à viris doctis addè inobservatum legi, etiam illic *giborem*, Deum omnipotentem vocet; Tum pater omnipotens summus imbris æther, &c.*

† Error hic rejectus opinio fuit multorum Ethnicorum Philosophorum, & speciatim Sectæ Stoicæ de cuius authore ait *Laërtius* in Vita Zenonis.

De divina substantia Z. non ait mundum totum, atque cælum; varique Ethnici Philosophi etiam postquam Evangelium fulgere cœpisset, adoptarunt argumentum veterum Stoicorum, quæ mundum concludebant animatum, & rationalem ex *Natura* humanæ animæ, quam partem intelligentiæ mundi partis putabant mundi inquam quem eorum quidam Deum dicebant: Stoici enim in *Laërtio* de vita Phil. 7. Affirmant mundum esse animalis quid, & rationale, & intelligibile, & iuxta Juxta.

Additurque, mundum animatum esse inde manifestum est quod anima nostra inde veluti avulsa sit: Ita *Seneca* Ep. 92. Quid est autem cur non existimus in eo divini aliquid existere quæ Dei pars est ita *Ptolemaeus* loquens de anima. in quest. Non opus solum Dei, sed & pars est, neque de ipso, sed ex ipso nata est, & *Epictet.* diss. l. c. 14. Anima ita alligata, & conjuncta Deo sunt ut periculis æque sint. * *Præpar.* l. 3 c. 4.

Aegyptii Theologi non tantum affirmarunt, Solem, Lunam, Stellas esse Deos, sed & negarunt incorporeas substantias, invisibilisque *Naturas* fabricasse mundum, sed Solem tantum oculis nostris obvium; hæcque Dei corporeitas videtur esse manifesta *Hobbii*, ejusque non degenerum discipulorum opinio quorum principiis tam congrua est quam adverſa Religioni: Sed ſecundò alii ſunt qui *animam* mundo conceſſerunt, *rationale*, *providensque ens*, junctum corporeæ Univerſi parti, maxime Cælo; quod, memini, *Aristoteles ipſe*, & *divinum corpus* aut ut aliqui reddunt, *corpus Dei* vocat. Sed inſuper tenuerunt hoc ens propriè informare hanc magnam Univerſi maſſam, atque revera fuiſſe animam mundi; & quavis quidam ex nuperis noſtris *Atheis* ſuperius indicatis in hoc tractatu, magnam ſe huic negotio lucem afferre putent, quantum tamen de eorum doctrina reſcire potui, affinis admodum eſt, aut ſerè eadem cum illa quam ſuperius Lactantius declaravit aſſertam eſſe à Stoicis expoſitamque à *Maximo* pagano, ſancto *Auguſtino*: Equidem unicum eſſe Deum ſummum, atque magnificum, quis tam demens, tam mente captus ut neget eſſe certiffimum: bujus nos virtutes permundandum opus diffuſus multis vocabulis invocamus, quoniam nomen ejus cunſi proprium ignoramus; idem ſerè aſſeritur à celebri, doctòque illo *Romano* arrone, qui dicitur ab *Auguſtino* de civit. Dei, l. 7. c. 6. dixiſſe, Deum ſe arbitrari animam mundi, & hunc ipſum mundum eſſe Deum, ſed ſicut hominem ſapientem, cum ſit ex animo & corpore, tamen ab animo dicimus ſapientem, ita mundum Deum dici ab animo, cum ſit ex animo & corpore.

Doctrina à nobis propoſita, poterit, ſpero, multum conducere ad defendendam divinam Providentiam contra eos cavillatores, qui audaçter eam condemnant ob quædam quæ Phyſicas ipſi anomalias credunt; (morales enim hæc non ſpectant) cujuſmodi ſunt monſtra, terræ motus, inundationes, ignium eruptiones, fames, &c. nam juxta noſtram doctrinam.

Primo, Deus eſt agens maxime liberum; mundumque creavit non neceſſitate, ſed voluntate libera, cum eum fabricaverit, prout ipſi viſum fuerit ſub rerum initia cum nulla eſſet præter ipſum ſubſtantia, nullaque proinde creatura, cui aliquid debere, aut à quo limitari poſſet.

Secundò, Cum Deus intelligendi vi humanum intellectum infinite ſuperaret latitudine, claritate, aliſque dotibus, non immerito quis ſibi perſuaſerit magnum & mirabile mundi *anichmaion*, ſubordinatæque ejusdem machinas varios eum in ſcopos condidiſſe, quorum quidam ſpectarent præcipue ad corporeas, aliique ad rationales creaturas; quorum quidem quoddam rationi noſtræ pervioſ reliquit, alii verò probabiliter penetrati ab eâ nequeunt, utpote qui profundiffima infinite ejusdem ſapientie abyſſo contineantur.

Tertiò, incongruum non videtur concipere excellentiſſimum hoc gloriſiſſimumque Ens ita res ordinaſſe, ut & ipſius opera & actiones ſignacula quædam attributorum ipſius forent, quibus humanus intellectus ſapientiam divi-

nam discerneret. Quod attributum nobis seipsam detegere poterit plurimarum rerum productione ope principiorum paucissimorum, simplicissimorumque, modoque quàm maxime uniformi proportionari aliis attributis congruitate servata.

Quartò, juxta hanc suppositionem videtur quòd divinum Universi Authorem deceret eo modo Mundum fabricare, iis facultatibus instruere, atque ejus inter partes constantes, generalésque leges constituere ejusmodi quæ propositis ipsi in Mundi creatione consiliis meliùs congruerent, eásque leges catholicas, particularésque partes ac corpora ita sibi invicem subordinare, fabricæque magni systematis mundani, originali ut in omni particulari casu tamdiu tantum privatis ejusdem portionibus consuleretur, quamdiu earum bonum constitutis à Deo catholicis in Universo legibus congrueret, finibúsque quos ipse sibi in eo fabricando proposuit qui bono *particularium creaturarum* præferendi sunt.

Hinc, si miracula seponamus, ut res supra *Naturam*, eaque exempla in quibus providentia magni Rectoris Universi, negotiorumque humanorum specialiter intervenit, Rationi conformiter dici poterit, Deum cum infiniti sit intellectus cui omnia simul ac semel præsentia sunt, clarissimè vidisse quid ex legibus ab ipso constitutis secuturum foret in omni, quæ esse posset earum combinatione, atque in omnibus creaturarum circumstantiis: Hæc autem omnia contemplatus cum constituisset corporea inter opera generales, statásque motus leges sapientissimis suis finibus conformes, consonum admodum ipsius sapientiæ videtur præferre, præterquam in casibus modò exceptis, Catholicas leges, altioresque fines subordinatis quibusdam, uniformitatémque regiminis, mutationi ejusdem pro quovis rerum eventu: Non debuit itaque à generalibus legibus primum sapientissimè constitutis recedere ut particularium quarundam bono consuleret, aut quasdam anomalias præveniret, cujusmodi sunt terræ motus, inundationes, fames, &c. Quæ quidem omnia ipsi creaturis noxia admodum sunt, eaque ipse, quæ futura prævidit, ut Eclipses Solis & Lunæ, imbrium in mare, atque arenosa loca prolapsum vi originalis rerum dispositionis futura prævidit, & decrevit, seu permisit utpote congrua cuiuspiam sapientissimorum finium quos sibi ipse omnium præscius proposuit, qui vel ut Creator, conservatorque Universi, vel ut Rector creaturarum rationalium fines sibi proponere poterit sive physicos, sive morales, aut politicos si ita distinguere liceat quorum plurimi uni forrè Deo noti sunt; unde varia Phænomena quæ anomalix nobis videntur, existimare debemus maxime esse congrua secretis iis finibus, de quibus cæci nos mortales idcirco pronuntiare non debemus.

Atque ex re ipsa admirabili sapientia, peritiæque divini Opificis conspicuis quibusdam exemplis manifesta, divini inquam Opificis peritia in adaptandis rebus, ejusmodi finibus usibúsque merito colligimus, non minorem esse ipsius artem circa reliqua corporea ipsius opera, si horum, ut illorum particulares discernere

discernere causas possemus. Ut si Epistolam ponamus ingeniosissimam variis super argumentis scriptam, ac varios in scopos, cujus aliquæ partes planis characteribus scriptæ forent, aliæ *Cyphis*, aliæ mixtis variè characteribus, ponamus inquam hanc Epistolam accuratè legi à viro docto, si partes Epistolæ quas intelligit, propositis iisdem finibus summè congruas reperit, is & rationi & æquitati conformiter judicavit eas partes quas non intelligit, aut etiam minùs congruum continere sensum putat, non minùs præstantissimo scriptore dignas, quàm sint aliæ Epistolæ partes clariores, si peculiare ipsarum fines æquè lectori paterent.

* Neque ingratum fortè fuerit si addidero hac rerum constitutione fieri ut in quibusdam Dei operibus fines manifesti sint, conspicuæque mediorum apertitudo [ut oculus ad videndum factus, partèsque ex quibus constat mirè factæ sunt ad excellentissimum visionis organum] utque in aliis designati fines ultra captum nostrum esse videantur: neque inquam ingratum fuerit si addidero hac rerum constitutione fieri ut sapientissimus earum Author intellectus nostros illustret, nòsque doceat quàm reipsa imperfecti sint.

Si hæc Providentiæ hypothelis utilis fuerit, ut spero fore resolvendis quibusdam circa eam scrupulis, eam, scio, Religioni non inutilem, existimabis: Quamvis autem scopum non assequar, cum nihil hac de re dogmaticè pronuntiem, sed liberè rem aliorum iudicio permittam, fore spero ut conatus saltem meus non minùs quàm illorum qui peritius scripserunt, ipsa argumenti difficultate veniam obrineat: Ut ut sit quod circa Providentiam propositi cum eo consilio scriptum sit ut Theologiæ potiùs inserviat, quàm ut rationem reddat cur recepta *Natura* notio displiceat, quæ Philosophicis præcipuè objectionibus nitebatur. Spero *liberam nostram Disquisitionem*, licèt secundus ipsius usus negligeretur, Religioni non inutilem fore cum primus ipsius usus suprà memoratus non pendeat à meis circa Providentiam notionibus, ut neque tertius, quem, quòd priori nimium immoratus sim, paucis expediam.

III. Postrema, sed non minima è doctrina nostra ad Religionem redundans utilitas hæc est ut homines inducat ad solvendas Deo directè junctas admirationi laudes, gratiâ que, Deo inquam ut vero, & soli Creatori Solis, Terræ, aliarumque illarum creaturarum quæ vulgò *Natura opera* dicuntur: Huicque modo nostram exprimendæ erga Deum *venerationem*, qui in Scripturis *Exod. 20. 5. Deum se Zelotem* vocat, gratitudinèque declarandi: favent exempla veteris Dei populi, *Israëliitarum*, neque inspirati tantum Veteris Testamenti Prophetæ, sed Novi etiam promulgato es, Cœlestèsque adeò Spiritus, qui, *Rev. 4. 2.* introducuntur laudantes gratiâsque agentes Deo ob mundana ipsius opera, ne verbo quidem uspiam factò de fictitia ejusdem vicaria, *Natura*.

O ;

Totius

* Vid. Dissert. de Causis finalibus.

Totius Operis Conclusio.

H Abes jam, dilectissime *Eleutheri*, pleraque, neque enim omnia sunt, quæ hac super re scripsi, pleraque inquam *Libera mea in recepta Natura notionem disquisitionis capita*: Sub finem tamen hujusce tentaminis, non ægrè, puto, feres si duo triæ de eo tibi proposuero.

I. Cùm tractatus hic *disquisitio* tantùm sit, si alicubi dogmaticè mentem eloquar circa *questiones magni momenti, aut difficultatis*, sumendum id est congruenter conformitèrque expresso hujus tractatus scopo: Pro tua enim, *Eleutheri*, benignitate, prudentiæque, facilè animadvertes difficile admodum fuisse in ipso disputationis calore non oblivisci eorum limitum quos titulus ipse suggerere potuisset, cùm præsertim non potuerim eum in loquendo rigorem lervare dissertatione ipsa non enervata variis restrictionibus, exceptionibusque tædio plenis quæ & tibi ipsi, & mihi molestiam creassent: Sed hoc ut dicebam de rebus *magni momenti est intelligendum*: Alioquin variæ sunt locutiones, suppositiones, explanationes in recepta vulgò *Natura* doctrina, ejusque Phænomenis quæ sunt aded præcisiæ, obscuræ, incongruæ, rebûsque explicandis aded ineptæ ut facilè fatear eas mihi displicere, nec à me admitti.

II. Quamvis, cùm obiter hunc tractatum percurrerem varias schedas primùm obvias comperi simul alligatas, ne perirent, quod aliis nonnullis fatum obtigerat, priusquam in alias inciderem; earum nonnullæ locis maxime idoneis non sint inveniendæ: præ festinatione tamen, & ægritudine à tua benignitate, venialis culpæ mereri veniam potius volui quàm mutato harum schedarum ordine novas substituere transisiones, connectionesque iis quibus aliàs vacuitatem tractatus quem jam habes, implevi. Et si notiones ipsæ, ratiocinationesque sint solidæ accuratam methodum non exigunt, ut perspicaci lectori, cujusmodi tu es, assensum extorqueant; tua pariter benignitate fretus futurum spero ut superior admonitio apologiæ etiam loco sit, si fortè idem quoad substantiam, plus *vice simplice* occurrat in tractatu diversis temporibus, & diversis in circumstantiis scripto: Præterquam enim quòd apparentes eæ repetitiones rarò ni fallor, occurrent, remque ipsam plerumque elucidare, ac roborare poterunt, ac præterquam quòd novitas ipsa, difficultasque argumenti impulerint me ad hæc non tantùm proponenda, sed inculcanda, præter hæc omnia, inquam, fieri omnino potest ut eadem notio variis explicandis, aut probandis veritatibus inserviat: Ac proinde non inutiliter repeti poterit. Si autem *nostra disquisitio* secunda vice prælum occupet, tibi que rursus offeratur, posteaquam eam inspexerim, audierimque factas contra objectiones, examinarimque quid tu & ipse peccatum offenderimus, fortè,

fortè, si per vires, & orium liceat, hic tractatus quem intueri te tantùm velim ut apparatus ad accuratiorem, pleniorẽque, ineliore methodo tuo se coram tribunali silter: Atque ita secundæ meæ cogitationes correctiores fortè futuræ sunt, maturioresque, ac fortiores quàm fuerint primæ.

III. Cùm argumentum *hujus disquisitionis* non magni tantùm momenti sit, sed & latissimè pateat, impulit me ut agerem de multis argumentis *Philosophicis, Medicis, Theologicis, &c.* atque ex illis de non paucis difficilis admodum speculationis. Opus autem ed laboriosius expertus sum quòd cùm tentamen hoc novum omnino esset, continuandũque ratiocinationibus communi humani generis opinioni sæpe repugnantibus, nihil auxilii nisi à veritate & ratione expectare possem. Quare, ut non ausim dicere tua me non indigere indulgentia, ita facilem te mihi, ac propitium fore puto, si hoc primo in tentamine & tam multiplici è capite difficili, veritatem quam summa sinceritate quæsi, fortè non attigerim, ac si animadvertas, ut probabiliter animadvertes, quosdam me in errores prolapsum, hos ut indicaris, deferam: Idque ed facilius mihi futurum est, quòd ne stylus ipse intentioni obsit hanc dissertationem conscripserim, ut *dubitans potius veritatis indagator, quàm instar hominis ejusdem inventa fiducia intumescens.*

Veniet tempus quo posteri nos tam aperta nescissimirentur. Senec. l. i. q. nat. c. 25..

FINIS.

THE HISTORY OF THE

